

جريدہ عدلیہ

۸ ربیع الاخر ۱۳۲۸ بازار ایتسی ۵ نیشان ۱۳۲۷

نومرو ۹

برنجی سنہ


قِسْمِ سَرِ حَقِی

نوبہات عدلیہ

جبل برکت سنجائی بدایت محکمہ سی جزا دائرہ سی ریاستہ سرفیچہ سنجائی بدایت محکمہ سی مدعی
عمومی معاون عطا وانک یرینہ جانیک سنجائی بدایت محکمہ سی مدعی عمومی معاونی فرید بک لک و ارکری
سنجائی بدایت محکمہ سی جزا دائرہ سی ریاستہ یانہ ولایتی استیناف محکمہ سی اعضا سندن عثمان وانک
یرینہ مذکور استیناف محکمہ سی حقوق دائرہ سی باش کاتبی صالح و ارکری سنجائی بدایت محکمہ سی
اعضالغہ یانہ مرکز اجرا مأموری محمد و پروزہ سنجائی بدایت محکمہ سی اعضالغہ لوشنہ قضاسی بدایت
محکمہ سی اعضا سندن خایما کی افندیلرک و موصل ولایتی استیناف محکمہ سی اعضالغہ بیروت استیناف
اعضا سندن عبدہ ناصر الدین افندیلرک بیروت استیناف محکمہ سی اعضالغہ جبل غربی سنجائی بدایت
محکمہ سی مدعی عمومی معاونی مکتب حقوقدن علی الاعلی درجہ دہ مآذون اسماعیل حتی افندیلرک ارزنجان
سنجائی بدایت محکمہ سی جزا دائرہ سی ریاستہ سینوب سنجائی بدایت محکمہ سی مدعی عمومی معاونی
مصطفی فوزی افندیلرک سینوب سنجائی بدایت محکمہ سی مدعی عمومی معاون لکنہ ایچ ایل سنجائی بدایت

محکمه‌سی مدعی عمومی معاون سابق و داد افندیك ايچ ايل سنجاني بدايت محکمه‌سی مدعی عمومی معاونلککه اولونيه قضاسی بدايت محکمه‌سی جزا دائره‌سی رئيسی محمد امين افنديك جانیک سنجاني بدايت محکمه‌سی جزا دائره‌سی رياسته اورفه سنجاني بدايت محکمه‌سی مدعی عمومی معاونلککندن مستعفی رمضان صائم افنديك از مير استيناف اعضالغنه ساقز سنجاني تجارت محکمه‌سی رئيسی محمد رفيق افنديك ساقز تجارن محکمه‌سی رياسته آيدن سنجاني تجارت محکمه‌سی رئيسی ابراهيم ادهم افنديك آيدن سنجاني تجارت محکمه‌سی رياسته لريوز رئيسی شوکت افنديك سوريه ولايتی استيناف محکمه‌سی اعضالغنه تکفور طاعی سنجاني تجارت محکمه‌سی رئيسی کيرقور افنديك سوريه ولايتی بدايت محکمه‌سی اعضالغنه مکتب حقوقدن مأذون نيغولا افنديك مجدداً تشکيل بيوريلان قره کليسا بدايت محکمه‌سی جزا دائره‌سی رياسته مکتب حقوقدن مأذون نابی بکک طاشوز سنجاني بدايت محکمه‌سی رياسته زونغولداق قضاسی بدايت محکمه‌سی رئيسی عبدالرحمن شرف افنديك زونغولداق قضاسی بدايت محکمه‌سی رياسته بابا اسکی قضاسی بدايت محکمه‌سی مدعی عمومی معاونی منير افنديك زور سنجاني بدايت محکمه‌سی جزا دائره‌سی رياسته لواء مذکور مدعی عمومی معاونی کامل افنديك زور سنجاني بدايت محکمه‌سی مدعی عمومی معاونلککه مديه قضاسی بدايت محکمه‌سی جزا دائره‌سی رئيسی ذکريا افنديك نقل وتمينلری خصوصنه اراده سنيۀ حضرت پادشاهی شرفتمعلق بيورلش ومومي اليهمدن محلف اوليانلرک تحليفلری دردست اجرا بولمشدر .

انجمن عدليه مقرراتک جمع ونشری امرنده سبق ايدن غيرت و مساعيسی تقديرأ محکمه تميز باش مدعی عمومی ملکی باش کاتبی مظهر بکه دردنجی رتبه دن نشان عالی عثمانی احسان بيورلشدر .



۵ ربيع الآخر سنه ۳۲۸ و ۳ نيسان سنه ۳۲۶ و ۸۴ نومرولی تذکرۀ ساميه صورتيدر

ایشی چوق اولان قضاير بدايت محاکمده دت اعضای منتخبه استخدای حقنده تشکيلات عدليه قانونه ذیل اولمق اوزره وقوع بولان تکلیف اوزرينه مجلس مبعوثانجه معدلاً قبول وهیئت اعیانجه تصدیق اولنوب مرعیت احکامنه بالاستيدان اراده سنيۀ جناب پادشاهی شرف صدور بيوريلان ماده قانونیه ايله اعیان قرارنامه سنک دیوان هایون قلمندن مصدق صورتلری لفاً صوب عالیترینه ارسال قلمقله ایجابنک اجراسنه همت بيورلمسی سیاقنده تذکرۀ ثاوری ترقیم اولندی افندم .

تشکيلات عدليه قانونه ذیل اولمق اوزره قلمه آلان ماده قانونیه لایحه‌سی صورتيدر

ایشی چوق اولان قضا بدايت محکمه‌لری ایکی دائره‌یه تقسیم ایدیلهرک اعضانک عددی اکا کوره درده ابلاغ ایدیلور .

فی ۱ ربيع الآخر سنه ۳۲۸ و فی ۲۹ مارت سنه ۳۲۶

عدليه ناظری
نجم الدين
صدر اعظم
ابراهيم صفي

قرارنامه صورتيدر :

قضالرده کی عدليه تشکيلاتی دعاوی واردی سرعت وانتظامله رؤيته امکان برافندينی جهتله ایشی چوق اولان قضا بدايت محکمه‌لرنده دت اعضای منتخبه استخدای حقنده مبعوثاندن علی جنائی بک طرفندن تکلیف اولنوب مجلس مبعوثانجه بالذاکره تعديلاً قبول ومجلس مذکور رياستک ۲۱ شباط ۳۲۵ تاریخ و اوتوز بر نومرولی تذکره سیله ارسال اولان ماده مذيله قانونیه لایحه‌سی اول امرده عدليه انجمنده و بده اشبو انجمنک مضبطه سیله برلکده هیئت عمومیۀ اعیانده مطالعه ومذاکره اولهرق ماده مذکورنک مجلس مبعوثانجه تعديل اولندينی صورتله عیناً قبول وتصديقه اکثریتله قرار ویرلشدر ،

قانون اساسینک اوتوزنجی ماده‌سنه توفیقاً طرف حضرت پادشاهیدن بالامضا تصدیق بيورلدقندن و صدارت ايله دائره متعلقه‌سی ناظری طرفندن ده امضا ایدلدکدن صکره جريدۀ رسمیه ايله بالاعلان موقع اجرايه وضع اولتمق اوزره لایحه قانونیه قوه اجرائیه‌یه توديع قنور .

فی ۱ ربيع الآخر سنه ۳۲۸ و ۲۰ مارت سنه ۳۲۶

۵ ربيع الآخر سنه ۳۲۸ و ۳ نيسان سنه ۳۲۶ تاریخلی و ۸۳ نومرولی تذکرۀ ساميه صورتيدر :

تجارت محکمه‌لرينه اعضای موقتہ نك عدم دوامی حالنده هیئت دائمه ايله رؤیت دعوی اولنمسنه دائر ذیل قانون تجارتک سکزنجی ماده‌سنه تذیل ایدلمک اوزره حکومتجه تنظیم ومجلس مبعوثان واعیانجه قبول وتصدیق اولنوب مرعیت احکامنه بالاستيدان اراده سنيۀ جناب پادشاهی شرف صدور بيوريلان لایحه قانونیه ايله مجلس اعیان قرارنامه سنک دیوان هایون قلمندن مصدق صورتلری لفاً صوب عالیترینه تسیار اولنمغه ایفای مقتضاسنه همت بيورلمسی سیاقنده تذکرۀ ثاوری ترقیم اولندی افندم .

قرارنامه صورتيدر :

تجارت محکمه‌لرينه اعضای موقتہ نك عدم دوامی حالنده هیئت دائمه ايله رؤیت دعوی اولنمسنه دائر ذیل قانون تجارتک سکزنجی ماده‌سنه تذیل ایدلمک اوزره حکومتجه تنظیم ومجلس مبعوثانجه تعديلاً قلمه آلنوب مجلس مذکور رياستندن ۲۰ شباط ۳۲۵ تاریخلی و ۲۹ نومرولی تذکره ايله تسیار ایدیلان لایحه قانونیه عدليه انجمنه حواله ایدلشدی .

مذكور انجمنده تنظيم اولان مضبطه هيئت عموميه ده مطالعه و ايجابي مذاكره اوله رق اعضاي منتخبه ايله رؤيت دعوى موجب محسنيات ايسه ده بونلرك بلا معاش دواملرنده كي تعذر سبيله معاملات و محاكات دوچار تاخر اولمقده بولنديغندن استانبولده اولديني كبي طشره محاكمندن اعضاي دائمه ايله رؤيت دعوى اولمسي قواعد قانونيه و مصلحته موافق دعاوي وارده نك سلامت رؤيتي تأمينه كافي كوريله رك سالف الذكر لايحه قانونيك مجلس مبعوثانك تعديل وجهله قبوله اكثريته قرار و يرلمشدر .

قانون اساسينك اوتونجى ماده سى موجبجه طرف حضرت پادشاهيدن بالامضا تصديق بيورلدقندن و صدارت ايله دائره متعلقه سى نظري طرفلرنده ده امضا ايدلدى كن صوكره جريدة رسميه ايله بالاعلان موقع تطبيقه قونامق اوزره اشبو لايحه قوه اجرائيه توديع اولنور .

۱ ربيع الاخر سنه ۳۲۸ و ۲۹ مارت سنه ۳۲۶

قانون تجارتك سكرنجى ماده سنه ذيل صورتيدر :

تجارت محكمه لرنده بر رئيس و ايكي اعضادن مركب اولان هيئت دائمه ايله رؤيت دعوى اولنور . استينافاً رؤيت دعوى حالنده بدايت محكمه سنك ديكر دائره سندن التحاق ايدن ايكي اعضا ايله هيئت اكال اولنور .

۱ ربيع الاخر سنه ۳۲۸ و ۲۹ مارت سنه ۳۲۶

صدر اعظم

عدليه نظري

ابراهيم هقي

نجم المير

قانون جزائك عدليه نظارتجه تنظيم و باب عاليه تقديم اولنان مواد معدله سنه متعلق

اسباب موجب لايحه سيدر

اليوم ايدى محاكمه مرعى الاحكام اولان قانون جزائك هر وجه ايله ناقص و محتاج تعديل و اصلاح اولديني و ايجابات عصريه ايله متناسب بر قانونه اشد احتياج بولنديني مستغنى ايضاحدر . آنجق بر قومك استعداد ترقياته و حریت طبيعیه سنه موانع احداث ايتكمزین احتراصات نفسانية بشریه يي تقيد ايدرك بو استعدادك انبساطنه و حریتك حدود مشروعه دائره سنده سلامت محافظه سيله آسایش و امنیت عمومیه نك تأمينه خادم بر قانون وجوده كتيرلمسي پك چوق تدقيقات و تبعاته و درين مطالعات و تأملاته محتاج اولديني دخي انكار اولنه ماز .

واقعا قانون جزای حاضرک کلیاً و اساسی بر صورتده تبدیلی و تجدیدی ایچون نظارت عاجزیه صرف

مساعیدن کيرو طورلماش واز جمله بعض قوانین مکمله جزائیه دن استفاده ایدیلهرک مستقل و باشلی باشنه بر قانون لایحه سى دخي وجوده کتيرلمش ايسه ده لايحه مذکور نك هر وجه ايله مکمل و احوال و احتیاجات ايله متوافق اولمسي ایچون پیدرپی تدقیقات جدیدیه ايله اصلاحنه اهتمام ایدیلکده اولوب انجق اکالی زمانه متوقف اولدینی کبی اکل ایدیلوب ده مجلس عالی عمومی به تقدیم ایدلسه بیله بش یوز ماده یی تجاوز ایتسی محتمل و پک چوق مناقشات علمییه یی دعوت ایلسی طبیعی بولنان بویله مهم بر قانونک مجلس مبعوثان و اعیان هیأت محترمه سنجه مذاکره و قبولی دخي سنه لره افتقار ایده چکی شبهه سزدر . حالبوکه قانون حاضرک نقصانی کوندن کونه کندیسینی اظهار و احساس ایدرک وقوعه کلکده بولنان بر چوق جرائم جزاسز قالمقده و بوندن امنیت و اسایش مملکت متأثر اولمقده بولنديني کبی فلسفه جزایه تعلق ایدن بعض قواعد عادلّه نظریه نك فقدانندن ناشی یا عدالة استحقاق پیدا ایدیلن جزادن فضله مجازات حکم اولمق صورتیه حدود عدل و حقانیت تجاوز ایدیلکده و یا خود مجازات قانونیه نك خفتندن ناشی ارباب جرائم جرأتیاب اوله رق حقوق عامه اخلاص اولمقده بر دوامدر .

مارالذکر لایحه کالیه اصلاح اوله رق مجلس عمومی به تقدیم ایدیلوبده بعد المناقشه شکل قانونی اکتساب ایدنجیه قدر احوال حاضر نك دوامی جائز اوله میه جفندن بوکا چاره ساز اوله جق بعض تداییر اتخادی اهم و الزم کورلمش و بوندن دولای قانون جزای حاضرک بعض موادینک تعديل و اصلاحی و بعض موادینک طی و اخراجی و یا مجازات مرتبه نك تشدید و بعض علاوه لر ترتیبی صورتیه شمیدیلک احتیاجاتمه ممکن مرتبه موافق بر طرزده قلبی مناسب کورلمشدر .

تعديلات و اصلاحات مذکوره قبول اولنديني تقدیرده هم سکون و ثانی ايله مکمل بر قانون جزائک ترتیب و تنظیمنه مساعد زمان الیه ایدلمش ، همد بویله بر قانون وجود بولنجیه قدرک کثیر الوقوع افعال و جرائمه قارشى اسایش و امنیت عامیه یی محافظه کافل احکام و تداییر و بعض کونا عدالت سز لکری رفع و ازاله یه خادم قواعد و دساتیر تأسیس قلنمش دیمک اولور .

قانون مذکورک اک مهم نقصانلرنندن بریسی قواعد عمومیه سنه عائد اولوب بوکا متعلق اولان بابک برنجی فصلنده تکرر جرمدن باحث بولنان سكرنجى ماده قانونیه اولباده کی قواعد اساسیه و فرعییه یی غیر جامع اوله رق محاکمه درلو درلو تفسیراته میدان آچدیغندن بو تفسیرات مختلفیه میدان ویرلمک اوزره ماده مذکوره یه صراحت مقتضیه درج ایدلمش و تکرر اصولی یالکز جنایت و جنحه لره حصر ایدیلهرک جنایتلرده تکرر مطلق و جنحه لرده ايسه تکرر مقید اصولی او قشار قواعد وضع اولمشدر . شویله که : فاعلک ، جرمدنه اصرار و دوامی و صلاحه عدم قابلیت اثبات ایچون کرک جنایتلرده و کرک جنحه لرده محکومیت قطعیه سابقه نك کافی اوله جنی تأمل ایدلمش و بناء علیه حکم متقدمک کسب قطعیت ایدرک لازم الاجرا بر حاله کله سى شرطی تکررک رکن اولی اوله رق قبول ایدلمشدر .

آنحقی حکومت سابقہ ایلہ تکرر رک رکن ثانیسی اولان ایکی جرم آرہ سنده مرور ایدہ جک زمان مدیدک مجرمہ حکومت سابقہ سنی اونوتدرمہ سی وزمان ایلہ ایلک محکومتک تأثیری زائل اولسی بدیی بولنسنہ بناء ایکی جرمک ، محکوم علیہ جزاسنی چکدکن ویاجزا اسباب قانونیہ دن بریلہ ساقط اولدقن صوکرہ جنایتلرہ اون وجنہ لرده بش سنہ چکمکسزین ارتکاب ایدلسی شرط قلمشدر .

اعتیاد جرمی جرائم آراسنده کی مشاہدتدن ایلری کلیوب ، فاعلک اخلال قانونده کی اصرارندن نشأت ایتسی ملاحظہ سی جنایتلرہ مطابقتک قبولی مانع کورلمش وجنہ لرده ایسہ فاعلک بالنسبہ اہمیتسزلکنہ بناء مطابقت و تکرر مقید اصولی قبول وشوقدرکہ بواصول بر فقرہ مخصوصہ ایلہ توسیع ایدیلرک ساخته کارلق ، سرقت ، دولاندریحیلک ، امنیتی سوء استعمال فعللری عینی جرم اعتبار ایدلمشدر .

جنایتلرہ ، بر کیمسہ نک مجازات ترہیدہ ایلہ محکوم اولدقن صکرہ مؤبد نفی جزاسنی مستلزم برجرم ایقاع ایلسی حالندہ تکرر سبیلہ بشرسنہ قلعہ بند قلمسی وموقت جزالرہ مستحق اولہ جفی جزانک لدی الايجاب حداعظمی تی تجاوز ایدہ بیلک اوزرہ ایکی قات تعیین اولنسی و حتی اون بش سنہ مدتک ایکی مثلنہ قدر واریلہ بیلسی ومجازات مؤبدہ ایسہ جزانک بر درجہ دن دیگر بر درجہ چیقارلسی اساسلری بالقبول شوقدرکہ مؤبد کورکدن اعدامہ کچیلہ بیلک اوزرہ ہر ایکی جرمک مستلزم اولدینی مجازاتک آنحقی مؤبد کورک اولسی شرط قلمشدر ،

اولہ بر جزای تأدی ایلہ محکوم اولان کیمسہ نک مؤخرآ بر جنایت ایقاع ایلسی حالندہ محکومت سابقہ جزای تدهیبی ایکی قاتہ بلاغی کافی براخطارعدلی جدی عداولنامش ویویلہ بر حال وقوعندہ مؤخرآ ارتکاب اولان جنایت ایچون قانونک عادیاً تعیین ایتدیکی جزانک تنکیہ کافی اولہ جفی ملاحظہ سیلہ بو بابدہ آیریجہ بر حکم ترتیبندن صرف نظر اولمشدر .

جنہ لر تشدید جزا اعتباریلہ ایکی قسمہ آیرلمشدر : برنجی قسمہ ، رکن اول ، بر کیمسہ نک برسندہ دن زیادہ حبسی مستلزم بر جرمندن دولای محکوم ایدلسی ورکن ثانی عینی جنہ نک ایقاع ایدلسی . وایکنجی قسمہ ایسہ رکن اول بر سنہ ویا دہا آز حبس جزاسنی مستلزم بر جرمندن دولای محکومت سابقہ ورکن ثانی عینی جنہ نک تکرار ایدلسی عد واعتبار اولمش و اولکی قسم حقندہ لدی الايجاب ایکی مثلنہ ابلاغ اولنقی شرطیلہ جزانک حداعظمی وایکنجی قسمہ ایسہ اولکی جزا مدتک ایکی مثلندن آشانغی اولمامق وایکنجی جزا مدتک ایکی مثلنی تجاوز ایتہ مک شرطیلہ حبس محکومت صورتیلہ جزای تکرر تعیین ایدلمشدر .

برده محکومت متقدمہ قطعیہ نک بر عثمانی محکمہ سندن صدوری کافی اولہ رق حکمک بر محکمہ عمومیہ ویا خصوصیدن صدورندہ بأس اولمادیغندن دیوان حرب طرفندن قوانین عادیہ جزائیہ موجبنجہ مستلزم

جزا برجرم حقندہ صدور ایدن حکمک تکررہ اساس اولہ بیلنسنہ بناء بو بابدہ صراحت مخصوصہ درج ایدلمشدر .

جزای نقدی واسترداد اموال مسرووقہ وتضمینات وکدشتہ ومصارف سائرہ دن دائر اولان اعلاماتک حبس وتضییق ایلہ تنفیذ اولنہ جفی تضمن ایدن اون برنجی مادہ احکامی جرمندن منبعث حقوق شخصیہ حکملریلہ مصارف محاکمہ وجزای نقدینک صورت تحصیلنہ دائر دردنجی جلد دستورده مندرج اولان مواد قانونیہ ایلہ ذاتاً مفسوخ اولوب تعدیلات حاضرہ دنہ جزای نقدینک حبسہ صورت تحویلی حقندہ احکام جدیدہ وضع ایدلمش اولدیغندن مادہ مفسوخہ مذکورہ طی واخراج اولنہ رق آنک یرینہ مصارف محاکمہ نک ایفاسی محکوم علیہ عائد اولدیغنه وجرمندن دولای محکوم اولان اشخاص متعدده رد اموال وتضمیناتده ومصارف محاکمہ نک ایفاسندہ یکدیگریہ کفیل بولندقلرینہ دائر اولان ۴۶ نجی مادہ اقامہ ایدلمش وآنحقی جرائم مختلفدنطولای بر اعلام ایلہ محکوم اولان اشخاص متعدده نک یکدیگرہ تکفلی یالکر مشترکا محکومتی انتاج ایدن جرمک مصارف محاکمہ سنا عائد اولدینی یولندہ بر فقرہ دہا علاوہ اولمشدر . زیرا جرمک نتایج قانونیہ سنہ قارشی فاعللرک یکدیگرہ کفالتی جرمندہ اشتراکلرندن منبعث اولوب حالبوکہ بر قاچ کشینک مشترکا ایقاع ایتدکلری مثلاً بر سرقت جرمک محاکمہ سی صرہ سندن مظلونلرندن بر شخصک اوفعدن بشقہ دہا برجرمی و ازجہ بر طولاندریحیلک فعلی ایقاع ایتش اولسندن دولای اجرای محاکمہ سی لازم کلوبدہ توحیداً محاکمہ ضرورت قانونیہ حاصل اولدقہ شخص مرقومک ایقاع ایتش اولدینی طولاندریحیلک فعلندہ قطعاً علاقہ دار اولیان اشخاص سائرہ او فاعلک مصارف محاکمہ سندن متکفل اولہ مامق طبعیدر . بویلہ بر محکومت ایچونہ قواعد اساسیہ وجزائیہ دنہ ، نددہ قواعد حقوقیہ دنہ ہیچ برسبب وعلت مفروض اولہ میہ جغندن برچہ نک کفالتندن تجریدی موافق کورلمشدر .

اون ایکنجی مادہ قانونیہ نک عبارہ سی غایتہ غریب برطرزده ایدی . جنایت وجنہ یہ متعلق موادده مأمورین ضابطہ طرفندن کوز حبسنہ آنحق وجزای نقدی ترتیب اولنقی و « وقوع جنایت وجنہ ایلہ حاصل اولان اموالی ویا جنایت وجنہ نک اجراسندہ مستعمل اولمش ویا استعمال اولنقی اوزرہ بولنش اولان اشیایی بالخاصہ ضبط ایلک جزالری مشترکا حکم وترتیب » اولنہ بیلہ جکی کوسترلکده ایدی . حالبوکہ « وقوع جنایت وجنہ ایلہ حاصل اولان اموال » هرکیمدن آلمش ویا هرکیمک دوچار ضرر اولسیلہ حصولہ کلش ایسہ آکا عائد اولمق لازم کلہ جکندن بونک ضبطنہ حکم ایتکده محکمہ لرک بر صلاحیتی اولہ میہ جفی کی جنایت وجنہ نک اجراسندہ مستعمل اولمش ویا استعمال اولنقی اوزرہ بولنش اولان اشیای دنہ صاحبک اذن ومعلوماتی اولیہ رق آلمش ویا سرقت ایدلمش اموالندن اولہ بیلہ جکنہ یعنی جرمندہ قطعاً علاقہ ومدخلی اولیان اشخاصہ عائد بولنہ بیلہ جکنہ و بو صورتلہ اموال مذکورہ صاحبنہ

رد واعادہ قلنمق مجبوریات قانونیہ سی حاصل اولہ جغنه نظراً بونلر دخی ضبط و مصادره سنے حکومتک بر حق و صلاحیتی فرض اولنه ماز . وقواعد اساسیہ جزائیہ دندرکه بونوع اشیا آنجق جرمک فاعلرینه ویا شریکترینه عائد اولدینی تقدیرده ضبط و مصادره اولنور و برده بعض نوع اشیا واردرکه قانوناً بونلرک اعمال و استعمالی و طاشینمسی و محافظه سی اساساً ممنوع و بلکہده بوکا مخالفت مستلزم مجازات اولور . از جمله ممالک عثمانیه دینامیت و باروت و اسلحه ممنوعه اعمالی ممنوع عکسی تقدیرده مستلزم مجازات عد ایدلمشدر . ایشته بونوع اشیا بر جرمدہ استعمال ایدلمسه ویا فاعل جرمک غیری اشخاصه عائد اولدینی ثابت اولسه بیله مادامکه بو اشیا ناک اساساً ممالک عثمانیهده وجودی ممنوعدر اشیا مذکورہ کیمک یدنده بولنورسه بوانسون بجمه حال ضبط و مصادره اولنمق لازم کایر . بو خصوصده ایسه ماده مذکورہ احکامی کاملاً ساکتدر .

بو احوالک تصحیحی ضمننده ماده مذکورہ یرینه قائم اولمق اوزره ترتیب ایدیلن مادهده « جرمدہ استعمال اولنان ویا لاجل الاستعمال تهیه قلنان ویا وقوع جرمدن حصوله کلن اشیا جرمدہ ذی مدخل اولیان اشخاصه عائد اولدینی حالده ضبط ایدلمک جزالری مشترکاً حکم و ترتیب اولنه بیلور » دینلدیکی کبی اعمالی ، استعمالی ، طاشینمسی ، محافظه سی ، بیع و شرایی جرم تشکیل ایدن اشیا بر محکومیت جزائیہ موجود اولسه و اشیا مذکورہ فاعل جرمدہ عائد بولنسه بیله ضبط و مصادره اولنه جفی تصریح ایدلمشدر .

جرمدن منبعث حقوق شخصیه محکومه و مجازات تقدیه ناک صورت استیفا سنے دائر اولان مواد قانونیه ایله ذاتاً مفسوخ الحکم اولان ۳۸ و ۳۹ نجی ماده لر طی اولنهرق ۳۷ نجی ماده لر یرینه قائم اولمق اوزره یکیدن بر ماده تنظیم اولنمش و بونده جزای تقدینک صورت استیفا سی و تحصیلی کوسترلشدر . بو مادهده مجازات تقدیه تعریف اولدینی کبی محکوم علیه تبلیغ اولنان اخبارنامه تاریخندن اعتباراً ایکی ماه ظرفنده جزای نقدی تحصیل اولنمه مدینی حالده جزای تقدینک هر ربع لیرا و کسوری بر کونلک حبسه معادل اولمق اوزره جزای تقدینک حبسه تحویلی تنسیب اولنشدر ، رد اموال و تضمینات و مصارف محاکمه ایسه حقوق شخصیه دن معدود اولدینندن ماراند کر مواد قانونیه ایله معین اولدینی وجهله بونلرک صورت تحصیلی کافی السابق اعلات حقوقیه ناک تنفیذینه متعلق اولان قواعد تابع طوئلی موافق کوریلهرک ماده قائمده بونلرک اصل بحث ایدلمشدر . برده جزای نقدی اصل اولمق و بوکا بدل تعیین اولنان حبس فرع اولمق حبسیله جزای نقدی حبسه تحویل اولندقدن صوکره محکوم علیه مجازات تقدی بی تسویه ایدرک حبسدن قورتلق ایستدیک حالده محبوس قالدینی هرکون ربع لیرا مقابلنده طوئلی صورتیه بعدالتزیل باقی جزای نقدی استیفا اولنهرق حبسک رفعی تجویز ایدلمشدر .

۳۹ نجی ماده قائمده ایسهده حکم قطعی حوقندن اول وقوعبولان موقوفیت مدت محکومیه محسوب

ایدیله جکی کوسترلشدر . شو قدرکه نفی جزاسنده محبوسیت داخل اولمادیغندن و مظنون علیه موقوف طوئیلوبده بالاخره نفیه حکم ایدلمش اولدینی حالده موقوفیت مدتک کونی کونه نفیه معادل طوئیلهرق آندن محسوبی غدیری منتج اوله جغندن بو تقدیرده بر کونلک موقوفیت اوچ کون نفیه معادل عد ایدلمشدر . مظنون علیه موقوف حقنده یالکز جزای نقدی حکم ایدلمش ایسه موقوفیت مدتک بهر کونی ربع لیرا و کسورینه بدل عد ایدیلهرک مجازاب تقدیه محکومه دن تنزیلی مناسب کورلمشدر .

۴۰ نجی ماده قانونیه ، مسئولیت جزائی اعتباری ایله حیات بشری ایکی دوره آیرمش و نابالغ اولانلریده مراهق یمیز و غیریمیز تعبیریه تفریق ایدلمش ایسهده بو دورلر آرسنده قطعی بر حد فاصل ارائه ایتیه رک کیفیت حکامک تقدیرینه حواله ایدلمشدر . مع مافیه ۷ صفر سنه ۱۲۹۱ تاریخی بر تحریرات ایله حدود فاصله تعیین اولنهرق اساس قانون ایله اشبو امر بیننده تضاد حصوله کلش و حکامک اوامره دکل قوانینه بنای حکم ایتیمی لازمه دن بولنمش ایدوکنندن اصول مقررہ متن مادهیه درج اولنهرق اون یاشنی اکال ایتیمش اولانلرک حسب السن خیری شری تمیز و تفریق ایدمه جکری قرینه قاطعه سیله ایشلدکری جرمدن مسئول اولملری اساسی قبول اولنشدر . آنجق اطفال مرقومه بی اقرایه تسلیم و یا خود بونلری منافع مادهیه و معنویه لرینی تأمین ایله مکلف اولدقلری حالده وظیفه لرینی طائیمان اقرابدن مہجور براقهرق حکماً تعیین اولنهرق مدت ظرفنده برای تربیه و توقیف بر اصلاحخانهیه ایصال شقلرندن برینک اختیاری حکامک تقدیرینه براقلمشدر .

حین ایقاع جرمدہ اون اوچ یاشنی اکال ایتیمش اولوبده اون بش یاشنی اکال ایتیمش اولانلرک بلوغلری ثابت اولمازسه حقلرندہ مراهق یمیز معامله سی اجرا ایدلمی تنسیب ایدلمشدر .

مدافعه نفس و عرضه متعلق اولان ۱۸۶ نجی ماده ناک صراحتی پک محدود و حکمی یالکز کندی نفس و عرضی مدافعه ایدنلره منحصر و مدافعه قیود و شرائطی غیر محتوی و معاف عد اولنان فعللر ایسه قتل و جرحدن عبارتدر . اشبو نواقصک اتمامی ضمننده آخرک حیات و عرضه و وقوعبولان تعرضی دفع ایتیمک دخی جرم عد اولنماش و تعرضک ناحق اولمی و مدافعه ناک فی الحال و دفع صورتیه و قوعی شرطلری تصریح ایدلمشدر . برده دفع تعرض ایچون متعرضی موقتاً توقیف ایتیمک ، باغلمق کبی بر طاقم تدابیرہ مراجعت امکانی درپیش ایدیلهرک قتل و جرح کللری یرینه عمومی اولان « فعل » تعمیر اقامه ایدلمش و بو تعبیر ایله قتل و جرح کللرندہ کی تقید و اختصاص رفع اولنهرق افعال سائرده شامل اوله جق عام و مطلق بر کله استعمال اولنشدر .

جبراً وقوع بولان سرقت و نهب اثناسنده سارق و ناهبلره قارشی بر کیمسه ناک کنديسنی مدافعه ایچون ایقاع ایدلکی فعلک معافیتی ده قبول ایدلمش و آنجق مدافعه ناک بر مالی حمایه درجه سنے توسیعی تجویز ایدیلهرک مقصود اصلینک شخصه تعرض اولدینی احساس ایله جک عبارات درج ایدلمشدر .

امر قانونی به دایر اولان ۱۸۹ نجی ماده نیک ایکنجی فقره سی احکامی ضابطه مأمور لرینه ویالکتر قتل و جرح و ضرب فعل لرینه منحصر وعدم کفایتی ظاهر اولوب حالبوکه ضابطه مأمور لرینک مساع قانونی دائره سنده ایقاع ایده جک لری قتل و جرح و ضرب فعل لرندن ماعدا توقیف و اقامتگاهه دخول و بر محکومی اعدام کبی مأمور لری اجرا ایده بیله جک لری افعالی ده معاف عد ایتمک لزومه منبی امر قانونی قاعده سی ده شمولی تعبیرات ایله تحت انضباطه آلمش واشبو قواعد ۴۲ نجی ماده یه ذیل اولق اوزره جمع و تلفیق ایدلشد.

۴۵ نجی ماده ده بر جریده معاونت ، یتاقلق و تشویق و صور سائر ایله بالواسطه و فرعاً مدخلی بولنانلردن بحث ایدلمک ایستندیک حالدیه یا کلش ترجمه محصولی اوله رق بونلر حقنده مشترک تعبیرینک استعمال ایدلمی اشتراک اصلی ایله اشتراک فرعی بی بر برینه قاریشدرمش ایدوکنندن بر جنایت و یا جنجهیه طوغریدن طوغریه اشتراک ایدنلرله افعال مذکورده فرعاً ذی مدخل اولانلر واضحاً آیرلمش و بونلر حقنده قانونک صراحتی اولیان مواده عینی جزانک تعینی موافق عدالت کوریلهمدیکندن فرعاً ذی مدخل بولنانلر ایچون ده خفیف جزا تعینی اساسی کوزمدمش و اشتراک فرعی بولنه بیلیمک ایچون اصلاً بر جنایت و یا جنجهیه نک لزوم وجودی درکار بولمنسه بناء بو باده قیود لازمه درج ایدلمش و قباحتلر مضرتی جزئی و اهمیت سز جرائم خفیفه دن اولدقلرندن بونلر ده فرعاً ذی مدخل اولانلر جزا تعینی موافق عدالت کورلمش و بر جریده نه کبی افعال ایله فرعاً اشتراک ایدیله بیله جکنک قانوناً تعینی قواعد عمومیه ایجاباتندن بولمنسی حسبیه اولان جریمک اجراسنه تقدم ایلین ، ثانیاً جرمی وجوده کترین افعال ایله هم وقت اولان ، ثالثاً وقوع جرمندن صوکره کی افعال ایله حصوله کلن اشتراکات فرعی صرهمسینه تعداد و تعیین اولمش و بالذات ثبوتی مظلونک و قوف ایله حرکت ایتدیکنی تصدیقه کافی اولان افعاله « بیلهرک » قیدی وضع اولنماش ایه ده فاعلک ثبوتندن ماعدا علمک ثبوتی ده الزم اولان افعاله قید مذکور علاوه ایدلمش و یتاقلق صورتیه وقوعه کلن اشتراک فرعی ده اعتیادک وجودی مشروط اولمنسه بناء قید اعتیادده علاوه ایدلشد.

قانونده تشبث تعریف اولمش ایه ده افعال تشبثیه حقنده صورت عمومیه ده جزا تعیین قلمامش و قانونک جزالاندیردنی تشبثات جرمیه سوء قصد ، احراق ، سرقت ، فعل شنیع ، رشوت ماده لرینه منحصر قلمش ایدوکنندن بو نقصانک تلافیمی ضمننده جنایت و جنجهیه تفریق اولمش ، وسائط مخصوصه ایله بر جنایتک اجراسنه بدأ ایدرک یداختیارنده اولیان اسباب مانعه حیلولیه جنایتک حصوله مقتضی افعالی اکیل ایده مامش اولانلر ذات جرم حقنده معین اولان مجازاتدن ده خفیف و آنجق جنایتک کافه افعال اجراییه سنی اکیل ایتمش اولدقلری حالده ید اختیارلرنده اولیان اسباب مانعه حیلولیه نتیجه جرمیه بی اله ایده منیلر حقنده ده آخر جزا تعینی صورتیه افعال تشبثیه ده جزالاندیرلشد و شوقدرکه متبث جرمک افعال اجراییه سندن بالاخیار فراغت ایتمش فقط تمام اولان قسم فعل ذاتاً بر جرم تشکیل ایلش ایه اول قسمه مخصوص جزانک

تعیین اولمنسی لزومی ده آریجه تصریح ایدلمش و جنجه تشبثلرینک فرانسه قانوننده اولدینی وجهله قانوناً مصرح اولان یرلرده مستلزم جزا عد ایدلمسی اساسی قبول اولنلشد.

ترتیب مجازاتده بر جرمک آسایش مملکتی نه مرتبه متأثر ایده جکی و جرمندن مغدور اولان شخص ایله منافع اجتماعیه نک نه درجه خللدار اولمش بولنه جنی نظر دفته آله رق آکا کوره احکام ترتیب اولنورسده جرمک صورت ایقاعنده و فعله سائق اولان احوال و اسبابک منشأنده او مرتبه اختلافات و تحولات واقع اولورکه تنظیم قانون ایله مکلف اولانلرک او احوال و اسبابدن بعضی دریش تأمل ایتمی ممکن اوله بیلسه ده اعظمی ملاحظه و تأمل ایله هر بری حقنده آیری آیری احکام ترتیبی قطعیاً ممکن اوله ماز . زیرا وقایع و حادثات عالمک لایتناهی تعدد و تحلفی بو وقایعدن هر بری حقنده احکام مستقله ترتیبی مستحیل قیلار . بناء علیه بوکون بالجمله ملل متمدنه قانونلرنده بر قاعده اساسیه قبول ایدلشد که اوده بر جریده واضع قانونک نظر دفته آله مدینی بعض اسباب مختلفه موجود اولدینی آکلاشیلدقه جزای معینک تخفیفه حکامک حائر اقتدار و صلاحیت اواسیدر . زیرا برشخصه عداله مستحق اولدینی جزانک فوقنده بر جزا حکم ایتک وجدان عمومی یی اک زیاده داغدار ایده جک حادثاتدن معدوددر . بناء علیه ۴۷ نجی ماده یه علاوه ایدیلان بر ذیل ایله جریده اسباب مخففه تقدیریه نک وجودی حالده جزانک صورت تخفیفه دایر قواعد و احکام وضع اوله رق حکامک تقدیر و قاعیده توسیع صلاحیتلری اساسی قبول ایدلشد.

قواعد عمومیه فصلانه علاوه ایدیلن مواد مذکورده دن ماعدا نفس جرائمه تعلق ایدن ابواب و فصوله دخی بعض مواد علاوه و بونلردن بعض مواد زائده طی و اخراج اولمش و موادک بر قسمنده ذیللر ترتیب ایدلشد.

از جمله امنیت داخلی دولت عائد اولان فصلک ۵۶ نجی ماده سنک صوکنده کی « سلطنت سنیه نک اصول وراثتی و یا خود شکل و هیئتنی تغییر و تبدیل و یا احیایه تشبثی ثابت اولان شخص اعدام اولنور » فقره سنه « خلاف اصول اوله رق قانون اساسی یی تبدیل و تغییر » جمله سی دخی علاوه اوله رق فقره مذکور « سلطنت سنیه نک اصول وراثتی و یا خود شکل و هیئتنی و خلاف اصول اوله رق قانون اساسی یی تغییر و تبدیل و یا احیایه تشبثی ثابت اولان شخص اعدام اولنور » طریقه تحویل ایدلشد . زیرا قانون اساسی بو ملتک سلامت و سعادتک الکیوک ضمانی اولق اعتباریه الی ماشاء تعالی دوا می لاید اولوب بوکا ایراث ایدیله جک خلل و تغییر سلطنت سنیه نک اصول وراثتی تغییر درجه سنده حائر اهمیت بویه بر فکر اهانتکاریده بولنانلرک زجر و تهریبی امر ضروریدر . شوقدرکه قانون اساسی زمان زمان اصول و شرائط موضوعه دائره سنده تکمل ایتک طبیعت مصلحت مقتضاسندن اولوب قید قانونی یی صورت مطلقه ده بر اقق هیئت اعیان و مبعوثانک قانون اساسی ایله حائر اولدقلری تکلیف تعدیلات صلاحیتنه تعرض دیمک اوله رق بوده قوانین فرعیه دولتک منشأ و منبعی

حکمنده اولان قانون مذکوره مخالف دوشه چکندن علاوه مذکوره «خلاف اصول اوله رق» قیدیه تقید ایدلمشدر .

ینه ماده مذکوره نك متنه «حکومتك افعالنندن متولد مذمت ومسئولیتی ذات حضرت پادشاهی به عطف واشمال» ایدنلر ایچون دخی بر فقره علاوه اولنمشدر که فقره مذکوره ذات پادشاهینك نفس هایونلری مقدس اولدیغنه دائر قانون اساسینك بشنچی ماده سنك احکامنی توثیق وتأییددن عبارت بولنمشدر . چونکه مشروطیتله اداره اولنان بر مملکتده حکومتك بالجه افعال واجرا آتک مسؤل یکانه سی حکومتی درعهده ایدن هیئت وکلادن عبارت اولوب او افعالك انظار وافکار عامده ومجلس عمومی حضورنده هر درلو مذمت ومسئولیتی دخی هیئت مذکوره به راجع اولوق لازم کله چکندن بو مذمتك شخص مقدس حکمداری به قدر تشمیلی قانون اساسی به وروح اداره مشروطیت به غیر موافق وانتظام عمرمی بی مخل بولنمش اولغله بونوع افعالك زجر ومنعی لازمه دن کورلمشدر .

کذلک ماده مذکوره به صورت علنیه ده هیئت اعیان ومبعوثانی وقانون اساسی بی تحقیر ایدنلر حقنده دخی ایکنچی بر فقره ادخال ایدلمش وبونکله دولتک عمده سیاستنی تشکیل ایدن بر قانونه ومجموع افراد امتك حرمتله متحسس اولوق مجبوریتنده بولندی هیأت تشریعیه به قارشی تجاوزعلنی منع ایدلمك ایستلمشدر . ماده مذکوره به ذیل اوله رق دخی رؤسای حکومت اجندی به و نزد سلطنت سنیه ده مقيم سفرای دول متحابیه به قارشی بر جرم ایقاع ایدنلرله رسماً کشیده قلمش اولان دولت علیه ویا دول متحابه سنجاغنه حقارت ایدنلر علیهنده مجازات مختلفه بی متضمن بر ذیل علاوه ایدلمشدر .

فصل مذکورک ۶۳ نجی ماده سبیله علاوه سی اشقیا وحیدود جمعیتلرینه معاونت واوزاقدن ویقیندن امورینی اداره ویتاقلق کبی جرمده فرعاً ذی مدخل اولانلر حقنده ترتیب مجازاتی مشتمل اولوب حالبوکه بو بایده قواعد عمومیه فصلنه احکام مخصوصه درج ایدلمش وماده مذکوره نك حالیه ابقاسی احکامك تکررینی مستلزم اوله رق تشویشی موجب اوله جفی طبیعی بولنمش اولدیغندن بی لزوم کوریلن ماده مذکوره ایله علاوه سی طی ایدلمشدر .

قانون مذکورک ۶۷ نجی ماده سننده رشوتك تعریفی افرادینی جامع واغیارینی مانع بر حالده اولمدینی کبی بعض زائد وبالخاصه زمانمز ایچون غیر وارد فقراتی محتوی اولغله ماده مذکوره مقامنه دیگر بر ماده اقامه ایدیلرک رشوتك تعریفی هم بسیط ، همده افرادینی جامع واغیارینی مانع بر حاله افرای ایدلمشدر .

۶۹ نجی ماده ده راشینك فعلی مبهم وعمومی برطرزده یکیشدیرلمش اولدیغندن بر ماده قائمه ایله رشوت ویرن اشخاصك افعالی نه کبی حالده مستلزم مجازات اوله جفی وضوح ایله افاده ایدلمشدر . مرتشی ایله راشی آراسنده وساطت ایدن رئیسك افعالی جرمده اشتراك معناسنده اولوب بو بایده قواعد

عمومیه فصلنه علاوه ایدیلن ماده بوکا دخی شامل اوله جفنه ونظر قانونده اصحاب رتبه دن اولوب اولماق بیننده اصلا فرق وتفاوت بولندیغنه مبنی زائد وبی لزوم کوریلن ۷۰ و ۷۱ نجی ماده لر طی ایدلمشدر .

۷۲ نجی ماده بعض تعدیلاته اوغرامشدر . شویله که قانون جزا رشوت آلان قادیلرک ارتشا جزاسیله محکوم اولسنی ذات الزوج اولوب ده آلدقاری شیدن زوجنك حقوق عامنك ثبوتنه معلق قلمش وزوجك خیر ورضاسی لاحق اولمدینی حالده قادینه بر سنه حبس جزاسی تعیین ایتمش اولوب حالبوکه مأمورینه منسوب طائفه نساک ارتشایه جرأتی او مأمورک زوجیه سی اولغله متوقف اولدیغنه ومأمورک والده ویا همشیره ویا اقاربندن لاعلی التعمین بریسی دخی او مأمور نامه ارتشا ایدم بیلیمی ممکن بولندیغنه مبنی ماده مذکوره نك برنجی فقره سی ده ساده لشدیریلرک «مأمورینه منسوب طائفه نساک ترویج مرام ایچون آلدقاری شیدن مأمورک علمی لاحق اولدیغنی حالده هراکیسی حقنده مرتشی جزاسی تعیینی موافق کورلمش ومأمورک علمی لاحق اولمدینی حالده قادینك فعلی طولاندریجیلاق حکمنده قاهره ق آکا تطبیقی طبیعی اوله جفندن ایکنچی فقره بی لزوم کوریلرک طی واخراج اولنمشدر .

۷۰ نجی ماده نك بتون بتون طینی انتاج ایتدیرن اسباب موجب مبسوطیه بناء ۷۵ و ۷۶ نجی ماده لر دن «رائش» کله لری طی ایدلمشدر .

مأمورین دولتک ایفای وظیفه ده اهل و تراخیسنه متدائر اولان ۱۰۲ نجی ماده غایت بسیط وناکافی کورلمش اولدیغندن ماده مذکوره تبدیل اوله رق ساده جه اهل و تراخی نفس جرم عد ایدلمش اولغله برابر بو کیفیت آمرک امرینه عدم اطاعت ویا قانونه مخالفت صورتنده وقوع بولمش اولسی اسباب مشدده دن عد ایدلمش وفضله اوله رق بوندن دولته بر مضرت حصوله کلسی ایکنچی برنوع سبب شدت طوتیلوب هربری ایچون درجه درجه مجازات قانونیه ترتیب اولنمش وبوصورتله بر طاقم لاقید مأمورینك تسبب واهالندن تولد ایتکده بولنان احوال مؤسفه به بر نهایت ویرلمك ومکلف اولدقاری وظیفه نك اهمیتی تقدیر ایله عکسی حالک دعوت ایده جکی مؤاخذه قانونیه دن بالتجاشی تیقظ واتباه اوزره حرکتلری تأمین اولنوق قصد ایدلمشدر .

مأمورینك اقامتگاه اشخاصه خلاف اصول دخولی مسئله سنه دائر اولان ۱۰۵ نجی ماده فعل مذکورک مستلزم جزا اولسنی جبرایله مقید قیللمش اولوب حالبوکه اقامتگاهك تعرضدن مصونیتی مأمورینك خلاف اصول دخولنه بنفسها مانع اولوق لازم کله چکنه وبونک مستلزم جزا اولسنك جبرایله مقید قیلنمی مأمورین حکومته قارشی افرادك مقاومت ومخالفتی مستبعد اولسنه نظراً مصونیت مذکوره به رغماً خلاف اصول دخولی تسهیل وترویج معناسنده بولندیغنه مبنی ماده مذکوره دن «جبر» کله سی قالدیرلمش وبونک فقره ثانیه سنه «صاحبنك منعی خلافت اوله رق ویا صورت خفیه ده» قیدلری علاوه ایدلمشدر .

ضابطه مأمورلرینك ایفای وظیفه ده سوء معامله لرینه متعلق اولان ۱۰۵ نجی ماده ده بونلرک «قانون ونظامك تعیین ایتدیکی احوال دن غیری اوله رق بر کیمسه حقنده برسوء معامله به ویا کسر عرض وناموسه سبب

اوله جق وياخود جسماً اذا ويره جك حاله تصدى ايدرلر سه» يولنده كى عبارۀ قانونيه كسر عرض وناموس قضيه مهمه سى لاقيدانه استعمال ايدلمش و حالبوكه فعل مذكور افعال مهمه جنائيه دن اولوب بونلر ايجون فصول واحكام مخصوصه موجود بولممش اولديغندن عبارۀ مذكور دن (كسر عرض وناموس) قيدي ويرلمش اولدينى كى ابقا ايدلمش اولان افعال سائريه «ياخود اول كيمسهي ضرب وجرح ايلرايسه» قيدي علاوه اولممش و بو باده تعين ايدلمش جزا فعلك ماهيت و طبيعيتنه غير موافق و غايت خفيف كورليكنندن ماده مذكوره كى بر هفته دن بر سنه يه قدر حبس جزاسى بر آيدن اوچ سنه يه قدره ابلاغ واشبو فعلك فوقنده ايقتاع ايدلمش جرائمن طولاي دخی او جرائمه مترتب جزا تعين قلنه جنی تصریح ايدلمشدر .

انضباط مملكته وحيثيت حكومه شدت تعلقي اعتباريله ۱۱۳ نجى ماده ده افراد ضابطه يه حين اجراي مأموريتده حقارت ايدنلر حقنده تعين اولنان جزاي نقدي پك زياده غير منطقي كورلمش اولغله جزاي مذكور بر هفته دن ايكي آيه قدر حبسه تحويل و فقرۀ ثانيه سنده كى عساكر نظاميه ضابطاني ميانه ژانداره ضابطاني و پوليس قوميسر و معاونلري علاوه ايدلمش و فقرۀ مذكوره كى بر هفته دن بر آيه قدر حبس جزاسى بر آيدن آلتى آيه ابلاغ اولمشدر .

۱۱۴ نجى ماده ده مأموريندن برينى ويا عساكر نظاميه و ضبطيه دن بر نفرى مأموريتي اجرا ايدر كن ويا اجرا ايتديكي حكم مأموريتدن طولايي ضربه جرأت ايتك فعلنه برده «معامله جبر و شدة» جرأت ايتك قيدي علاوه ايدلمشدر .

۱۱۵ نجى ماده ده كى جزا دخی جرمك اهميته نظراً خفيف كورليكنندن تزييد ايدلمشدر .
محاكمه دعوت ايديلوب ده كلكدن استسكاف ايدنلر حقنده اصول محاكمه جزائيه ده احكام مخصوصه موجود اولوب قانون جزانك بوكا دائر اولان ۱۱۶ نجى ماده سى فعلاً مفسوخ اولغله ماده مذكوره بوكره كلياً طى اوله رق بونك يرينه قائم اولق اوزره قوانين و نظامات دولتي و اوامر و مقررات حكومتي و اعلامات محاكمي و سائر اوراق عدليه يي اجرايه مباشرت ايدن مأمورينه قارشى تجاوز و اجرا ات واقعه يه مخالفت ايجون استعمال جبر و شدة تصدى ايدنلر حقنده احكام مخصوصه يي محتوي بر ماده ترتيب اولمشدر .

اكثريا منازعات افرادك بيوك بر قسمي كندی كنديلرينه احقاق حق ايتك تصديسندن انبعث ايتكده اولسنه و بو ايسه قوتك غلبه سى ديمك اوله رق بر حكومت منتظمه ايجنده افرادك بالذات احقاق حقه قيايى صورتيله قواي فرديه نك غلبه سى كيفيتي ايسه قطياً تجويز ايديله يه جك حادثات مهمه دن معدود بولمسنه مبنى بونك في ما بعد منع وقوعي ضمننده اونجى فصلك سرلوحه سنه «كنديلكنندم احقاق حق ايدنلر» عباره سى علاوه اولوب بوكا دائر ۱۳۰ نجى ماده يه بر ذيل ترتيب اولمشدر .

بو ذيله حكومه مراجعته امكان موجود اولدينى حاله ادعا ايدلمش بر حق استحصال مقصديله اموال اوزرنده صرف قوتله بالذات احقاق حق ايدنلر ايجون بر آيه قدر حبس جزاسى تعين اولممش و فاعل اشخاصه

قارشى استعمال جبر و شدة ايتديكي حاله جزاي مذكور بر سنه يه قدر تمديد ايدلمشدر . انجق ادعا ايدلمش حقك عندالحاكمه صحتك ثبوتنده كورده كى جزا نصفه تزيل اولمشدر . شو قدركه حكماً مستحقنه تسليم اولنسان اموال غير منقوله ايجون آرتق بر دهها نزاع و محاصمه و ثبوت صحت دعوى كيفيتلري موضوع بحث اوله يه جغندن بو خصوصه حكم قانونه قارشى تمر دله غير منقول مذكوري تكرار ضبط و اشغال ايدنلر كى جزاسى تشديد اولمشدر .

تلفونه مخبره اصرتي مملكتهمزده آرتق تأسيس ايتكده باشلامش و كيت كيده تعميم ايدمجه كى طبيعى بولممش اولوب اصول مذكور ايله واقع اوله جق مخبراتي اخلاصه جرأت انتظام عمومى يي تجاوز ديمك اوله رق بونك منعى لازمه دن كورلمش اولديغندن تلغراف مخبراتي اخلاصه ايدنلر كى مجازاتي متضمن اولان اون ايكنجى فصلك سرلوحه سنه و فصل مذكوري تشكيل ايدن اوچ ماده يه «وتلفون» كله لري علاوه ايدلمشدر .

مغايير نظام باروت صاقلانلر حقنده قانون جزانك ۱۶۶ نجى ماده سنه علاوه اولنان ذيل عدالتله قابل توفيق اوله يه جق درجه ده شديد اولدينى كى اسلحه ممنوعه اعمال و ادخال ايجون دخی بر ممنوعيت قانونيه موجود بولمشمش و حال بوكه اسلحه ممنوعه ايله باروت غير قابل انفكاك اوله جق درجه ده بر برينك لوازم ضروريه سندن اولدينى كى بو كون اسلحه ممنوعه چقاچيلنى بعضلرنجه عادتاً صنعت اتخاذا ايدلمش اولديغه و در دست ايدلمش چقاچيلق حقنده تطبيق اولنه جق الده بر ماده قانونيه بولمخايدن طولايي محكمه لرحه عدم مسئوليت قرارى و يرلمكه مجبورييت حاصل اولمقده بولنديغنه مبنى ذيل مذكور مقامنه قائم اولق اوزره كرك باروت و كرك اسلحه ممنوعه اعمال و ادخال و توسط ايدنلر حقنده ايكي آيدن ايكي سنه يه قدر حبس و بش ليرادن اللى ليرايه قدر جزاي نقدي تعين اولممش و بالخاصه قانون جزا اعتباريله اسلحه ممنوعه على الاطلاق اسلحه ميريه ايله ناملوسى اون بش سانتيمتروني تجاوز ايدن رووولورلردن عبارت اولدينى يولنده تعريفات و ايضاحات درج ايدلمشدر .

اك زياده دوجار تغييرات و تعديلات اولان مواد اشخاص عليهنده كى جرائمه متعلق اولانلردر . قتل تعمده اعدام جزاسى ابقا ايدلمش اولغله برابر و لومن غير تعمده اولسون بر كيمسهنك آبا واجداددن و امهات وجدانسدن برينى قتل ايتك فضاحتنه جرأتى بتون ملل واقوام عننده تعمده قدر شنيع بر جنائيت عد ايدلمش و حقيقت حاله بويله بر فضاحتك ارتكابي فاعلك شناخت اخلاقيه سنك و مرتبه پستى طبيعتك اك نفرت آور بردليلى بولممش اولديغندن قاتل آبا و امهات اولان شخصك جمعيت انسانيه دن رفع وجودى دهها موافق كوريله رك ۱۲۰ نجى ماده ده تعمداً قاتل اولان اشخاص ايله آبا واجداد و امهات وجدانسدن برينى قتل ايدنلر حقنده اعدام جزاسى تعين ايدلمشدر . ۱۷۴ نجى ماده دخی اولدجه اساسلى تعديلاته اوغرامشدر . بوماده ده من غير تعمده وقوع بولان قتللر ايجون معين اولان اون بش سنه كورك جزاسى باعث اتباه و عبرت اولدينى يارى عصردن برى قتل نفس جرمك كيتدجه تكثير ايتمسيله ثابت اولديغندن و افعال قتليه نك

منع تكثر وقوعی فاعلرینک شدتله ترهینه متوقف بولندیغندن ماده مذکوره ده کی اون بش سنه کورک جزاسی مؤبد کورکه تحویل ایدلمش وماده مذکوره نك فقره ثانیه سنی تشکیل ایدن آخر برجنایقی قبل الاجرا ویالثنای اجراده ویا بعدالاجرا ایقاع اولنان قتل کیفیتنه « بر جرمک تهینه ویا تسهیلی ویا اجراسی ویا جرم مذکورک فاعل اصلی ویافرعیلرینک فرارلرینی ویا جزاسز قالملرینی تأمین ضمننده ایقاع اولنان قتل » کیفیاتی علاوه قلمشدر . واقعا من غیر تعمد قتلرده فاعل ایچون مؤبد کورک جزاسی تعیینی وهله اولاده موجب هراس اوله جق درجه ده وخیم وشدید کورینور ایسه ده جزانک بو درجه ده تعیینی مطلق وقطعی اولیوب فاعلک صورت ایقاعنده کی احوال مخصوصه یه هیئت حاکمه نك کرک بو جزایی ویا خود فعلده قانونک نظر دفته آله مدینگی اسباب مخففه موجود اولدینگی تقدیرده قواعد عمومییه فصلنک ۴۷ نجی ماده سنه علاوه اولنان ذیل حکمنه توفیقاً فعل مذکور حقننده اون بش سنه کورک جزاسی تعیین ایده بیلمسی حق تقدیر واختیارلرینه مودوع بولندیغندن ائبو جزای مؤبدک پک نادر اوله رق تطبیق اولنه جنی درکار اولغله شدتندن خوف وهراسه محل تصور اولنه ماز .

قواعد عمومییه فصلنده اشتراک جرائمه متعلق اوله رق وضع ایدلدیکی یوقاریده ذکر ایدیلن احکام مخصوصه آرتق معین قاتل ایچون آریجه بر حکم ترتیبه محل بر اقامش اولدیغندن ۱۷۵ نجی ماده کاملاً طی اولنوب آنک یرینه قائم اولق اوزره حقوق جزائییه نقطه نظرندن پک مهم ولزومی بر ماده وضع ایدلمشدر . شویله که بعض کره مقتول اولان شخص بر مرضله معلول اولورکه تلف نفسی انتاج ایدن فاعلک عدم وقوعی حالنده یشامسی دخی ممکن اوله بیلور ایسه ده تلف نفس قضیه سی یالکز مرتکب جرمک فعلندن صورت مطلقه ده نشأت ایتش اولیوب فعله تقدم ایدن مرضک انضمام واختلاطیه وجوده کلش وشو حالده قتل فعلنه فاعل عندنده مجهول بر سبب متقدم تراقی ایدر هر ایکسی مشترکاً تلف نفسه مفضی اولمش اولور . ویا خود فاعلک وقوعندن صوکره مجروحک حالت طبیعیه ده حسن اتمام ایله شفایاب اولسی امکانی موجود اولدینگی حالده فعلدن بتون بتون مستقل بر سبب دها انضمام ایدرک جرجه نك تأییراتی وخیم بر طرزه قلب ایدر وبو یوزدن تلف نفس وقوعه کلیر . بو ایکی صورتده دخی تلف نفسی مستقلاً فاعلک فعلنه عطف واسناد ایتک موافق حق انصاف کوریه له مش و بناء علیه اسباب مذکوره فعل قتل ایچون معین اولان جزانک تخفیف وتهوینی مستلزم اسباب جدیددن بولنش اولدیغندن بو مثلاً فاعل عندنده مجهول اسباب متقدمه نك تراقیه ویا فعلدن بتون بتون آری ومستقل بر سبب انضمامیه وقوعه کلن تلف نفسده بش سنه دن اقل اولماق اوزره کورک جزاسی ترتیب ایدلمشدر .

تعطیل عضوه دائر اولان ۱۷۷ نجی ماده یرینه اقامه ایدلمک اوزره ترتیب اولنان ماده قانونیه اصل ماده نك محتویاتیه علاوه سنی توحید ایتکدن عبارت ایسه ده اصل ماده یالکز تعطیل عضودن عبارت ایکن ماده قائمه تعطیل عضو حکمنده اولان قطع وکسر ویا بر معلولیت دائمی انتاج ایده جک صورتده ضرب

وجرح ویا بر فعل مؤثر ایقاعی صورتلرینی دخی شامل بر طرزه تحویل ایدلمش و قتل وجرح وتعطیل عضو فعللرندن اسباب مشدده قانونیه دن اولان تعمدک وجودی حالنده حکامک تقدیری جزانک حد افلک تصریحی صورتیه تقیید ایدلمشدر .

۱۷۸ نجی ماده جزانک حد اقلی عدالته دها متقارب اولق اوزره براز یوکسالتامش و ۱۷۹ نجی ماده ده اسباب مشدده قانونیه اولق اوزره قبول ایدیلن آباء واجداد وامهات وجدات علیه نه وقوع بولان ضرب وجرح ویا قطع وتعطیل جرملرینه متعلق احکام ترتیب وعلاوه ایدلمشدر .

۱۸۰ نجی ماده قائمه ایله تطبیقات جزائییه کثرتله تصادف اولنان بر مسئله مهمه حل ایدلمشدر . شویله که : بر منازعه یه اشتراک ایتش اولان اشخاص متعدده میسانده بر قتل ویا جرح حصوله کلیر فقط هر درلو تدقیقات وتحقیقاته رغماً بوقتل وجرحک هانکی شخص طرفندن ایقاع ایدلدیکی وکیمک اثر صنی اولدینگی تعیین ایده ماز . بونلرک مجموعی منسازعه یه اشتراک ایتش اولمقن طولایی جمله سی حقننده قاتل ویا جارج اولق اوزره جزا تعیینی عدل وحقه مقارن اوله میه جنی کی اورتده قتل وجرح کی آسایش مملکتی جداً متأثر ایتش بر جرم وار ایکن فاعلک یقیناً تعیین ایتمه مسندن ناشی مجموعنک بری النفس عد ایدلملری دخی منافع عمومییه اجتماعیه نقطه نظرندن موافق اوله ماز . ایشته بوحالده ایقاع اولنان فعل قتل ایسه فاعلرک جمله سی حقه ده بش سنه دن اون بش سنه یه قدر قطع وتعطیل ایسه اوچر سنه کورک جزاسی تعیینی مناسب کورلمش وشو صورتله فاعل حقیقینک عدم تعیینندن ناشی مغایر عدالت حکم ویرلمک احتمالی رفع ایدلدیکی کی ینه بوعدم تعیین ملابس سیه تبریه نفسک عدم امکانی منازعه ده مشارک اولانلر ایچون فاعل حقیقی بی تعیین ایتدیرمکه سبب و وسیله اولق منافعی دخی ملاحظه ایدلمشدر .

مدافعه نفس وعرضه متعلق اوله رق قواعد عمومییه فصائله علاوه ایدیلن احکام مخصوصه دن ناشی ۱۸۶ نجی ماده یه لزوم ومحل قالمدیغندن ماده مذکوره کلیاً رفع والغا ایدلمشدر .

۱۸۸ ماده ده معذرتک زوجه ویا محارمندن برینک فعل شنیع زنا حالنده کورلمسینه حصر وتخصیصی موافق مصلحت اوله میه جغندن ماده مذکوره یه « ویا بر فراش غیر مشروعه » قیدی علاوه ایدلمش (و بونلرک ایکسی بردن) تعبیری حکام ایچون موجب اشتباه اولماق اوزره « بریسنی ویا ایکسی بردن جرح ویا قتل ایسه معذوردر » دینلمشدر .

معذرتی متحقق اولانلرک تعیین جزاسی بختنده ۱۹۰ نجی ماده احکامی ناقابل تطبیق وتالیف بر تناقص ومنافرتی محتوی ایدی . زیرا بالمقابل وقوع بولان قتل وجرح وضرب فعللری ۱۸۹ نجی ماده ایله معذور عد ایدلمش و ۱۹۰ نجی ماده ده علی الاطلاق معذرتی متحقق اولانلر ایچون اوچ آیدن اوچ سنه یه قدر حبس جزاسی تعیین اولنش ایدی . حالبوکه علی العاده یکریمی کوندن زیاده خسته انی موجب اولمیان ضرب فعلی

۱۷۹ نجی ماده موجب جرح برهفته در برسنه به قدر حبسی مستلزم اولوب بالمقابل و وقوع بولان ضرب عادیك جزای ده خفیف اولمق هم مقتضیات منطقیه دن ، هم ده قتل کی افعال عظیمه ك جنبه درجه سنه تنزیلی یولنده کی تهوین قانونیه قیاساً لازمه دن ایکن بالعکس ضارب اصلی به بر هفته ویا اون کون جزا ویرلمك لازم کلن جرأتمده ضارب مقابله اوچ آی جزا ویرلمك کی غیر منطقی احوال ظهور ایتمکده و بوندن دولای ضرب و جرح فعلارنده ۹۰ نجی ماده ناقابل تطبیق بولمقده ایدی . شو اسبابه بناء معذرتی متحقق اولانلرك قلی اعدام ، مؤبد كورك و قلعه بندك جزالینی مستلزم ایسه فاعل برسنه دن اوچ سنه به ، مجازات سائره تریه بی مستلزم ایسه الی آیدن ایکی سنه به و مجازات تأدیه بی مستلزم ایسه یکریمی درت ساعتدن الی آیه قدر حبسه محکوم اوله جقاری یولنده بر ماده قائمه وضع ایدلمشدر .

اچقه و اشیا کوندرلمسی وسائر مطالب و تکالیفی حاوی تهدیدانه متعلق اولان ۱۹۱ نجی ماده نك احکامی اچقه و اشیا کوندرلمسی وسائر مطالبی محتوی اولیه رق و وقوع بولان تهدیدات ایله شفاهاً ایقاع ایدیان و یا خود ماده مذکورده مسطور اولان احوال دن ده خفیف اوله رق و وقوع بولان تهدیدانه دائر ایکی فقره علاوه سیله توسیع ایدلمشدر که بونلرك مملکت مزجه لزوم و اهمیتی قابل انکار اوله ماز .

اسقاط جنبه متدائر اولان ۱۸۲ نجی ماده مقامه قائم اولمق اوزره بر ماده مفصله ترتیب ایدلمشدر . دینیه بیلیر که قانون جزا مزده الک آز اهمیت ویربان فعل اسقاط جیندر . حالبوکه فعل مذکور ادامه نسل و ذریه تعلقی حسبیه الک مهم واک زیاده نظردقتی جالب افعالدندر . اسقاط جینن ایدن شخص بر طرفدن دوام نسل انسانی به ممانعت ایتک و دیگر طرفدن برو جودی محو ایتمکه برابر آکا مربوط و آنک حاملی اولان دیگر برو جود حقننده تهاکبه میدان ویرمش دیمک اولور . بالخاصه تولیددن ویا تریه اولاددن احتراز ایدن پك چوق نسوان بوفعل قبیحه مألوف اوله رق اکثریتله جینی اسقاط صورتیه توفیر ذریتدن ابا و امتناع ایتمکه و جنساب حقه قادیلغه بخش ایتش یگانه وظیفه عالیة اجتماعیة اخلاص ایتمکه درلر حالبوکه قانون جزا اسقاط جینن ایدن والده ایچون احکام ترتیب ایتامش اولدینی کی بشقه سی طرفدن وقوع بولان اسقاط جینن حقننده دخی پك سطحی احکام ترتیبیه اکتفا ایتشدر . هله صوك فقره سنده « بوتعدیسی عن قصد واقع اولمش ایسه » قیدیه جزای مقید طومسی روح قانونه پك ده واقف اوله میان بر چوق حکامی تعدینك اسقاط جینن قصدینه مقرونیتی فکرینه اذهاب ایتک صورتیه تغلیطه دخی وسیله بخش اولمشدر . بوندن دولای ماده قائمه و سائط مخصوصه استعمال ایدرك و یا بشقه سی طرفدن استعمالنه رضا ویردرک اسقاط جینن ایدن قادین حقننده الی آیدن اوچ سنه به قدر حبس جزای تعیین اولدینی کی اوخاتون ایچون و سائط مخصوصه تهیه ایدرك اسقاط جینن ایتدیرن شخص حقننده دخی برسنه دن اوچ سنه به قدر حبس جزای ترتیب اولمشدر . بوندن بشقه سقطک نتیجه سی اوله رق و اسقط ایچون استعمال اولنان واسطه دن تلف نفس حصوله کلیر ایسه درت سنه دن یدی سنه به قدر کورک جزای تعیین اولمش و خاتونك رضای اولیه رق و سائط استعمالیه و یا ضرب و جرح

ایله اسقاط جنبه سبیت ویرنلر حقننده جزا تشدید ایدلمش واکر بوسبیله تلف نفس دخی حصوله کلیر ایسه جزا بدرجه دها آغلاشدر لمشدر .

احوال مذکورده دن ماعدا اطبا و مأمورین صحیه و قابله لرك صفتلری بوجرمك اجراسنده اسباب مشدده دن عد ایدیلرک جرم مذکور بونلردن بری طرفدن ایقاع ایدلیدیکی حالد جزالینك برسدس مقداری تزییدی مناسب کورلمشدر .

فعل شنیع مبحثنده اون اوچ یا شندن آشانی چو جقار حقننده وقوع بولان فعل شنیعک جبر طبیعی عد ایدلمسینه دائر ملغا محاکات دائر سنك برقرارینه ابتداء صادر اولان امر عالی شمیدی به قدر محکمه لرحه معمول به طوتلفنده ایسه ده محاکمک بویه اوامره بنای حکم ایتلری قطعاً شایان تجویز اوله میه جقتدن وفی الحقیقه اون اوچ یا شندن دون اولان چو جقارک رضالری حکمسنز اولمق دخی طبیعی بولندیغدن ۱۹۷ نجی ماده اکا کوره ترتیب ایدیلرک امر مذکور طرز قانونیه افراغ ایدلمشدر .

بین العائله صفوت و نزاهت اخلاقک محافظه سی مقصدیه ۱۹۹ نجی ماده به بر ذیل علاوه اوله رق بونده نفوذ عائله ویا امنیت و مناسبات بیته نك ویا حق تربیه و تملیمک سوء استعمالی صورتیه ایقاع فعل شنیع ایدنلر حقننده جزا تعیین ایدلمش و بواحوال ایله برابر جبر و شدت دخی استعمال اولدینی حالد جزا تشدید اولمشدر . بر خاتونك رضاء فعل شنیعی حالنده حق تعقیب دعوی زوجنه و زوجی اولدینی حالد و یلسنه حصر اولمش ایسه زوجك دعواسی طلاق و وقوعدن درت آی نهایته قدر برمدتله تحدید ایدلمشدر . فی الواقع درت آیدن زیاده بر زمان مروریه بوبوله دعوی اقامه ایتمش اولان زوجك مسئله بی اساسنده یا لاقیدانه تلقی ایتش اولمسی ویا منافرت عائله نك تشددندن ناشی مغایر اخلاق بروادی به صاپمش بولنسی احتمالی واردرکه هر ایکی تقدیرده دعوانك قیصه بر مرور زمانه تابع قیلمسنی ایجاب ایتدیرر . دیگر طرفدن خاتونك شریك تهمتك متأهل اولوب اولماسی دخی تشدید ویا تخفیف جزا مسئله سنده نظردقته آله جق کیفایتدن اولدیغدن بوجهت دخی آیری آیری احکامه تابع طوتلمشدر .

قالدی که زوجك ویا ولینك دعواندن فراغتک تأیراتی یا لکنز خاتونه ویا خود خاتونه برابر بر شریك تهمته ساری اولوب اولماسی قضیه سی دخی جالب دقت اولمش و سوق نفسانیت و غرضله ناموس و عرضی موضوع بحث ایتک صورتیه بر شخصی محکوم ایتدیردکن صوکره ولینك ویا زوجك فراغتی ویا تکرار زوجیه سی قبول ایتسیله جزا قادین حقننده اسقاط ایدیلرک شخص محکومک دوام مجازاتی احتمالی فراغتک ویا زوجیه سی قبول صورتیه عفوک شریك تهمته دخی سرائی خصوصتی قبوله سبب اولمشدر .

۲۰۶ نجی ماده نك صوك فقره سندن قاجیر بلان قیز حقننده فعل شنیع اجرایی حالنده معین اولان جزانك منتهای درجه سی حکم اولنسی جرم ایله متناسب کوریه میهرک جزای مذکورک حد اقلی الی سنه اولمق اوزره تعیین اولمشدر .

افتراه دائر اولان ایکی یوز اون اوچنجی ماده کرک طرز تحریر و کرک ترتیب مجازات اعتباریه فعلاً

نا قابل تطبیق ماهیتده ایدی . ماده مذکوره بر طرفدن اسناد ایدیلن فعل حقیقه ایقاع ایدلمش اولسه بیله آنک بیان و اظهارین افترا عد ایتک و دیگر طرفدن اسناد واقعت افترا اولدینی ثابت اولورسه قیدیه ترتیب مجازاتده فعلک وقوعی شرط اتخاذ ایلک کی تناقض صریحی محتوی اولدقدن بشقه قانوناً و نظاماً حکومته اخبار و قوعات ایتک و یا خود دعوی حقوق ایلک خصوصاً لرینک بوندن استثناسی صورتیه ماهیت افترا بی تغییر و تشویش ایتش و هله فعل مفتری به ترتیب ایدن مجازاتک عینی ایله مفترینک جزا دیده ایدلسی قیدی ماده مذکوره نك مؤبدلاً قابلیت تطبیقیه سنی رفع ایتش ایدی . حالبوکه افترا نك ماهیت اصلیه سی اسناد اولنان فعلک غیر صحیح و مزور اولسینی ایجاب ایتدیرمکه برابر مفتری علیه اضرار ایچون مفترینک اخبار نامه و یا شکایت نامه اعطاسی صورتیه آنک حقدن تعقیبات اجراسنه وسیله ویرسنی اقتضا ایتدیر . بناءً علیه ماده مذکوره طی اولنهرق آنک یرینه قواعد عمومی جزائییه موافق ودها معتدل بر ماده اقامه ایدلمش و افترا نك شکل ودرجه سنه کوره مجازات قانونیه تعیین ایدلیکی کی مفتری علیه حقدن تعقیبات قانونیه جریاندن صوکره مفترینک اسناد واقعه رجوعی و یا تصنیعی اعتراف ایلسی حالنده جزاسی تخفیف اولنق صورتیه تزویر و تصنیع کی مغایر اخلاق اولان بر جریمده اصراردن توقی طریق ارئه اولنمشدر .

حقارت و اطاله لسانه متدائر اولان ۲۱۴ نجی ماده دخی غایت بسیط و فعلک صفحات مختلفه سنی غیر محیط اولدیغندن ماده مذکوره دخی طی اولنوب یرینه حکام ایچون دهها سهل التطبيق بر ماده اقامه ایدلمشدر . حقارت ماهیت اصلیه سی اعتباریه افترا دن پک فرقلیدر . افزا وقوعه و ایش بر جرمی قوه عدلییه خبر و برمک و یا اولیه بر جرمک آثار و دلائلی تصنیع ایلک صورتیه مفتری علیه اضراری قصد ایدلمشدر . حالبوکه حقارتده ماده اولیه بر قصد موجود اولنوب متجاوز علیه ناموس و حیثیت و یا شهرت و اعتبارینه ایراث خلل ایتک مقصوددر . بوده قابل اثبات بر فعل اسنادیه و یا ناقابل اثبات برشی تخصیصیه وقوعه و بولور . قابل اثبات اولان فعل دخی یا اساساً مجازات قانونیه بی دعوت ایده جک بر جرم اولور و یا خود مغایرت اخلاقیه موجود و حیثیت و اعتباره باعث انکسار اولقله برابر مستلزم مجازات اولماز . طبعاً ناقابل ثبوت اولان مجازات قانونیه بی مستلزم اولیان برشی اسنادیه حقارت ایدلیکی تقدیرده فاعل جرمک اسناد ایتدیکی شیئی اثباته تصدیق قبول اولنهماز . بواکی تقدیرده محکمه یالکیز حقارتی متضمن اولان فعل و قولک ثبوت وقوعیه برابر مجازات قانونیه سنی ترتیب و تعیین ایدر . آنجق حقارتی متضمن اولان فعل و قول هم قابل اثبات همده داعی مجازات اولدینی و مثلاً بر مأموره و ذیفه مأموریتنه متعلق بر جرم و از جمله ساخته کارلق و یا ارتکاب کی بر فعل اسنادیه حقارت ایدلیکی و یا خود تمل تهمینه بر کیسه علیه حقدن تعقیبات قانونیه جریان ایدرکن قاتل لفظیه تحقیر وقوعه و بولدینی تقدیرده متجاوزک بوحالی اثبات ایتسی هم قبول اولور و همده ثبوتی حالنده کنیدیسی ایچون مجازات قانونیه تصور اولنهمز .

قالدی که حقارتدن دولای محاکمه جریان ایتکده بولندینی صرمدن متجاوز علیه کنیدیسنه اسناد اولنوب مغایرت اخلاقیه بی تضمن ایدن و قابل اثبات اولنله برابر داعی مجازات اولیان فعلک انظار عامده نفسنه

ایدیه بیله جکی شین و نقیصه بی ازاله قصدیه محاکمه نك فعل مذکورک اثباته دخی تشمیلی صراحة طلب ایدرسه بو طای دخی قبول اولنق مقتضای مصلحتدر .

برده بعض کره متجاوز علیه اولان شخص حرکت غیر محقه سیله حقارتی کنیدیسی دعوت و تحریک ایتش اولور . ایشته بو احوال مختلفه بی متضمن اولق اوزره بر ماده قانونیه قلمه آلمش و حرکت غیر محقه سیله حقارته دعوت ایدلیکی تقدیرده بو کیفیت اسباب مخففه دن عد ایدلمش اولدینی کی ایکی طرف متقابلاً یکدیگری تحقیر ایتدیکی و یا شخصی حقدن استعمال شدت اولنسدن طولای حقارته معناً مجبوریت حاصل اولدینی تقدیرلرده مجازات قانونیه نك سقوطی قبول اولنمشدر .

سرقت فصلنده بر خانه درونیده کی اوطه لک قبولرینی و یا قاصه لری و مقفل صندوقلری و طولاباری قیرمق و یا آلت مخصوصه ایله آچق فعللری عینیه بر بنانک قبوسنی قیرهرق و یا آلت مخصوصه ایله آچهرق خرسزلق ایتک قیلندن اولدینی حالده قانون جزاده بوکا دائر صراحت موجود اولدیغندن ۲۲۰ نجی ماده به بر فقره علاوه ایدلمش و ۲۲۲ نجی ماده نك حد اقل جزاسی خفیف کورلیدیکندن بر سنه ابلاغ اولنوب حیوانات سرقت متدائر اولان ۲۲۴ نجی ماده ده کی جزا دخی مملکت مزک احوال حاضر سنه و شرائط اجتماعیه سنه نظراً تشدید ایدلمش و بونک ایکنجی فقره سنه « کومس حیواناتی و قووانلرده کی آرلر » جمله سی علاوه قلمشدر . ۲۲۵ و ۲۲۶ نجی ماده لک محتوی اولدینی مجازات دخی بر نسبت عادلده دائره سنده تزید اولنمشدر .

۲۳۰ نجی ماده نك علاوه سی سارقلره یتاقلق صورتیه جریمده اشتراک دائر اولوب قواعد عمومی فصلنه علاوه اولن ان ماده به نظراً آرتق بونک فقرات ابتدائی سنه محل قلمدیغندن طی ایدلمش و یالکیز تحریاته شروعدن مقدم حکومته خبر ویرلر حقدن کی احکام ابقا قلمشدر .

برده سرقت فعللرینک جزاسی ذاتاً تشدید اولدینی کی بر قسم خفیف کوریلن مجازات دخی تشدید اولدیغندن و فقط ایقاع اولنان جرم پک خفیف بر ضرری منتج اولدینی تقدیرده عینی جزانک تطبیق و مثلاً بش بیک غروشلق بر خرسزقله اوج بش غروشلق خرسزقلک عینی جزا ایل مجازات اولنسی مغایر عدالت کورلیدیکندن ذیل مذکورک فقره اولاسنه اموال مسروقه دون بر قیمتی حائز اولدینی حالده جزانک نشدن نصف قدر تنزیلی قاعده سی قبول اولنمشدر .

مملکت مزده پک حوق منازعات اموال غیر منقوله نك تصرفه تعرضدن نشأت ایتکده اولدیغندن حقوق تصرفیه نك تأمین امرنده ۲۵۲ نجی ماده به بر ذیل علاوه اولنهرق بوکی تعرضاته درجات متفاوتده دوچار مجازات ایدلمشدر . محصولانک قطع و تلفنک جزاسی بر مقدار تزید اولنقله برابر ثروت عمومی ملیه نقطه نظرندن پک زیاده جالب اهمیت و دقت اولان اشجار ممره ایله زیتون و کل و اپک استحصالنه خادم توت آغاجلری و باغ چوقلری کی اشجار نافعنه نك قطع و تلفی حقدن احکام مخصوصه ترتیب اولنمشدر .

۲۶۰ نجی ماده به علاوه اولنان ذیل ایل مزعج و مستکره صورتده سرخوش اولانلر حقدن جزای نقدی تعیین ایدلیکی کی اعتیاد حالنده بر هفتده حبس جزاسی تعیین اولنق صورتیه اعتیاد کیفیتی فعلک اسباب مشدده سی عدا اولنمشدر .

تبلیغات محرمه

عدليه نظارت جليله سندن بعض ولايات استيناف مدعى عمومى لكرينه يازيلان ۱۸ شباط سنه ۳۲۵

تاريخى تحريرات عموميه صورتيدر

« مرعى وبالطهاتى كى اراضى متروك دن منازعاتك محاكم عاذه سنده رؤيت ايدلسنه دائر »

خلاف قانون اوله رق وقتيله روم ايلي ولاياتى مفتش عمومى لكرينه ويران امر اوزرينه مجالس اداره ده رؤيت اوله كان اراضى متروكه دعوالرينك كافى السباق مجالس مزبورده دوام رؤيتى جانب ولايت سندن تبليغ ايدل يكرندن بختله استفسار معامله يه دائر وارد اولان شقملر امور جزائيه مديريت بهيه سنده لدى الحواله روم ايلي ولايات سنده اهالى به مخصوص بالطه لقلرله مرعالردن دولاي ايكى قريه ويا خود قرأى متعدده اهاليه ييننده متحدث منازعاتك اداره تسويه سى شرفوارد اولان تذكرة بهيه عطفاً ۱۷ نيسان ۳۱۹ تاريخى تحريرانله مأمورى تگزده تبليغ ايدل شسده قانون اساسينك نشر واعلانيله برابر احكام قوانينه مفاير اوله رق اتخاذ اولسان بو قبيل مقررانك دوام احكامنه امكان قالمش واهالى قري ييننده اراضى متروك دن متولد منازعاتك دخى محاكم متعلقه سى حضورنده رؤيتى اراضى قانوننامه سيله قوانين سائر احكامى ايجابندن بولنش اولسنه مبنى مرعى وبالطه لقلرله مثلاً اراضى متروك دن متولد منازعاتك دخى احكام شرعيه وقانونيه دائره سنده محاكم عاذه سى حضورنده رؤيتى لازم كله چكى افاده وكيفيت ولايات ثلثه واليلكرينه لاجل التبليغ داخايه نظارت جليله سنده اشعار قنمش اولمغله احوال مائلده احكام قانونيه دائره سنده معامله ايفاسى لازم كله چكى بيانيله شقه ترقيم قلندى .

عدليه نظارت جليله سندن تعميماً تسطير اولنان ۱۰ ربيع الاول سنه ۳۲۸ و ۹ مارت سنه ۳۲۶ تاريخى

تحريرات عموميه صورتيدر

« استيناف دعوى وقوعنده اعضاي محكمه دن بر ذات طرفندن تنظيم اولنسى مقتضاي قانون اولان تقريرك تدقيقات جديده مستند اولسى لزومه دائر »

استيناف اولنان دعوى اوراقك تدقيق ايله خلاصه دعوائى وطرفينك له وعلينده كى احوالى مبنى اعضاء محكمه دن بر ذات طرفندن تنظيم ايديله چك تقرير اوزرينه دعاوى استينافيه دن رؤيت وحكم اولنسى اصول محاكمات جزائيه قانونك ايكىوز طقسان برنجى ماده سى ايجابندن اولدينى حاله بعض محاكم استينافيه جه شو لزوم قانونيه رعايت ايديله رك هيئت حاكمه طرفندن رؤيت اولنان دعوانك اساس وماهيته انجق محاكمه

اثناسنده اوراق دعوانك قرائتى صورتيله سطحى اوله رق كسب وقوف ايدل كنده ودلائل واحوال موجوده محكمه جه نظر نافذله تدقيق وتعميق اولنميه رق محاكمه ختام ویرلمكده اولدينى عدليه مفتش لكريندن معطى لايحه تفتيشيه ده كوسترلمش وحالبوكه محاكماتك بو طرز بسطده جريانى تدقيقاتك جدیت وسلامتى ايله تسريع استتاجنه غير كافى اولوب اوراق دعوانك قبل المحاكمه هيئت حاكمه جه تدقيق واسباب ثبوتيه سنك تبينى محاكماتك وقفانه اجراسنى تسهيل وعدالتك حسن جريانى تأمين ايدله چكى مستغنى بيسان بولنش اولمغله بعد ازين محكمه دنك تدقيقاتى تسهيل مقصدلرينه مبتنى اولمق اوزره قانوناً وضع اولسان اصول مذكوره دنك دعاوى استينافيه رؤيتيله مكلف بولنان محاكم جزائيه ده دوام اجراسيله برابر شايد تقريرى ويره چك اولان اعضانك تدقيقات جديده اجرا ايدل يكي تقدیرده مسئول طوتوله چنى جهتله تقرير مذكورك دعوى دوسيه سى مياننده حفظ ايدلسى خصوصى اصول اتخاذ ايديله رك بالجملة ولايات استيناف مدعى عمومى لكرينه تعميماً تبليغ قلنمغله مأمورى تگزده دخى آكا كوره ايفاسى معامله يه اعتنا قلنمسى سياقده شقه .

عدليه نظارت جليله سندن تعميماً تسطير بيوريلان ۱۸ ربيع الاول سنه ۳۲۸ و ۱۷ مارت سنه ۳۲۶ تاريخى تحريرات عليه صورتيدر :

« مأمورين وكتبه دن خدمت عسكريه به آله جقلر حقنده كى معامله يى مبنى مواد نظاميه دن كوندرايدكنه دائر »

خدمت نظاميه داخل اولان ياصنف احتياط ورديفده ايكن سلاح آلتله آلنان مأمورين وكتبه دنك مأموريت ومعاشرينه دائر حريمه نظارت جليله سنجه تنظيم وشوراي دولت ومجلس وكلاجه تعديل اولنوب مرعيت احكامنه بالاستيدان اراده سنه جناب پادشاهى شرف متعلق بوريلان وباند كره ساميه كوندرلمش اولان مواد نظاميه صورتى لفاً ارسال قلنمش اولمغله ايفاسى مقتضاسى توصيه اولنور .

مأمورين وكتبه دن خدمت عسكريه به آله جقلر حقنده اولنه حق معامله يه دائر مواد نظاميه صورتيدر : برنجى ماده وظائف مستقلة ويا مشتركه ايجابندن اولسون بالعموم مأمورين وكتبه دن خدمت موظفه نظاميه داخل اولانر مأمورى تزلزلدن انفكاكى تاريخندن اعتباراً منعزل عداولنه جقلر وختام مدت عسكريله رنده مأموريت سابقه لرينه معادل اوله رق ايلك آجيله چك مأمورى تزلزله ترجيحاً تعيين ايديله چك كردد .

ايكنجى ماده بالعموم مأمورين وكتبه دن احتياط ويارديف ويا خود مستحفظ لقلرى اثناسنده سلاح آلتله آلنانر وظائف مشتركه ايجابندن اولسون اولسون مأذون عد اولنه رق بونلرك مأمورى تزلزله مخصص معاشرينك برثلثى عائله لرينه وثلثانى يرلرينه تعيين قلنمق وكيلا ره ويريله چكدر . سالف الذكر مأموريندن صنف احتياط ويارديفه داخل اولوبده تعليم مقصديله سلاح آلتله جلب اولنانلر ايله اوچاي مدتله خدمت

تعليميه سنی ایفا ایتک اوزره خدمت موظفه سی ایچون بدل تقدی ویرنراشبو تعلیم مدتی انساننده مأذون عدايدیلهرک معاشرینی تام اوله زق آله جملدره شوقدر که وظائف مستقله احجابندن اولدقلری یا خود خدمت دولندن انفکاکارنده یرلرینه وکیل تعیینی لازم کلدیکی حالده معاشری حقنده اشبو ماده نك فقره اولاسی موجبجه معامله اولنه جقدر .

عدليه نظارت جلیه سندن دوائر و محاکم مرکزیه ولایات استیناف مدعی عمومیلکلینه تعمیماً تسطیر اولان ۸ ربیع الآخر سنه ۱۳۲۸ و ۴ نisan سنه ۱۳۲۶ تاریخی تخریرات علیه صورتیدر :

بتلیس ولایتک حاوی اولدینی املاک و اراضینک تخریری هنوز اکمال اولنه مامسندن طولانی اهالی قری ایله افراد عشایر و قبائلک تحت تصرفلنده کی طایفه غیر مربوط اراضی ایله پاسینلر قضاسی داخلنده بغوص و شرکاسنک تحت تصرفلنده بولنوب مهاجرین طرفندن اشغال ایدلدیکی ارضروم ولایتدن اشعار اولنان قشلاق و اراضی حقنده نظارت جلیه سنک تذکره محوله سی اوزرینه شورای دولت مالکیه دائره سندن تنظیم و هیئات عمومیه دن ذیلاً ترقیم اولنوب مجلس مخصوص وکلاده مطالعه اولنان مضبوطلرده درمیان اولدینی وجهله اموال غیر منقوله نك صورت تصرفنده اختلاف ظهورنده طرفینک یدلرنده تصرف سندی موجود اولدینی تقدیرده مؤخر تاریخی سندده اولکی سند صاحبندن تقرغاً یا خود انتقالاً تصرف ایدلدیکی مصرح دکل ایسه اولکی سند صاحبنک و عکس حالده دیگرینک متصرف عد ایدلدینی و طرف مقابلک محکمه یه مراجعتی و بالکمز برطرفده سند رسمی موجود ایسه سند اعتبار اولنه رق منازعه لی محکمک صاحب سند یدنده ابقامی و بدنده سندی بولنمین طرفک اقامه دعواده مختار بر اقله سی و طرفینده سندات تصرفیه موجود اولدینی تقدیرده محل منازع فیهک ویرکوسی کیم تأدییه ایتکده ایسه انک واضع الید عدیله طرف دیگرک اقامه دعوایه سوق اولنمی شورای دولتک مقررات سابقه سی ایجابانندن اولوب اراضی قانوننک احکام عمومیه سندن اهالینک استفاده سی امر طبیعی و قانونک احاطه سی دائره سنده وقوعه کلان اختلافاتک حلی ایچون محاکم متعلقه سنه مراجعت لزومی بدیهی ایسه ده بین الاهالی بوکی منازعات هریده کثیرالوقوع اولماسنه بناءً بوبابده اسهل طرق اوله رق محاکم صلحیه قانوننه تنازع بالایدی حقنده اطرافلیجه احکام موضوع و قانون مذکور در دست تدقیق اولوب منع مداخله لرینه و حکم واقعه عدم قناعتلری حالنده اولنه جق مجازاتی مشعر جزا قانوننده مواد مخصوصه درجی مقرر و قبل انقلاب ممالک اجنبیه یه کیدوب اعلان مشروطیتی متعاقباً عودت ایدنلره عائد اراضینک کندیلرینه تفویضی و بونلرک هر صورتله اقداری مقصدیله بر قانون مخصوص در دست تنظیم بولندیغندن قوانین مزبورنک مسارعه موقع اجرایه وضعی تقدیرنده استحصال حقوق امرنده اثار موفقیت کوریله جکی درکار اولملقه برابر شورای دولتک مقرراتنه مستند اولان اداره حل و فصل منازعات اصولنک سنین و فیره تصرف ایدلمش یا خود حق قرار ایله ایادی ناسه کچمش اراضیه دخی توسیع شمولیله مجالس اداره طرفندن فوق العاده مقررات اتخاذ اولنه رق اجراسنه تشبث ایتک مخدور دن سالم اوله میه جفته بناءً شورای دولت هیئت عمومیه سنک مضبوطه سی موجبجه قرار مذکورک انحق سنه سی ایچنده ظهوره کلان تجاوزاتک منعه حصریله بوندن زیاده مدت ایچون ادعای تصرفده بولنانلرک محکمه یه

سوقی و شوقدر که اصحابنک غیوبتندن ناشی محلول ناظریله باقیلهرق بالمزایده صالتش یا خود دروننده قریه تشکیل ایدیلهرک اهالی اسکان ایدلمش اولان محللر بولنوبده الیوم صاحبلری ظهور ایتمش ایسه بدل مزایده نك کندیلرینه اعطاسیله معامله فراغیه نك حسن محافظه سی و قریه تشکیکلندن ناشی متضرر اولانلره دخی مقدا متصرف اولدقلری اراضی مقابلنده جانب حکومتدن مناسب اچقه و یا اکا معادل اراضی اعطاسی موافق حال و مصالحت کورنمش اولدینی باند کره سامیه امر وازبار اولنمش و ایجاب ایدنلره تبلیغ کیفیت اولنحق اوزره اشبو تخریراتک نسخ مطبوعه کافیه سی لفاً ارسال قلمشدر .

محكمة تميز مقرراتی

محكمة تميز هیئت عمومیه سندن صادر اولان ۴ مارت سنه ۱۳۲۱ تاریخی و ۱۳۳۸ نومرولی اعلام صورتیدر :

« کرک توتون قچاقچیانکی و کرک رژی نظامنامه سنه مغایر سائر حرکاته مرتب جزای تقدیرلر اداره نك حقوق شخصیه سندن اولدیغنه و مدعی عمومیلرک بوقییل دعوالردن طولانی استیناف و تمیزه صلاحیت قانونیه لری اولمادینی کبی دعاوی حقوقيه یه قیاساً طرفین استفاده ایدمه مامک اوزره ده استیناف و تمیزه مساع قانونی بولمادیغنه دائر »

توتون قچاقچیلغیه مظنوناً محکمه یه سوق اولنان عصمت افندی ایله خدمتکاری میچونک براتلرینه و دیگر مظنون قیجوا اسپرو وکلینی یانی اسپرینانک بش یوز سکسسان غروش جزای تقدی ایله محکومیتلرینه دائر یانیه ولایتی مرکز بدایت محکمه سی جزا دائره سندن صادر اولان ۲۸ شباط ۱۳۲۵ تاریخی اعلامک یانی اسپرینا قادینه عائد قسمنک تمیزاً تدقیق طلبی حاوی محکمه مذکوره مدعی عمومی معاولنکی جانبندن معطی استدعایه و اوراق متفرعه سی باش مدعی عمومیلک مأموریت بهیه سندن باتبایه نامه محکمه تمیز استدعا دائره سنه تودیع اولنغله لدی التدقیق هیئندن ایکی ذات رژی جزای تقدیرلری اداره نك حقوق شخصیه سندن اولمسیله مدعی عمومیلرله حقوق عمومیه نامه رأساً تمیز دعوایه صلاحیت قانونیه لری اولمادیغندن بختله اولبابده تمیز استدعایه سنک ردی وایکی ذات دخی تشکیل محاکم قانوننک ایکینجی ماده سی منطوقجه مدعی عمومیلرک مداخله ایتدکاری دعاوی به دتر لاحق اولان مقرراتی احکام قانونیه نك تأمین حسن جریانی ضمننده علاقه داران استفاده ایتمه مامک اوزره استیناف و تمیز دعوایه صلاحیتلری بولندیغنی بیانیله مذکور استدعا نامه نك بو نقطه دن قبولی رأینده بولنه رق شو وجهله تساری آرا حاصل اولمسنه مبنی کیفیت محکمه تمیزک هیئت عمومیه سنه تدقیق و ایجابی مذا کره اولندقدده : رژی جزای تقدیرلرندن دولای نظامنامه مخصوصنک صراحتی ایجابجه اداره مذکورنک صلح و ابرا و فراغت دعوایه مأذونیتی و مدعی عمومیلرک بو بابده رأساً اجرای تعقیباته عدم صلاحیتی کی اسباب و احوال دن ناشی کرک توتون قچاقچیانکی و مذکور نظامنامه یه مغایر سائر حرکاته مرتب جزای تقدیرلرک اداره نك حقوق شخصیه سندن ایدوکی نقطه سنده اتفاق آرا حاصل اولوب بالکمز مدعی عمومیلک صلاحیت استینافیه و تمیزیه سی مسئله سنده آرا ایکی به انقسام ایدرک اولبابده جریان

ايدن مذاكرات نتيجه سنده محاكم جزائيه دن هر نه نام اولور سه اولسون اموال و املاكه و بر آقچه نك تحصيله متدار و حقوق شخصيه متفرع اولق اوزره ويران مقررات و جاهيه نك فسخ و نقض و احكام غيايه علمنده دخي حق اعتراضك استعمالى ادعاى شخصيه بولسا ازاله شو جهتن محكوم اولانلره عائد اولوب مدعى عموميلرك مواد جزائيه حاز اولدقلى حق تعقيب ايله مقررات واقعه دن دولاي اعتراض و استيناف و تمين مثالو طرق قانونيه مراجعت امرنده كي صلاحيتلى درجه سنى تعيين ايدن اصول محاكمات جزائيه قانوننده حقوق شخصيه متفرع اولان احكام صادره يده صلاحيت مذكور نك شمولى ارايه ايدر بر قيد و اشارت موجود اولماديكي كي تشكيل محاكم قانوننك تيمش ايكنجى ماده سيله بو ماده ي احتوا ايدن فصل مخصوصنك مواد سائره سى و على الخصوص آلتش بشنجى ماده سى مندرجات صريحه سى مدعى عموميلرك مواد حقوقيه مداخله لرنى ايجاب ايدن دعاوى حقنده حقوق محكمه لرندن صادر اولان قرارلى سالف الذ كر تيمش ايكنجى ماده منطوقنجه علاقه داران استفاده ايدم مامك اوزره استيناف و تمين ايدم جكلرنى مبن بولمسنه نفاراً قانون مذكور مدعى عموميلره بخش ايلديكي شو صلاحيتده محاكم حقوقيه دن صدور ايدن مقرراته منحصر و مدعى عموميلرك محاكم حقوقيه مقرراتى حقنده حاز اولدقلى صلاحيت محدوده ي على طريق القياس محاكم جزائيه دن بو مثالو حقوق شخصيه يده صادر اولان قرارل حقنده استعمال ايدم بيلملى دخي قواعد اساسيه مغاير بولنديغه بناء رئينك حقوق شخصيه سنه متعلق اولان سالف الذ كر اعلام علمنده محلى مدعى عمومى معاونلى جانبندن حقوق عموميه نامه راساً تمين دعاويه صلاحيت قانونيه موجود اولمديني يولنده اكثريت آرا حاصل اولديغندن مذكور تمين استدعائمه سنك اسباب محرر ددن نائى ردينه اكثريته قرار و يرلدى .

محكمة تمين استدعا دائره سندن صادر اولان ۲۴ ربيع الاول سنه ۱۲۸ و ۳ مارت سنه ۱۳۲۶ تاريخلى و ۱۹۸ نومرولى اعلامك صورتيدر :

« وعد ازدواجه ازاله بكر جرائمده مرور زمانك مبدائى آلفدن استنكاف تاريخى اولايوب جرمك تاريخ وقوعى ايدوكنه دائر »

در سعادت استيناف محكمه سى جنجه دائره سندن تنظيم و اعطا قلنان ۴ كانون ثانى سنه ۱۳۲۵ تاريخلى اعلامك تميناً تدقيق طلبنى حاوى ايشمله جى قوچو جانبندن معطى استدعا نامه و اوراق متفرعه سى باش مدعى عموميلك مأموريت بهبه سندن با تبايعه ۲۲ شباط سنه ۱۳۲۵ تاريخده محكمه تمين استدعا دائره سنه توديع اولمش ولدى التدقيق مذكور استدعا نامه نك مدت معينه قانونيه سى ظرفنده اعطا و شرائط لازمه سائره سنك دخي ايضا قلندينى ا كلاشلمش اولمغله بالقبول تدقيقات تمينه اجراسنه ابتدار قلندى .

اعلام مذكور خلاصه مالى : دوريك بنت خاچيكك وعد ازدواجه بكرينى ازاله و صكره المقدن استنكاف ايتديكي ادعا اولنان مستدعى قوچونك محاكمه سى نتيجه سنده فعل واقعك يدى سنه اول وقوعه

كلديكي مدعيه نك تحت اعترافده اولمسنه فعل مذكورك تاريخ وقوعى مبدأ اعتباريله آرده دن بر سنه كچمش اولان مدتك مرور زمان حدينه بالغ اولدينى ا كلاشلمسنه مبنى اصول محاكمات جزائيه قانوننك دوت يوز سكسان ايكنجى ماده سى موجبجه بوباده كي حقوق عموميه و شخصيه دعواسنك سقوطنه دائر بدايه و يريلان اعلام، مزبوره دوريك جانبندن استيناف ايدلمك اولا باده اجرا قلنان محاكمه و تدقيقات استينافيه نتيجه سنده تاريخ وقوعندن و يا خود لك اخير اولان معامله تاريخندن اعتباراً اوچ سنه صكره بالمله افعال تادييه حقنده كي حقوق عموميه و شخصيه دعوا لرينك ساقط اوله جنى اصول محاكمات جزائيه قانوننك دوت يوز سكسان برنجى ماده سنده على الاطلاق محرر اولمسنه و قانون جزائى ايكنوزنجى ماده سى ذيلك مندرجات و صراحتى ايجابنده وعد ازدواجه بالاغفال ازاله بكرك جزائى مستلزم جهتي اغفال ايديان قزى المامق كيفيتى اولوب بناء عليه اشبو جرمك تاريخ تشكيل و وقوعى امر مشروع تزوجدن استنكاف تاريخى ايدوكنه و ايشده بو صورته قابل تأليف بولنان شوايكي ماده قانونيه بكديكرينه مبان و معارض كورلديكي تقديرجه دخي قانون و اصولك تعارض ايتديكي يرلده قاعده حكم و ايجاب قانونك ترجيح و اختيارى لازم كله جكنه مبنى قرار و اعلام مستأنف بهك بوجهتن طولاي فسخيله بالتدقيق تاريخ استنكافك تعيين و اك كوره ايفاي معامله اولمشى ضمننده اوراق دعوانك محكمه بدايته اعاده سنه قرار و يرلديكى متضمندر .

لايحه تمينه يده : مدعيه مزبور نك اقرار و اعترافى وجهله بكرينك ازاله اولندينى تاريخندن اعتباراً يدى سنه مرور ايدمك دعوايه مرور زمان واقع اولمش ايكن محكمه استينافيه جه اصول محاكمات جزائيه قانوننك در تيوز سكسان ايكنجى ماده سى صراحتنه و محكمه تمين هيتت عموميه سنك اجتهادينه قارشو مرور زمان مبدائى استنكاف تاريخندن بالاغفال دعوايه مرور زمان اولمديغه قرار و يرلمسى مغاير قانون ايدوكندن بختله اعلام استينافينك نقضى استدعا ايدلديكي كي تبليغنامه ده دخي فعل مدعا بهك يدى سنه اول وقوعه كلديكي واشبو مناسباتدن متولد والوم بش ياشنده چوجنى بولندينى مزبوره دوريك قادينك تحت اعترافنده اولمسنه و اصول محاكمات جزائيه قانوننك در تيوز سكسان برنجى و در تيوز سكسان ايكنجى ماده لرنده صورت مطلقده اوله رق جنجه درجه سنده بولنان بالمله افعال ممنوعه نك تاريخ ايقاعندن صوكره اوچ سنه مرور ايله ساقط اوله جنى مصرح بولمسنه و اساساً واضع قانونك جبراً اوليان ازاله بكرده جرم عد ايدرك جزا تهديدى تحتنده قصد ايلديكي فعل ، وعد ازدواج ايله اغفال دن عبارت اولمسنه و استنكاف ايله ذات جرمه مربوط و معطوف شرط و وصفدن معدود بولمى اعتباريله فاعلك طالب تزويج اولمسيه اورتدن وعد و اغفال مرتفع اوله رق ازاله بكر حقيقه مقصد تزوجه و تشكيل عائله فكريله ايقاع ايدلمش او اديغه دلالت ايليه جكي كي شو صورته واقع اوله جق وعد ازدواج دن عائله ناموسلارى وقايه ايديله جكي و عكس تقديرده يعنى استنكاف وقوعى حالنده ايسه اساساً فاعلك فكر و نيتى اغفال ايله هتك ناموسدن عبارت قالمسى حسبيله

مستلزم جزا بر فعل ممنوع تشکل ایلایه چکی و وعد ازدواجله ازاله بکر محکمه استینافیه ک قائل اولدینی وجهله ذاتاً جرائم متماهیة دن اولمایه رق ایلک فعلک وقوعیله ازاله بکرک جزاء حصوله کله چکی بنابرین فعلک تکرری ازاله بکرک تمادیس دیلک اولمایه جنی جهته آرتق مقصد قانون دائره سنده وعد اغفال ایلله ازاله بکر برنجی فعل ایلله ایقاع ایدلمش بولمسنه وقانون جزاک ایکوزنجی ماده سنک ذیلده و ایکنجی فقره سنده دخی ذات فعلک وعد ایلله وقوعی کوسترلمسنه مبنی وعد ازدواجله ازاله بکر فعلنده مرور زمانک مبدائی ذات فعلک وقوعندن یعنی ازدواجله بکرک ازاله سندن معتبر اولدینی و بوکا معطوف و صرف شرطدن عبارت بولنان استسکافک دخی اشبو مدت ظرفنده وقوعی لابد بولدینی و محکمه تمیز هیئت عمومیه سندن ۱۷ مارت سنه ۳۲۴ تاریخنده صادر اولان قرار دخی تفصیلات مبسوطه بی مؤید اولدینی حالده محکمه استینافیه جه مبدأ مرور زمانک استیناف تاریخی اعتباری لازم کله چکنه متدائر بولنان قراری مخالف قانون بولنش و معطی تمیز لایحه سی مندرجاتی بو طریقله وارد و بجای کورلمش اولدینی بیانیله اعلام مذکورک نقضی لزومی طلب و انبا قلمشدر. ایجابی لدی المذاکره: محکمه استینافیه جه مظلون قوجویه اسناد ایدیلان جرمک وعد ازدواجله ازاله بکر ماده سندن عبارت اولدیغنه و بوکا احوالده وعد مذکورک استسکاف وقوعیله جرم تکمل ایده چکنه بناء درمیان ایدیلان مرور زمان مسئله سنک مبدائی استسکاف تاریخی اولق لازم کله چکی اساسنه عطاء حکم ابتدائیک فسحیه اوراق دعوانک درجه اولی محکمه سنه اعاده سنه قرار ویرمش ایسه ده اصول محاکمات جزائییه قانونک درتیوز سکسان برنجی و درتیوز سکسان ایکنجی ماده لرنده تصریح و بیان ایدیلکی اوزره مرور زمان مسئله سنک جرمک وقوعی تاریخ مبدأ اتخاذ اولنق مقتضی و ازاله بکر جرائمده فاعلک کیفیت امتناعی اولجه سبق ایدن وعد ازدواجک جزا قانوننامه هایوننک ایکوزنجی ماده سنک علاوه سنده کوسترلدیکی اوزره اغفال مقصدیله وقوعی مؤید احوالدن و بوده ازاله بکرده ازدواج وعدینک اغفالیه مبتی ایدوکنی و شو صورتله جرمک وقت اجراسنده دخی امتناعک موجودیتی کوستر احوالدن اولمسیله مرور زمان مبدأ نک صراحت قانونیه وجهله زمان ایقاعنده تکمل ایدن جرم مذکورک تاریخ وقوعندن حساب ایدلمسی لزومی بدیهی اولدینی حالده عندالاستیناف استسکاف تاریخک نظره آلمسنی انتضا ایده چکی بیانیله بر منوال محرر اتخاذ قرار اولمسنی صراحت قانونیه ایلله قابل تألیف کوریه مامش و احوال مسروده لایحه تمیزیه ده درمیان اولدینی وجهله مستلزم نقض اسبابدن بولنش اولدیغندن اصول محاکمات جزائییه قانونک اوچیوز اون دردنچی و اوچیوز اون طقوزنجی ماده لری منظوقنجه قرار استینافی مذکور اعلامنک نقضیه احکام قانونیه دائره سنده ایضای معامله اولنق اوزره اوراق متعلقه سنک محکمه استینافیه اعاده سنه و ایکوز غروش اعلام خرجنک تعرفه و تعلیمات مخصوصه سنه توفیقاً ایلروده حقسنر چیه حق طرفدن استیفاسنه ۶ مارت سنه ۳۲۶ تاریخنده اکثریتله قرار ویرلدی .

محکمه تمیز استعدا دائره سندن اعطا اولنان ۱۵ ربیع الاول سنه ۳۲۸ و ۱۴ مارت سنه ۳۲۶ تاریخی و ۱۰۳ نومرولی اعلام صورتیدر :

« بر شخصک سرسریلکدن طولایی محکومتی تعریفات قانونیه دائره سنده تنظیم

ایدلمش صریح ضبط ورقه سنک وجودینه متوقف اولوب عکسی صورتده توسیع

تحقیقات و تدقیقات اولتمسزین حکم ایدلمی نقض حکمی مسلزمدر »

سیواس ولایتی استیناف محکمه سی جزا دائره سندن تنظیم و اعطا قلمش اولان ۵ کانون ثانی سنه ۳۲۵ تاریخ و اوچیوز اون دردت نومرولی اعلامک تمیزاً تدقیقی طلبی حاوی حاجی علی زاده رشید جانبندن معطی استعدا نامه اوراق متفرعه سیله پرلکده باش مدعی عمومیلک مأموریت بهیه سندن باتبلیغنامه ۲۴ شباط سنه ۳۲۵ تاریخنده محکمه تمیز استعدا دائره سنه تودیع ایدلمکله ولدی التدقیق مذکور استعدا نامه نک مدت قانونیه سی ظرفنده اعطا و شرائط لازمه سائر نک دخی ایضا قلدینی اکلاشله غله بالقبول تدقیقات تمیزیه اجراسنه ابتدار قلدنی. اعلام مذکورک خلاصه مالی: پدری حاجی علی آغای ضرب ایدلیکی ادعاوسر سیری مقوله سندن بولندینی بیان قلمسندن طولایی مظلون علیه اولان مستدعی رشیدک اجرا قلدنان محاکمه سنده مرقومک ایشسر طاقندن وایکی دفعه فعل شنیع اجراسنه تصدی جرمیله محکوم اولمش و جزا چکمش مقوله دن اوله رق بوصورتله ضابطه جه مظنه سوء عد ایدلیکی اولباده کی ضبط ورقه سی و دلائل سائر ایلله ثابت اولمش ایدوکندن بمثله سرسری نظامنامه سنک اوننجی و اون برنجی ماده لری موجبجه مرقومک برسنه حبسنه دائر لاحق اولان حکم ابتدائی اعلامی محکوم مرقوم جانبندن استیناف اولمسنی اوزرینه سبق ایدن محاکمه و تدقیقات استینافیه نتیجه سنده موافق اصول و قانون اولدینی بیانیله حکم ابتدائی مذکورک تصدیقه قرار ویرلدیکی متضمندر. لایحه تمیزیه ده: کندوسی ارباب ناموس و اصحاب مصالحدن ارلوب وفات ایدن والده سندن موروث پاره ایلله تجارت ایلکده ایدوکنی اثبات ایده چکنی افاده ایلش اولدینی حالده عندالاستیناف بو جهت تدقیق ایدلمامش اولدینی و اولجه فعل شنیع ماده سندن طولایی ایکی دفعه محکوم اولدینی فرض اولنسه بیله بعده داعی شبهه بر حال و حرکتی کورلمدیکی و سرسری نظامنامه سنک اون برنجی ماده سنده کوسترلدیکی وجهله عزو ایدیلان حرکاتک تصریحیه اسباب ثبوتیه سی و دلائلی توضیح ایده چک صورتده ضبط ورقه سی تنظیمی لازمه دن اولدینی حالده بویولده تنظیم ایدلمامش اولان ضبط ورقه سنک خلاف حقیقت ایدوکنه متدائر درمیان ایدلیکی اعتراضک دخی نظر اعتباره انماش اولدیغندن بمثله اعلام استینافینک نقضی استعدا ایدلیکی کی تبلیغنامه ده دخی اعتراضات و اتعه دن مرقوم رشیدک تجارتله مشغول اولدینی اثبات ایده چکنه دائر عندالاستیناف درمیان ایدلیکی افاده سی اوزرینه بوجهتک تدقیق ایدلمامش و لایحه تمیزیه مندرجاتی بو طریقله بجای بولنش اولدینی بیانیله اعلام مذکورک نقضی لزومی مرقم بولمشدر .

ایجابی لدی المذاکره: مندرجات اعلامدن مستبان اولدینی اوزره محکمه استینافیه جه مظلون رشیدک مظنه

سوء عدايدان اشخاصدن بولنديغنىك ايكي قطعه ورقهسى ايله تحقيق ايدلديگندن بالبعث حكم ابتدائي تصديق قلمش ايسهده اوراق دعوى مياننده موجود اولوب مندرجاتى مرقومك پدري حاجى على اغايى ضرب ايتش ايدوكنى حاكى وبعض مأمورين ضابطه ايله اشخاص سائرتهك امضالري حاوى بولان تشرين اول سنه ۳۲۵ تاريخي ضبط ورقهسى ظهرينه بوليس قوميسرلىكى مهر رسميسى شامل يازيان دركنارده مرقوم رشيدك سرسريانه وقت كچرمكده اوله رق فعل شنيع ماده سندن طولاني ايكي قطعه اعلام ايله محكوم ارملش ومظنه سوء طاقدن بولنش اولديني جهته حقهده سرسري نظامنامهسى موجبجه تعقيبات ايفاسى لزومى درميان اولوب نظامنامه مذكورك اون برنجى ماده سنده ايسه مظنه سوء عدايدان اشخاصك احوال وحرركات واقعهسى تصريح واسباب ثبوتيه ودلائلى توضيح ايدجك صورتده ضابطه جه ضبط ورقهسى تنظيم قلمه جنى كوسترملش اولمسته وسالف الذكر ضبط ورقهسيه ظهرينه محرر دركنارك شوتعريفات قانونيه به عدم موافقتى حسيه ثبوت جرمه كفائت ايدميه جكي دركار بولمسته بناء اعلام ابتدائينك بو نقطه دن فسخيله توسيع تحقيقات و تدقيقات ايديلهرك حاصل اوله جق نتيجه به كوره اتخاذ قرار اولمق لازمكلور ايكن صور محرره دائره سنده مقتضى تدقيقات ومعاملات ايفا ايدلمكسزىن اعلام ابتدائينك برمنوال محرر تصديقي جهته كيدلمسى ومدعى عمومىلك وكالتنده بولنديريلان عبدالهاده افنديك صفت قانونيه سنك اعلامده كوسترلماسى نقص حكيمى موجب اسبابدن اولديغندن اصول محركات جرايه قانونك اوچوزاون دردنچى واوچوز اون طقوزنجى ماده لرى منظوقجه اعلام استينافينك بوسيلردن ناشى نقصيله احكام قانونيه دائره سنده ايفاي معامله اولمق اوزره اوراق دعوانك محكمه مذكوره به وتميز جزاي نقديسى اوله رق تسليم وزنه ايدلمش اولان بش ليرانك دنخى اصول مذكورك اوچوز قرق اوچنجى ماده سنده توفيقاً مستدعى به اعاده سنده وايكوز غروش اعلام خرجك تعرفه وتعليمات مخصوصهسى موجبجه ايلروده حقسز چيقه جق طرفدن استيفاسنه ۶ مارت سنه ۳۲۶ تاريخنده متفقاً قرار وىرلدى .

محكمه تميز استدعا دائره سندن صادر اولان ۲۳ ربيع الاول سنه ۳۲۸ و ۲۲ مارت سنه ۳۲۶ تاريخي ۱۸۱۹ نومرولى اعلامك صورتيدر :

« مجالس بلديه دن معطى مقررادن هانكيلرينك مراحع استينافى محاكم نظاميه وهانكيلرينك مجالس اداره اولديغه دائر »

مرفته قضاسى بدايت محكمهسى جزا دائره سندن تنظيم واعطا قلنان ۱۹ كانون ثانى سنه ۳۲۵ تاريخ وايكى يوزاون ايكي نومرولى اعلام استينافينك تميزاً تدقيق طلبنى حاوى خردلام ولديمتري ايله صوتير طرفلرندن مشتركاً ويريلان استدعنامه واوراق متفرعهسى باش مدعى عمومىلك مأموريت بهيه سندن باتبليغنامه ۲۷ شباط سنه ۳۲۵ تاريخنده محكمه تميز استدعا دائره سنده توديع اولنش ولدى التدقيق مذكور استدعنامه نك مدت

معينهسى ظرفنده ويرلديكى وشرايط قانونيه يى جامع ايدوكى اكلاشلمش ايدوكندن بالقبول تدقيقات تميزيه اجرا نه ابتدار اولدى .

اعلام مذكورك خلاصه مالى : تنبيهات بلديه به مخالف حر كتمده بولنديقلرى ادعا قلنان مستدعى خردلام ايله صوتيرك بشر بشلك جزاي نقدى ايله محكوميتلرينه دائر مرفته قضاسى بلديه دائره سندن ويريلان قرارك محكومان مرقومان جانبدن استيناف ايدلمسى اوزرينه جريان ايدن محاكمه نتيجه سنده دوائر بلديه دن صادر اوله جق قرارلرك استينافاً تدقيقى مجالس اداره نك وظائفندن اولوب دعوای مبحونه ده اولديني كى بلديه طرفندن اشاعات اوسته لرينه تعين اولنه جق جزاي نقدى به دائر اخبارنامه لر عليهنده وقوعبوله جق اعتراضك استينافاً رؤيت وتدقيقى محكمه نظاميه نك وظائفندن بولنديغه دائر برصراحت قانونيه موجود اولديغندن بخله دعوانك ردينه قرار وىرلديكى متضمندر .

تميز استدعنامه سنده حكم مذكورك محاكم نظاميه تشكيلاتى قانونك دردنچى ماده سنده مخالف ايدوكندن بخله نقضى استدعا اولنش تبليغنامه ده دنخى قرار واقعك موافق اصول وقانون كورلديكى بيانيله تميز استدعنامه سنك ردى لزومى كوسترلمشدر .

الحاجى لى المذاكره : تميز استدعنامه بولان مرقومان صوتير ايله خردلام طرفلرندن نقضى طلب ايديلان سالف الذكر اعلامك نتيجه حكيمى محلى دائره بلديه سندن وقوعبولان تنبيهاتى اصغا ايتاملرندن طولاني كندولرندن جزاي نقدى اخذينه دائر دائره مذكوره دن ويريلان قرار عليهنده اعطا ايدلكرى استيناف استدعنامه سنك عدم صلاحيت نقطه سندن ردينى متضمن بولنش ودوائر بلديه نك بوقبل مقررانك مرجع استينافى مجالس اداره اولوب قضائى نظاميه سنك اعضالى انتخابنه متعلق اولان قرارلردن ماعداسنى استينافاً تدقيقه صلاحيت قانونيهسى اولمامسنة نظراً حكم واقع بولنده واصل وقانونه موافق صورتده اوله رق تميز استدعنامهسى مندرجاتى اسباب محرره دن ناشى غير وارد كورنش ايدوكندن اعتراضات واقعه نك رديله حكم مذكور اعلامك تصديقه وبوز غروش اعلام خرجك تعرفه وتعليمات مخصوصه سنده توفيقاً مستدعيلردن تحصيله ۷ مارت سنه ۳۲۶ تاريخنده متفقاً قرار وىرلدى .

محكمه تميز جزا دائره سندن صادر اولان ۸ شباط سنه ۳۲۵ تاريخي ۸۰۷۱ نومرولى اعلامك صورتيدر :

« عين زمانده وعين مكانده بكديكريه مناسبى اوله رق ايقاع ايديلان انعال قنليه اسباب ومقاصد مختلفه به مبنى ايقاع ايديلان افعال قنليه قبلندن اولمادينه وقانون جزناك اوز بتمش دردنچى ماده سندن تفسيرينه دائر »

قوصوه ولايتى استينافى محكمهسى جزا دائره سندن صادر اولان ۴ كانون ثانى سنه ۳۲۵ تاريخي وايكوز طقسان طقوز نومرولى اعلام ايله اوراق متفرعهسى باش مدعى عمومىلك مأموريت عليه سندن ۲۳ كانون ثانى

سنه ۳۲۵ تاريخي و آلتی بيك ايكي يوزبر نومرولى تبليغنامه ايله محكمه تميز جزا دائره سنه كوندريملكه كافه اوراق دعوى مطالعه اولدى .

اعلام مذكور خلاصه مالى: اسكوبك اين قوجه جوق محله سندن تحصيلدار قدرى افندى و تيزه سي خان شوي قتل و مقتول قدرى افنديك او كي همشيره سي لطفه بنت نوزادى جرح ايلديكي استدعاسيله جنايته اتمام اولنان اسكوبك جديد عيسى بك محله سندن اورته بويلى عادتاً آلن و بورون و چكلى قرال صاچ و قاشلى اوتوز بش ياشنده بقال احمد بن مصطفىك اجرا قلنان محكمه سي نتيجه سنده هر نه قدر متهم مرقوم احمد مسافرة كيتمش اولدينى مقتول قدرى افنديك خانه سنده بولمقده ايكن همشيره سي پنهيه و قوعبولان تصيحتى اوزرينه خانه ده بولنان قادين و ارككلر كندوسنه هجوم ايله يره ياتيره رق اولديرمك ايسستدكلرى صروده النده كي بجاغنى صاللاديغنى و جرح و قتل نه صورته و قوعه كلكيكنى آكلايه مديغنى و قوبوي آجوب قورتولديغنى بيان ايله انكار جرم ايتمش و وكيل مدافعى ده فعل قتلك مدافعة نفس يولنده و قوعندن بحمله معافيتنه قرار و يرلمى طلبنده بولنش ايسه لرده مزبوره پنه زوجى قدرى افندى به بعض خصوصدن دولاي دلگير اولديغندن بحمله كوندريكي خبر اوزرينه برادري متهم احمد اوچيوز يكرمى بش سنه سي تشرين اولنك ايكنجى كيجه سي پنهيك خانه سنه كلهر ك همشيره سيله قونوشد قندنصكره او طيه كلش اولان قدرى افنديك مواجهه سنده همشيره سي پنهيه زوجيله ابي كچمىنى اخطار و بعض تكدير اتده بولمىسى اوزرينه مزبوره پنهيه كندوسندن يدمعاونت كوره ميه جكنى افاده ايتميه مرقوم احمد حدت ايدرك حامل اولدينى بجاغنى بالته شهر همشيره سي مزبوره يي تهديد ايتديكي صروده رجا ايتك ايچون آره لرينه كيرمش اولان قدرى افندى يي كوكسندن جرح و قتل و بو حالى كورن و فرياد و فغان ايدن قادينلردن لطفه يي آرقه سندن جرح و فرار ايدركن سوقاق قپوسنده فرارينه ممانعت و فرياد استمداد ايتك ايستبان خان شو خاتونى دخى جرح و قتل ايدرك فرار ايلديكي مجروحه لطفه ايله مقتوله خان شونك برادري ابراهيمك صورت ادعا و شكايتمى و شاهد صفتيله جاب و استماع اولنان مقتول قدرى افنديك والده سي شاهسته و مزبوره نك والده سي خاقو خاتونلره مقتول موسى اليك بيوك پدرى بيت اللهك انشاي و قوعانده حاضر بولنه رق فعل قتل و جرحى عن مشاهدة مع المين خبر و يرلمى و شاهد عبدالرحمانك دخى متهمى جنايتى اجرا دنصكره قاچار كن سوقاقده كوردىكنى و خانه دن و قوعبولان فرياد و فغانى ايشتديكنى سويلش و متهمك تاويلالاً واقع اولان افاده سي ضبط و رقه سييله طبيب راپورى مندرجانتك ده اخبارات و اتعه يي مؤيد بولمىسيه ثابت اولمش و مدافعه و كيلك بوجه محرر مدافعة نفسه دائر اولان مدافعه سي دلائل موجوديه قارشو غير وارد بولنش اولمىسيه مبنى مرقوم احمدك افعال مذ كوره نك فاعلى اولمى اوزره مجرميته و قانون جزانك « بر كسه من غير تعمد بر شخصى اتلاف ايتمش ايسه اون بش سنه مدتله كوركه وضع اولنور فقط اشبو تلف نفس قضيه سي آخر بر جنايتى اجرا ايدركن يا قبل اجرا و يا بعد اجرا و يا خود

برجنايتى برلى اجرا و قوعبولش ايسه اتلاف نفس ايدن شخص قانوناً اعدام جزاسيله مجازات اولنور . ديو محرر اولان يوز يتمش دردنجى ماده سنك فقره اخيره سنه توفيقاً اعدامنه قرار و يرليكندن عبارتدر . متهم طرفندن معطى تميز لايحه سنده : داخل خانه ده متجاوزلرك واقع اولان هجوملرى ائناسنده كندى طرفندن و قوعبولان استمدادى ايشيدن و محكمه جه مع التحليف استماع قلنان جمائل بلال ايله بهجت بيرامك بوبابده كي شهادتلى بركونا اسباب موجهه كوسترليهر ك قبول ايلديكنه و ديكر شاهدلرك افاده لرى بيتنده كي مبايت دخى حل اولنديغنه و خانه خلقى طرفندن واقع اولان هجومك دفعى ضمننده استعمال سلاحه مجبور اولديغنه دائر اولان پنهيك افاده سي نظر دفته آلمديغنه و تطبيق قانونده اصابت بولنديغنه دائر اعتراضاتدن بحمله اعلام مذ كورك نقضى استدعا قلمشدر .

تدقيقات تميز به اجرا اولندوقده : كرچه متهم طرفندن محاكمه نك ختامى صروده سملرى بيان و بالجلب استماع اولنان جمائل و بهجت و قوعات كيجه سي خانه ايجروسنده « آمان نه ياپيورم براكك » يولنده سوز ايشتدكلرى خبر و يرمكده ايسه لرده اشبو افاده لرى صورت جريان محاكمه و قوعاته مخالف اولمىسيه نظراً ثم الندارك و صحابتدن منبعث اولدينى و ديكر شاهدلرك افاده لرنده مبايت بولنديغنى اعلامده محرر اولمىسيه مبنى لايحه تميز بده بوجهته دائر درميان اولنان اعتراضات بجبا كوريله مديكى كي هر نقدر تبليغنامه ده افعال مذ كوره نك وصف قانونىسيه دائر بيان رأى و مطالعه اولنديغندن و متهم بقال احمدك قدرى افندى يي قتل و لطفه يي جرح ايتمى متعاقب خان شو خاتونى دخى قتل ايتمى آخر برجنايتى بعد اجرا و قوعبولان و قانون جزانك يوز يتمش دردنجى ماده سنك فقره اخيره سنده كوستريلان تلف نفس قضيه سي قيبيلدن اولمديغنى حالده فقره مذ كوره يه تطبيق مجازات اولمىسيه مغاير قانون بولنديغندن بحمله اعلامك نقضى طلب اولمقده ايسه ده محكمه جه سالف الذكر جرح و قتل فعللرينك صورت و كيفيت و قوعندن و اسباب ثبوتيه سندن برتفصيل بحث ايلدكدن صوكره افعال مذ كوره نك فاعلى متهم مرقوم احمد اولدينى بيانيله مجرميته قرار اعطاسى عندالذا كره افعال مذ كوره نك وصف قانونىسنك نظر دفته آلمديغنى كو - ترمكده اولمىسيه و سياق تحقيقات و محاكمه دن منفهم اولديغنى وجهله متهم مرقوم احمد همشيره سي پنهيك خانه سنه كيدرك اوراده بالمنازعه مزبوره نك جرحنه قيسام ايتديكى صروده ممانعت ايدن مزبوره نك زوجى و كنديسنك انشته سي قدرى افندى يي جرح و قتل و استمداد ايدن قدرى افنديك او كي همشيره سي لطفه يي جرح ايلدكدن صوكره فراره شتاب ايدوب فرارينه ممانعت ايدن قدرى افنديك تيزه سي خان شو خاتونى دخى جرح و قتل ايتمش و مزبوره پنهيك جرحنه تشبهدن و لطفه نك جرحندن قطع النظر قدرى افندى و خان شو خاتونك قتلى عين زمان و عين مكانده و قوعبولش و برنجى قتلى بعد اجرا خان شو خاتونك ده قتلى فرارينه ممانعتله فرياد و استمداد ايدن مزبوره نك ممانعت واقعه سي دفع و رفع ايله قاچوب نچه قانوندن تخليص كريبان ايتمى مقصدينه مبتى بولنش اولمىسيه و بويه عين زمانده و عين مكانده يكديكريله مناسبتى اوله رق ايتماع ايديلان افعال قتليه

مرتکب کربسک حرکت لری ماده مذکورہ نك فقرہ اخیرہ سنہ تماس ایدہ چکی و افعال مذکورہ مختلف زمان و مکالمہ اسباب و مقاصد مختلفہ مبنی ایقاع ایدیلان و اجتماع جرائمین عبارت اولان افعال قتلہ مہ مقیس اولہ مہ جنی مثالو ماده مذکورہ کی « جنایت » تعبیری مطلق اولہ رق مذکور اولوب بوتعبیر افعال سائرہ جنائیه ایلہ اعظم جنایت اولان افعال قتلہ مہ شامل اولمسیلہ او جنایتدن مقصد قانونی قتل جرمندن بشقہ افعال جنائیه اولدینی حقندہ بر ذهاب حاصل اولہ مہ جقہ و الحاصل مرقوم احمدک انشہ سی قدری افندی بی بروجه محرر قتل ایلدکن صکرہ فریاد ایدن لطفیہ بی دہ جرح و فرارہ شتاب ایتکده ایکن ممانعت واستمداد ایلدن خانشو خاتونک ممانعتی رفع و فریاد واستمداد بی منع مقصد ایلہ مزبورہ بی قتل ایلش بولمسنہ کورہ محکمہ مذکورہ جہ مرقوم احمدک حرکتک مذکور یوز یمش دردنجی ماده نك صوک فقرہ سنہ توفیق ایدلمسنده اصابت کورلش و بنابرین لایحہ دہ بوجهت حقندہ درمیان اولان اعتراضہ تبلیغنامہ مندرجاتی غیر وارد بولمش اولدیغندن ردیلہ اعلام مذکورک تصدیقہ و یوز غروش اعلام خرچنک تحصیلہ و اصول محاکمات جزائیه قانوننک اوچیوز سکرنجی ماده سنده « محکمہ تمیز تمیزاً رؤیت ایلدیکی جنایات اعلاماتی تصدیق ایلدیکی حالہ مدعی عمومی تبلیغندن اوچ کون طرفندہ حکمی اجرا اولنور اعلامات مذکورہ دن اعدامہ دائر اولانلر قانون جزانک اون آلتنجی ماده سی موجبجہ ارادہ سنہ نك صدورندن صکرہ موقع اجرایہ قونیلور » و مذکور اون آلتنجی ماده دخی « اعدام جزا سنہ مستحق اولہ جق جانینک جنایتک نبوتی و حکمی حاوی بالاسی طغرای غمرا ایلہ موشج اولہ رق صادر اولان امر عالی اول امرده میدان سیاستہ علناً قرائت اولندجہ اول جانی قتل اولنار » دیو محرر اولدیغندن مادتین مذکور تین احکامنہ توفیقاً اشبو اعلامک عتبہ عالیای حضرت خلافتناهی بہ عرض و تقدیمہ ۲۸ کانون ثانی سنہ ۳۲۵ تاریخندہ اکثریتلہ قرار ویرلدی .

محکمہ تمیز جزا دائرہ سنندن صادر اولان ۲۳ ربیع الاول سنہ ۳۲۸ و ۲۲ مارت سنہ ۳۲۶ تاریخلی و بش یوز اوچ نومرولی اعلامک صورتیدر :

« قتلہ معاونت کیفیتک و شاهدلرک ماہیت شہادت لری ایلہ ضبط ورقہ سی معاونتی
مشعر اولان مندرجاتنک مجرمیت قرارندہ توضیح اولنماسی مسألزم نقضدر »

آپوستول لمبوسی قزی دسپانک کیفیت اخناقندن دولایی جنایتلہ اتهام اولنان مزبورہ نك والدہ سی ماریقو و پدری آپوستول و قردادشی خرمبولونک و جاہا و دیگر برادری فراری قسطنینک غیاباً جریان ایدن محاکمہ لری نتیجہ سنده فراری قسطنینک قانون جزانک یوز یمشجی ماده سنہ توفیقاً اعدامہ و خرمبولونک یوز یمش بشنجی ماده سنہ تطبیقاً اوچ سنہ مدتلہ کورک قونلسنہ و دیگر لرینک برائت لری نہ دائر ساقز سنجانگی محکمہ سی جزا

دائرہ سنندن ویریلوب ۲۸ تشرین اول سنہ ۳۲۵ تاریخندہ تہیمی اجرا قلنان قراری ناطق بش یوز طقسان سکز نومرولی اعلام و متقرعاتی باش مدعی عمومیلک مأموریت علیہ سنندن ۱۶ مارت سنہ ۳۲۷ تاریخلی و یوز قرق طقوز نومرولی تبلیغنامہ ایلہ محکمہ تمیز جزا دائرہ سنہ ارسال اولنقلہ اوراق موجودہ قرائت اولندی . حکم و جاہی جنایتدن طولایی تدقیقات تمیزہ اجرا اولندقدہ ؛ کرجہ تبلیغنامہ تصدیقی طلب اولنور ایدسہ دہ خرمبولونک قتلہ معاونتی کیفیت مجرمیت قرارندہ تصریح اولندینی کبی بوبادہ کی . شاهدلرک ماہیت شہادت لری ضبط ورقہ سنک مرقومک معاونتی مشعر اولان مندرجاتنک قرار مذکورہ درج توضیح اولنماسی موجب نقض اسباب قانونیہ دن اولدیغندن اصول محاکمات جزائیه قانوننک اوچ یوز اون دردنجی ماده سنہ توفیقاً حکم مذکورک نقضیلہ اوراقک محملہ اعادہ سنہ و ایکی یوز غروش اعلام خرچنک ایلرودہ حقسنر حقیقہ جق طرفندن تحصیلہ ۲۰ مارت سنہ ۳۲۶ تاریخندہ قرار ویرلدی .

محکمہ تمیز جزا دائرہ سنندن صادر اولان ۲۴ ربیع الاول سنہ ۳۲۸ و ۲۳ مارت سنہ ۳۲۶ تاریخلی ۵۲۲ نومرولی اعلامک صورتیدر :

« محکمہ تمیزک اسباب نقضیہ سی دائرہ سنندہ اکیال محاکمہ ایدلہ یہ رک ترجمہ دہ سہو
وقوع و ولدینی بیانیہ یالکیز نقاط معروضہ نك اکالیلہ اکتفا اولنمی نقض حکمی مسألزمدرہ »

جنین قصبہ سنندہ باغچوان یوسف بن صلاح الدینک خانہ سی قبوسنی اناختارلہ آچہ رق دخول و معلوم المقدار اشیاسنی سرقت ایلدیکی ادعا قلنمسنندن طولایی جنایتلہ اتهام اولنان قصبہ مذکورہ دن قوندرہ جی لطفی بن یوسف البرغوشک بالحاکمہ قانون جزانک ایکی یوز اوتوزنجی ماده سنک ذیلی دلالتیلہ ایکی یوز یکرمنجی ماده سنہ تطبیقاً اوچ سنہ مدتلہ کورک قونلسنہ دائر ویریلان اعلام تمیزاً بعض اسباب قانونیہ مبنی نقض ایلہ اوراتنک اعادہ قلنمسی اوزرینہ محکمہ مذکورہ جہ محاکمہ مباشرت اولندقدن صکرہ اعلام سابق بالمطالعہ اعلام سابق نقضی موجب اولدینی تمیز اعلامندہ کونستریلان نواقص اعلام مذکورہ تمامیلہ محرر اولدینی حالہ تعریفات قانونیہ دائرہ سنندہ ترجمہ ایدلماسی نقضنہ سببیت ویرمش اولدیغندن بحثلہ اعلام مذکورک اشبو محاکمہ ضبطنامہ سنندن بدء اصولی دائرہ سنندہ ترجمہ ایلہ اعادہ قلندیغنه دائر نابلس سنجانگی بدایت محکمہ سی جزا دائرہ سنندن اخیراً صادر اولان ۱۷ ایلول سنہ ۳۲۵ تاریخلی و ایکی یوز اوتوز طقوز نومرولی اعلام ایلہ اوراق متقرعہ سی باش مدعی عمومیلک مأموریت علیہ سنندن قضی طلبی حاوی ۱۷ مارت سنہ ۳۲۶ تاریخلی و یوز التمش درت نومرولی تبلیغنامہ ایلہ محکمہ تمیز جزا دائرہ سنہ ارسال اولنقلہ اوراق مذکورہ مطالعہ قلندی . مذکور تبلیغنامہ دہ ؛ محکمہ مذکورہ جہ اعلام سابقک نقض اولندینی نقطہ دن اعتباراً رؤیت دعوی تقرر ایدرک محاکمہ سابقہ ضبط و اعلامی مواجہہ طیفندہ قرائت و طرفینک صورت ادعا و مدافعہ لری استماع

قلندقدن صكره ختام محاكمه بالفهم نقضه سببیت ویرن احوالك اوليكی محاكمه ضبطنامه سنده نقصان اولديني مذکور ضبطنامه مطالعه سندن منقعه اولسيه كيفيت نقض انحق حکم اعلامك تعريقات قانونيه دائره سنده ترجمه ايدلماسندن نشئت ايتش اولديني جهته اشيو محاكمه ضبطنامه سندن بدء حکم اعلامي ترجمه ايديلهرك اوراق دعوانك محكمه تمیزه اعاده سنده قرار ویراش ايسهده اعلام منقوضی ویرن محكمه ك محكمه تمیز قرارينه قارشو اصرار ايتك ويا نقطه منقوضه دن بدأ ايله محاكمه اجرا ايتك خصوصاً لینه صلاحیت قانونيه سی بدیدار اولوب موجب نقض اولان اسباب قانونيه ك ولوسه وودن نشئت ايتش اولسيه بيله محاكمه تصحيح مقتضى و چونكه اولجه منقوض اولوب بوصورتله تصحيح اولنان اعلامك محكمه تمیزجه تكرار تدقيقه مساع قانونی اولمديغندن واتخاذ اولنان قرار وجهله اصول محاكمات جزائیه قانونك اوچوز قرقچی ماده سنك فقره اخيره سی صراحتی دائره سنده نقطه منقوضه دن بدء محاكمه ك تكرار رؤیت اصولاً لابد ايكن ذكر اولنان نابلس بدایت محكمه سنك نقساط منقوضه نی تصحيحاً اكال ايدرك اوراقك محكمه تمیزه تودیبی لزومنه دائر ویردیكى قرارك مخالف قانون اولديغندن بئله اعلام اخير مذکورك دخی نقضی طلب اولمشدر .

تدقیقات تمیزیه اجرا اولندقدن : موجب نقض اولان اسباب و نواقص ولوسه وودن نشئت ايتش اولسيه بيله نقطه منقوضه دن بدء محاكمه ك تكرار رؤیت اصولاً مقتضى اولوب يوقسه بيله سهو ترجمه اولديني بيان ايديلهرك تصحيح ترجمه ايله اعلام منقوضك تكرار محكمه تمیزه كوندرلسی بر وجهله جواز قانونی به مقارن اوله ميه بئندن اوليكی اسباب نقضیه دائره سنده اكال محاكمه ايدلك اوزره اصول محاكمات جزائیه قانونك اوچوز اون دردیجی ماده سنده توفیقاً اعلام اخير مذکورك بر موجب تبليغنامه نقضیه اوراقك محله اعاده سنده وایکوز غروش اعلام خرچنك ایلروده حقسز چيقه جق طرفدن تحصیانه ۲۰ مارت سنه ۳۲۶ تاریخنده قرار ویرلدی .

محكمه تمیز جزا دائره سندن صادر اولان ۲۴ ربیع الاول سنه ۳۲۸ و ۲۳ مارت سنه ۳۲۶ تاریخلی و ۵۱۰ نومرولی اعلامك صورتیدر :

« يالکیز اوطة قیوسنك آلت مخصوصه ايله آچلمی فعل سرقك جنایت درجه سنده

عدیني استلزام ایدمه بیکنه و فرضیات واحتمالات اسباب ثبوتیه دن معدود

اوله ميه جفته دائر »

پرزرینك ترجمان اسکندر محله سندن حق بن داودك خانه سنده بالدخول روولورینی اخذ و سرققت ایتدیكى ادعایله جنایتله متهم محله مذکورده دن حافظ ابراهیم اوغلی عثمان و مذکور روولوری صائم سندن دولای كذلک جنایتله اتهام اولنان سر ارجخانه محله سندن خلاج عیسانك اوغلی رجب و جنجه درجه سنده لزوم محاكمه

لرینه قرار ویریلان کیراجی بیرام بن عبدل و الیاس بن عایشانك اجرا قلنان محاكمه لری نتیجه سنده رجبك قانون جزا ك ایکی یوز اوتوزنجی ماده سی علاوه سنك فقره ثانیه سی دلائله ایکی یوز یکرمنجی ماده سنده تطبیقاً اوچ سنه مدته کورک قوتلنسه و عثمانك حین ایقاع جرمدن نابالغ مراهق بولمسی حسیله قانون مذکورك قرقچی ماده سی دلائله مذکور ماده یه توفیقاً مستحق اولديني اوچ سنه کورک جزا سنك ثلثی بولنان برسنه مدته حبسنه و بش سنه ضبطیه نك رؤیتی الته النسنه و بیرام ايله الیاسك ده برر هفته مدته حبسلرینه دائر پرزرین سنجای بدایت محكمه سی جزا دائره سندن صادر اولان ۲۳ کانون ثانی ۳۲۵ تاریخلی و درت یوز طقسان یدی نومرولی اعلامك تمیزاً تدقیقی مستدعی محكمه مذکور مدعی عمومی معاونلکندن معطی استدا نامه و اوراق سائر دعوی باش مدعی عمومیلک مأموریت علیه سندن ۱۵ مارت سنه ۳۲۶ تاریخلی و یوز قرق ایکی نومرولی تبليغنامه ايله محكمه تمیز جزا دائره سنده ارسال قلنمش و مذکور استدا نامه ك مدت قانونیه سی ظرفده ویرلدیكى ا كلاشیلهرق قبول ایدلش اولمغله اوراق مذکور مطالعه قلندی .

مذکور معاونلکك استدا نامه سنده ؛ متهملردن رجبك محكمه جه ثابت اولان حرکتی روولورك الدن چیقارلسی خصوصنده سارق مرقوم عثمانه معاونت ایلنندن عبارت اولمسنه نظراً قانون جزا ك ایکی یوز اوتوزنجی ماده سی ذیلی موجبجه معاونت و يتاقلق فعلی سارقك کورک جزا سنه مستحق اولديني بيلمك و معاونتی سرققت فعلی تسهيله عائد و يتاقلقی دخی سارقه بارینه جق و صافلانہ جق یرکوسترمك صورتيله واقع اولسی مشروط اولديني حالده رجبك سارق عثمانك بو سرققتی کورک جزا سنی استلزام ایدمه جك وجهله ایقاع ایتدیکنی بیلدیکنه و فعل سرققتی تسهيله عائد معاونتی اولديغنه دائر بر کونا دلیل و اخبار اولديني کبی مال مسروق صرف و استهلاک معاونت ایتسی دخی يتاقلق فعلندن معدود اوله ميه جفتی بدیهی ايکن متهم مرقومك فقره مزبوره حکمنه توفیقاً تجزیه ایدلسی و جنحه مظنونلردن الیاسك مذکور روولوری ایکی فرانسزالتونی مقابلنده رهن الدینی اخبار اولديني حالده متهم رجبك افاده سنده بناءً بونك صائش اولديني صورتی قبول و بوصورته کوره ایراد دلائل ايله بو روولورك مال مسروق اولديغنی بیلدیکنه حکم اولمسی و بیرامك ايسه ذاتاً روولوری المدیني تحقیقات جاریه دن مستبان اولمش ايکن الیاس ايله شريك تهمت عد ایدلسی مخالف قانون اولديغندن بئله اعلامك مرقوموندن رجب و الیاس و بیرامه عائد اولان حکمنك نقضی استدا قلنمشدر . مرقوموندن رجب طرفدن ویریلان لایحه تمیزیه ده ؛ عثمانه يتاقلق و معاونتده بولنديغنه دائر حقنده بر کونا اخبار موجود اولديني حالده مرقومك حال و صفاتی بيلهرك معاونت و يتاقلقده بولنديغنه حکم ایدلدیکندن و وکیلک مدافعاتی اسباب موجب درمیان اولنقسزین رد ایدلدیکندن بئله اعلامك نقضی استدا قلنمشدر .

تبليغنامه ده دخی ؛ بونلردن عثمان حقنده کی حکمده موجب اعتراض بر حال کوريله مدیکندن اعلامك بوکا عائد جهت حکمیه سنك تصدیق و فقط رجبك مسروق روولورك صائلسنه ویا ترهینه دلالت ايتك صورتيله

فعل سرقتك تماميتندن صكره واقع اولان حر كتنك سارقك حال و صفتي بيلهرك اولديغنه و بيرام ايله الياسك دخي روولوري مسروق ايدوكني بيلهرك آلدقلىنه دائر اعلامده كوستريلان اسباب دلائل قانونيه دن اوليويوب فرضيات و ظيانتدن عبارت بولنديني جهته ذكراولنان تميزلايحه لرنده بورالر دائر درميان اولنان اعتراضات وارد و بجا كورلديكي بيانيله اعلامك نقضى طلب ايدلشدر .

حكم جنائى ايله حكم مجرمين بھدن دولايي تدقيقات تميز به اجرا اولندقدہ : هر نه قدر تبليغنامه ده عثمانه عائد اولان حكمك تصديقي طلب اوليور ايسه ده مرقومك فعل سرقى ايقاع ايجون محل سرقته صورت دخولنه دائر اولوب نوع جرمي تعينه مدار صاييلان افاده مضبوطه استنطاقيه سنده ديوار دلديكي ويا نردباله اشديني ويا خانه ده دخوله مخصوص قپوي الت مخصوصه ايله آجديني مذكور بولنديغنه و كشف ورقه سنده بيان اولنان او طه قپوسنك اناختارله اچيلديني ثابت بيله فرض اولنسه يالكيز بو كيفيت نوع فعلك جنائيت درجه سني استلزام ايدهميه جكسه بام جهت تطليقده اصابت كوريله مدديكي كبي رجبك سارقك حال و صفتي بيلهرك معاواننده بولنديغنه و بيرام ايله الياسك دخي مال مسروق بيلهرك الديغنه دائر مجرميت قرارنده دلائل ثبوتيه و قانونيه دن اوله رق ذكر اولنان اسبابك فرضياتدن عبارت اولمسي نقضى مستلزم اسباب قانونيه دن بولنش ولايحه تميزيه لر مندرجاتي ايله بو جهته متدائر اوله رق تبليغنامه ده سرد اولان اعتراضات دخي وارد كورلش اولديغندن اصول محاكمات جزائيه قانونك اوچيوز اون دردنجي و اوچيوز اون طقوزنجي ماده لرينه توفيقاً اعلام مذكورك تفضيله اوراقك محله اعاده سنه و ايكيوز غروش اعلام خرجك ايلروده حقسز حقيقه جق طرفدن تحصيلانه ۱۷ مارت سنه ۳۲۶ تاريخنده قرار ويرلدى .

محكمة تميز جزا دائره سنندن صادر اولان ۲۸ مارت سنه ۳۲۶ تاريخلى ۵۵۹ نومرولى اعلامك صورتيدر:

« قانون جزائك ايكيوز يكر منجي ماده سنده مذكور قپودن مقصد بر بنانك خارج قپوسي اولديغنه و داخلي قپولرك اچلمسي جرمك مال مذكورده توافقي موجب اوله بيله جكسه و قپو كليدينك آلت مخصوصه ايله آجلدينك نه صورتهلا كلاشلايدنك لزوم تصرينه دائر »

قره ولى اوغلى قوندره جي عبداللهك خانه سنه اناختار تقايديله ايجرييه باله خول قوندره لريني سرقه ايتديكي ادعا قلمسندن دولايي جنايتله اتهام اولنان بوستانجي حسين بشه اوغلى مصطفى و مل مسروق بيلهرك الديني ادعاسيله جنحه ايله مظنون بولنان اسكي جي عثمان اوغلى توفيقك اجرا قلنان محاكمه لرنده بولردن مصطفىانك قانون جزائك ايكيوز يكر منجي و مكر رايكي حسييله قانون مذكورك سكزنجي ماده لرينه توفيقاً مستحق اولديني اوچ سنه نك ايكي قاتى اوله رق آلتى سنه مدته كوركه قونلنسه و جنحه مظنوني توفيقك برائته دائر سيواس ولايتي استيناف محكمه سي جزا دائره سنندن ويريلان ۲۸ شباط سنه ۳۲۵ تاريخ و اوچيوز طقسان

يلى نومرولى اعلام ايله اوراق عاذه سي باش مدعي عمومليك مأموريت عليه سنندن ۳۰ مارت سنه ۳۲۶ تاريخ و ايكيوز يكر مني اوچ نومرولى تبليغنامه ايله محكمه تميز جزا دائره سنه كوندرللكه مطالعه قاندى . حكم جنائيدن دولايي تدقيقات تميز به اجرا اولندقدہ ؛ كرجه تبليغنامه ده حكم مذكورك تصديقي طلب اولندقدہ ايسه ده اعلام مذكورده مالى مندرج ۲ ايلول سنه ۳۲۵ تاريخلى كشف ورقه سنده خانه نك سسوق قپوسي دائمي صورته اچيق اولوب حويلده بولنان آخور قپوسي كليدينك بر آلت ايله آچيلوب اوست قانده كي او طيه دخول ايديلهرك دولاب دروننده كي قوندره لك سرقه ايدلديكي كوسترلمش ايسه ده مذكور آخور قپوسي كليدينك آلت ايله آجلدينك نه صورتهلا كلاشلايدني كوسترلمكدن بشقه بونك ثبوتى حالنده دخي قانون جزائك ايكيوز يكر منجي ماده سنده مذكور قپودن مقصد بر بنانك خارج قپوسي اولوب بويله داخلي قپولرك اول صورتهلا اچلمسي جرمك ماده مذكورده توافقي موجب اوله ميه جكسه و خانه نك خارج قپوسنك صورت دائمه ده اچيق بولنديني كشفنامه ده محرر اولنسه كوره مقيم مصطفىانك حر كتنك مذكور ايكيوز يكر منجي ماده ميه توفيقده اصابت بولنديغندن اصول محاكمات جزائيه قانونك اوچيوز اون دردنجي ماده سنه توفيقاً حكم مذكورك تفضيله اوراقك محله اعاده سنه و ايكيوز غروش اعلام خرجك ايلريده حقسز حقيقه جق طرفدن تحصيلانه ۲۱ مارت سنه ۳۲۶ تاريخنده قرار ويرلدى . ۲۸ مارت ۳۲۶

محكمة تميز جزا دائره سنندن صادر اولان ۳۰ مارت ۳۲۶ تاريخلى ۵۹۶ نومرولى اعلامك صورتيدر:

« فعل قلك مدافعه نفس بونده ايقاع ايدليكنه دائر وكيل مدافع طرفندن درميان اولنان مدافعه نك اسباب ردیه سنك مجرميت قرارنده كوسترلامسي واولبايده تعميق تحقيقاتدن ذھول ايدلسي نقض حكمي مستلزم اولديغنه دائر »

مصطفانك كيفيت جرح و قتلندن طولايي جنايتله اتهام اولنان شريف بن ابراهيمك بالحاكمه قانون جزائك يوز يتمش دردنجي ماده سي فقره اوليسنه توفيقاً اون بش سنه مدته كوركه قونلنسه دائر ارضروم ولايتي استيناف محكمه سي جزا دائره سنندن صادر اولان ۷ مارت سنه ۳۲۶ تاريخلى والتى نومرولى اعلام ايله متفرعاتي باش مدعي عمومليك مأموريت عليه سنندن تصديقي طلبني متضمن ۲۶ مارت سنه ۳۲۶ تاريخلى و ايكيوز يتمش درت نومرولى تبليغنامه ايله محكمه تميز جزا دائره سنه ارسال اولندقه اوراق دعوى به مطالعه تدقيقات تميز به اجرا اولندقدہ ؛ هر نه قدر تبليغنامه ده تصديقي طلب اوليور ايسه ده اعلامك دردنجي حقيقه سي كنارينه يازيلان عبارتهك معاملت تصديقيه سي اجرا اولنديني كبي فعل قلك مدافعه نفس بولنده ايقاع ايدلديكي حقيقه كي وكيل مدافعك مدافعه سنك اسباب ردیه سي مجرميت قرارنده كوسترلامسي و مقيم شريف طرفندن عقيب جرمده وقوعي پوليس عزت و ابراهيم افنديل طرفندن مع القسم خبر ويريلان اقراري مقتول مصطفى قپوسننه كلهرك كندوسننه شتم ايله طيشسارو حيقه ساروب خلاط ايله ضرب ايدلديكي جهتهلا

کندوسی ده بجاقله مصطفای جرح ایلدیکنه متدائر اولوب وقعه یی عن رؤب اخبار ایدن شسا کورک دخی مصطفانک خلط ايله مهمی ضرب ایتسی اوزرینه متهم شریف ده « یتر اولدی می » دهرک مصطفای بجاقله جرح ایلدیکنی سوبلیدی و متهم مرقومک معاینه سنی حاوی راپورده دخی صول قولی بازوسنده آلت رخنیه دن متحصل کده ايله یوزنده والی اوزرنده طیرناق یازدری بولندیغی کوسه تریلیدی حالده فعل قتلک مقابله ایقاعی نظره آلنهرق تدقیقاتک تعمیق و محاکمه اجرایی ايله حاصل اوله جق نتیجه یه کوره برقرار اعطاسی لوازم قانونیه و مقتضیات معدلتن ایکن بوجهتدن ده ذهول اولنسی مستلزم نقض اسباب قانونیه دن اولغله اصول محاکمات جزائییه قانوننک اوجیوز اون دردنجی ماده سنه توفیقاً اعلام مزبورک تفضیله اوراقتک محله اعاده سنه وایکیوز غروش اعلام خرجنک ایلورده حقسنر چیه جق طرفدن تحصیلنه ۲۸ مارت سنه ۳۲۶ تاریخنده قرار ویرلدی .

محکمه تمیز حقوق دائره سندن صادر اولان ۹ ربیع الاول سنه ۳۲۸ و ۸ مارت سنه ۳۲۶ تاریخ و ۴۸ نومرولی اعلام صورتیدر :

« شهر امانتک اشعاری اوزرینه دائره بلدییه نامنه بهر دقیق چوالندن اوزر پاره اخذله ایراد قید اولنسی مساع قانونیه مستند اولمادیغندن مبلغ مدعا بک دائره مذ کورده دن بالتحصیل مدعی به اعطاسی حقنکه کی اعلام ابتدائینک تصدیقنه دائر »

اون بشتنجی دائره بلدییه ايله بکقوزده اون اوج نومرولی فرونده ساکن اتمکچی کیغورق بشتنده متحدث دعوايه دائر اسکدار بدایت محکمه سندن ۲۲ کانون اول سنه ۳۲۵ تاریخ و بیک ایکی یوز قرق بر عددی ايله ویریلان اعلام مدت قانونیه سی ظرفنده دائره مذ کوره رئیس سامی بک طرفندن تمیز ایلدیکله باش مدعی عمومیک مأموریتنک مطالعه نامه سی آلنهرق طرفینک اعتراض و جواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مذ کورک خلاصه مندرجاتی : مرقوم کیغورق بکقوز پاشا لیمانی دکرمنندن مبايعه وفرونده نقل ایلدیکی دقیق چواللرینک رضاسیله وزن ایلدیکی جهته رسمه تابع اولمادیغی حالده بهر چوالندن اوزر پاره اولق اوزره مجیدیه اون طقوز حسابیله جمعا طقسان اوج غروشک دائره مذ کوره قطار مأمورلری طرفندن خلاف نظام کندوسندن اخذ ایلدیکندن بخله مبلغ مذ کورک دائره مزبورده دن استرداداً تحصیللی طلب ودعوی ایتسنه قارشو مدعی علیه سامی بک دخی شهر امانتندن وارد اولان تحریراته استناداً بهر چوالندن اوزر پاره اخذ و ایراد قید اولغنده اولدیغی و آلان اوزر پاره قطار رسمی اولمادیغی بالیان مدعینک ادعاسنک ردینی افاده و تذکار و مذکور تحریراتی ابراز و اظهار ایلسی اوزرینه محکمه به جریان ایدن محاکمه و تدقیقات نتیجه سنده فرونجیلرک استهلاک ایتدکاری دقیق چواللرندن بلدییه نامنه اوزر پاره اخذ ایلدسنه دائر بر قانون

موجود اولدیغی حالده ارساله دائر یازیلان تذکره جواباً کوندریلان ورقه لر بلاوزن بهر چوالدن اوزر پاره اخذ ایلدسنی موجب حکم قانونی بولمادیغنه مبنی رئیس موسی الیهک مدافعه واقعه سنک ردیله خلاف قانون الدیغی تحققی ایدن مدعا به طقسان اوج غروشک دائره مذ کورده دن بالتحصیل مدعی کیغورقه اعطاسنه و اجرای موقت طلبنک ردینه حکمندن و مستدعی تمیزک اشبو حکم علیه نه لایحه سنده محرر خلاصه اعتراضاتی رسم مذ کورده دن متولد دعاوینک مرجع رؤیتی محاکم ملکیه اولدیغی حالده محکمه به حقوق عادییه قیلندن عدلیه خلاف قانون محاکم نظامیه به رؤیت و حکم ایلدسی و رسوم مزبورده نک تعامله مستند اولغله برابر خبازان جمعیتنک قرارینه و باب عالینک تصدیقنه افتران ایتش و قطار رسمی اولمادیغی دخی شهر امانتندن مورود جوابنامه ايله تأید ایتش اولدیغی حالده بونک نظر اعتباره النامی و ویریلان حکمک بر ماده قانونیه یه توفیق ایلدیه سی یولسز و مغایر قانون اولدیغندن بخله اعلامک نقضی و لایحه جوابیه مؤداسی دخی سرداولان اعتراضاتک غیر وارد اولدیغی بیانیله ردی و موافق اصول و قانون اولان اعلام مذ کورک تصدیقی و مطالعه نامه مندرجاتی دخی اعلامده مندرج اسباب موجب قانونیه یه نظراً لایحه تمیزیه درمیان اولان اعتراضاتک وارد اولمادیغی بیاندن عبارت بولمشددر .

ایجابی مذاکره اولندقدنه : تمیزی طلب اولان اعلام مذ کورک نتیجه سی مفادی دائره مذ کورجه مرقوم کیغورق وزن ایلدیکسزین نقل ایتدیردیکی چواللرک بهرندن رسم اولهرق اوزر پاره دن جمعا طقسان اوج غروش رسم النش ایتسه دن سبق ایدن اشعار اوزرینه کوندریلان ورقه لر قانون حکم و قوتی حائر اولمادیغنه مبنی مبلغ مذ کورک دائره بلدییه دن بالاسترداد مدعی کیغورقه اعطاسنه حکمندن عبارت اولسنه و اشخاص ايله دوائر رسمیه بشتنده متکون بوکی دعاوینک رؤیتی محاکم عمومیه یه عائد اولغله برابر بر قانونه مستند اولدیغنه ویرکو و رسومات نامیه و نام آخرله هیچ کسندن اچه اخذی حائر اولمیه جغه کوره حکم مذ کور اسباب موجبیه مستند اصول و قانونه موافق اولوب مستدعی تمیزک بالاده محرر اعتراضاتیه لایحه سنده مندرج سائر اعتراضاتی نقض حکمی موجب اولمادیغنه مبنی اعتراضات مذ کورده نک ردیله اصول محاکمه حقوقیه قانوننک اکیوز قرق ایکنجی ماده سنک فقره ثانییه سی حکمنه توفیقاً اعلام مذ کورک تصدیقنه و محکوم به اکیوز الی غروشندن دون بولنسی جهته خرج تعرفه سنک ماده معدله سی حکمنه توفیقاً رسوم تمیزیه دن مستثنا بولنغله یالکیز پول بهاسی و خدمه اجریتی اولهرق تمیز علیه طرفندن ایضا اولان یکریمی بر غروش مصارف تمیزیه نک مستدعی تمیز دائره مذ کوره یه عائد اولسنه ۸ شباط سنه ۳۲۵ تاریخنده متفقاً قرار ویرلدی .

سلانیک استیناف محکمه سندن صادر اولان ۱۹ نisan سنه ۳۲۴ تاریخ و ۹ نومرولی اعلام اوزرینه محکمه تمیز حقوق دائره سندن صادر اولان قرار صورتیدر :

« مفتود اولان شخصک وفاتنک اعلام شرعی اثبات اولنسی لزومه دائر »

سلانیکده اسحق پاشا محله سنده مقیم بکر صدق بک ايله مالیه نظارت جلیله سی بشتنده متحدث دعوايه دائر

ولايت مذكوره استيفاء محكمه سندن ۱۹ نيسان سنه ۳۲۴ تاريخي و ۶ عددی ايله ويريلان اعلامك مومى اليه بكر بلك مخدومى اولديغنه وپدرى مومى اليه بكر بلك وفات ايتديكنه دائر محله دن برقطه علم و خبر اخذ و ابراز ايله بر صورتى استحصال ايدن حسين بك طرفدن تميزى استدعا اولغوش ايسه ده مستدعينك مورثى بكر صدق بلك هنوز وفاتى تحقق ايتماش اولمسه نظراً مستدعينك مورثى متوفى مقامه قائم اوله رق حق تميزى بولمدينى و كچه مورث معركه كى محل تهاكده غائب اولدينى تقديرده مدت معينه ظرفنده عودت ايتديكى حالده و فائيله حكم اولغوش ايجاب ايدر ايسه ده بصورت علم و خبرله ثابت اولمايوب محكمه شرعيه دن و يريله جك اعلام شرعى به متوقف بولنديغنه بناءً هنوز تميز دعوايه حق اوله ميان مستدعى مومى اليه كى اولبايده كى تميز استدعاسنك ردينه وزيرده مفردانى مرقم يوز التمش سكرتير بچق غروش مصارف تميزيه نك مستدعى تميزه عائد اولمسه ۲۵ كانون ثانى سنه ۳۲۵ تاريخنده متفقاً قرار و يرلدى .

اونيون سيفورطه قومپانيه سنك محكومتى

آئنده وقوعبولان حريقدن خسارديده اولان سيفورطه لى مبانينك بدلى تأديه دن امتناع ايتمى سندن طولانى درت آيدنبرى عليه آئنده ارمنى كليساسى عقاراتى نامنه كليكياتوقغيقوسى طرفدن وكاله و كلاى دعاويدن كاتيبان ، حمايق خسرويان ، روپن پاپاسيان افنديلر ايله اونيون قومپانيه سى طرفدن موسيو باروچى ، موسيو توزه حاضر اولدقلى حالده برنجى محكمه تجارته جريان ايدن محاكمه نتيجه سنده قومپانيه جه حريقه قارشو سيفورطه ايديان مبانينك حريق وقوعيله محترق اولدينى اجرا قلنان محاكمات نتيجه سنده تحقق ايتديكندن قومپانيه نك مسئوليتنه دائر اتخاذ اولنان قرار صورتيدر :

جريان ايدن محاكماتدن و طرفينك افاداسندن ، قومپانيه و كيللارى طرفدن ميرز اوراق مؤداسسندن اكلاشليدينى وجهله اونيون قومپانيه سنك عقد ايتديكى سيفورطه لر ابتدائى امرده بر حقيقه سى سيفورطه ايتديرن و ديكر حقيقه سى سيفورطه قومپانيه سى مديرى جانبندن مضى برقطه تكليفنامه و برده تأديه ايديان سيفورطه اجرقتى مقابلنده قومپانيه و كيل طرفندن ويريلن بر مقبوض علم و خبرينك تعاطيسيله بالانعقاد تمام اولمده بولمسه واشبو مسئله منازع فيها ايچون قومپانيه و كيللارى طرفندن دخى آئنه ارمنى ماتى كليسا مجلسنك مهربله مهور و مرخصه سى امضاسيله مضى و قومپانيه مديرى جانبندن و يژه ايدلمش بر تكليفنامه ابراز واره قلمش اولمسه و عقد واقعه قومپانيه نك پاره و ير مى حريق وقوعنه متوقف اولدينى جهته حريق تهلكه سى ايله باره نك معقود عليه اولق اعتباريله بر برينه متصل بولملىرینه و اساساً بوجهت تكليفنامه ده مرقم قروكينك بالاسنده مطبوع (تأمين ايديلن تهلكه نك خريطه سى) سرلوحه سيله قومپانيه طرفندن معترف اولمسه ، مذكود

تكليفنامه ده حريق تهلكه سى تفصيلاتيله تعيين واره و تهلكه عموميه و متصله و مجاوره دن بحث اولغوش و سيفورطه ايتديرن نك احوال شخصيه و معنويه و حقوق تصرفيه سنه متعلق اسئله مقتضيه ايراد ايدلمش ؛ و الحاصل حريق تهلكه سى حقنده هر درلو قيد و صراحتلر درج قلمش ، حتى تأمين ايديلن تهلكه نك برقطه قروكيلى تنظيم ايدلمش ايكن اشبو تكليفنامه ده (نموت) كى قومپانيه نك معافيتى ايجاب ايتديره جك هيچ بر قيد استثنائى تصریح ايدلماش اولمسه ، و كچه قومپانيه و كيللارى جانبندن محكمه به ابراز اولسان مقبوض و علم خبرى نمونه سندن سيفورطه نك اوتوز كون ايچون معتبر اولدينى ، اوتوز كون كچوب ده سيفورطه اولنان كيمسه به قطعى بر پوليس تسليم ايدلمزسه مذكور سيفورطه نك دوام ايدمه جيكي مذكور ايسه ده « مادامكه اوتوز كونده بر پوليس تسليم اولمشدر » اولكى عقدك دوام ايتمى بك بديهى اولمسه ، و اساساً مقبوض علم و خبرنده كى اشبو قيد استانبولده بولان مديرك مدت مذكوره طرفنده سيفورطه يى فسخ و يا تصديقه صلاحيتى تبين ايلك مقصديله درج ايدلمش اوله رق بشقه بر مغايه حلى ممكن اولماسنه ، و قيد مذكوردن « اوتوز كون طرفنده حريق واقع اولسه يدي قومپانيه نك تكليفنامه احكامى دائر سنده سيفورطه بدلى اعطاده ترمذ ايتمه كى » معناسنك استخراجى طبعى اوله رق بو جهت قومپانيه و كيل طرفندن دخى معترف بولمسه و مقبوض علم و خبرى نمونه سنده كى « قومپانيه آتیده تسليم ايديله جك پوليسه كوره سيفورطه ايلر » فقره سنه كلنجه : اسباب و تفصيلات مسروددن مستبان اولدينى وجهله اصل عقد و معقود عليه مندرجاتى سيفورطه ايتديرن طرفه معلوم و معين اولان تكليفنامه موجبجه تقرر و تعين ايتش اولوب مبهم و مجهول و مشكوك بولان فقره مذكوره اولسه اولسه سيفورطه ايتديرنجه يا نغين وقوعنده تهلكه يى تخفيف وازاله به چالشمق و حريقدن صكره بر مدت معينه طرفنده قومپانيه به اخبار كيفيت ايلك و حريقك صورت وقوعنه دائر حكومتدن بر راپور استحصال ايتك ، كى تدابير عطف اولنه بيلوب يوقسه حين عقدده مذكور و مشروط اوليان و معقود عليه اسانه تعلق ايدن شرائطك تحويل و تغييرينى مستلزم اولان اختلافات و سائر اسباب معافيتك يكي پوليسه درج و علاوه ايديله جكنه دائر بر فكر حاصل ايلدى مستحيل اولمسه ، اوتوز كون صكره سيفورطه ايتديرن طرفه تسليم اولنه جق پوليسه معقود عليه كى اساسى تغيير ايديله جك شرائط درج اولندينى حالده بر عقد ثانى تجلى ايدرك اشبو عقدك حصولى يالگىز قومپانيه نك ايجابى دكل سيفورطه ايتديرن طرفك رضا و قبولنك ده انضمام و التحاق ايله ممكن اوله بيله جكنه و حال بوكه سيفورطه ايتديرن طرفك شرائط منضمه يى قبول ايدليكسه دائر بولمسه بر امضاسى موجود بولماسنه و پوليسك ورود و تسليميله سيفورطه ايتديرن طرفك سكوتندن اولكى عقد ايله اكتساب اولنان حقوقى اخلاص ايديله جك بر قبول و اقرار معناسنى استخراج و ساكنه بر سوز اسناد اولنه ميه جغه بناءً عقدك اولكى تكليفنامه و مقبوض علم و خبرينك اعطاسى زماننده انعقاد ايتديكى وجهله دوام ايتمى اساسات قانونيه به موافق كورلمش و بناءً عليه پوليسك اون ايكنجى ماده سنده محرر « نموت » و سائر قيود و شرائطك سيفورطه ايتديرن حقنده وارد

کورلماسنه و بونک عکسی تصور اولنسه بيله کرچه سیغورطه قومپانيه سنه کوره سیغورطه به مقابل آلان اجرت سیغورطه مقاوله سنک جاری اوله جنی محللرده کی حیات طبیعیه نك بقا و دوامنه تابع بولان استاتستیکلره مستند احتمالات اوزرینه تأسیس اولنش ايسه ده سیغورطه مقاوله سنک حین انعقادنده قومپانيه نك منفعتی تأمین ایچون تعیین ایتمی لازم کان قیود و معافیت واستثنای صورت صریحه و قطعیده تعیین و بیان ایتک مجبوریتک قومپانيه ایچون انکار اولنه میجغه ، بو ماهیتده کی قیودک احترازی اولمری و بناء علیه منحصرأ مطمح نظرلری اولان احوال دن بشقه سنه تعلق ایدمه جکاری درکار اولمنه بناء بونلرک توسیعی و تفرعانه قیاس طریقله تعین کیتمی حاکم ایچون قابل اولماسنه و قومپانيه طرفندن اوک و ورلن قید معافیتک قیمتی تقدیر ایچون « نه موت » کله سنک دائره وسعتی تحری ایلک اقتضا ایلنه منی بو مقصدله دیگر قومایس و الغا تندن صرف نظرله فرانسه انجمن دانشی قاموسنک « نه موت » کله سی حقنده کی تعریفی قبول ایتک طبیعی و حتی الزم اولمنه و قاموس مذکورده نه موت « قدرت مؤسسه به قارشو وقوع بولان حرکت » ديه تعریف اولمنه و بو تعریفدن عمومی اولان (تروبل ، موومان پوپلر) تعبیرلرینه مقابل « نه موت » کله سنه جنس اوله رق آنجق قدرت مؤسسه به قارشو بر حرکت معنای ویرلمی و ایجابات حاله کوره عمل سنه نظر آفندینک و طلبه به قارشو معلمین و یا مبصرلرک شخصنده تمثیل ایلین قدرته قارشو وقوعه کلان حرکتک نه موت ديه تعلق اولنسی لازم کله جکینه و بناء علیه اخیراً پارسده و دیگر محللرده مکاتب طبیه و حقوق طلبه سنک معلملری و شیخ المعلمین اولان موسیو قان علیهنده کی حرکتلری بر « نه موت » تشکیل ایلنه جکینه و برده بو طلبه پاتردیلری اثناسنده برای تشکیل و حکومت مداخله ایتدیکی حاله بيله ینه بو حرکتلره « نه موت » تسمیه اولمنه و اشبو سلسله افکاره نظراً اهالی قارغه شه لغنده قدرت مؤسسه ، مأمورین ملکیه و عسکریه ده تمثیل و تشخیص ایتمی لازم کله جکینه و طرفینک اعتراضلرینه نظراً آئنده اهالی طرفندن مأمورین ملکیه و عسکریه به قارشو هیچ بر حرکت وقوعه کلامسنه و مطالعات سابقه دن مستنبان اولدینی وجهله مدافعه و کیللی (نه موت) حدوشنده ینه مقابله یی انتاج ایتمی قابل اولان نه موتله آئنه حادثه سنی بر برینه قاریشیدرملرینه و آئنده وقوعه کان متاتلات و احراق و یغما فعللری بالذات نه موت تشکیل ایتوب شو قدرکه بر نه موت نتیجه سی اوله رق حادث اولمی قابل اولمنه و بناء علیه سبب ایله نتیجه یی و اثرله مؤثری بر برینه قاریشیدر مق جائز اولمه جغه وزیراً آئنه وقایع مؤسسه سی اهالینک حکومت مؤسسه به قارشو حرکتیه ظهور یافته اوله بيله جکی کبی حکومتک یبانی قالدینی بر سبيله دخی حادث اوله بيله جکینه ، اهالیدن برجم غفیرک شخصنه تعرض و املاکتی یغما و غارات ایلک فعلی تشکیل نقطه نظرندن قانون جزانک کمال شدله حرکت ایتمی و اشبو فعلی اشخاص علیهنده فرداً ایقاع ایدیلن جزیات و جنجهلردن شدید اوله رق جزانیدر مسندن برجم غفیره توجه ایدن جرائدن قدرت مؤسسه به قارشو بر حرکت عد اولنسی قابل اولمه جغه ، زیرا بو فرضیه قبول اولنسه ایدی حکومتک منع ایتدیکی افعال جرمیه یی ایقاع ایلک محضاً بو فعللری حکومتک منع ایتمی حسیله

نه موت تلقی ایلک لازم کلوب بو فرضیه نك ندرجه لرده عبث اولدینی ظاهر اولمنه ، و نه موت تعبیرینک قدرت مؤسسه به قارشو بر حرکت اولدینی طرفینک تحت تصدیقنده اوله رق نه موت وجوده کک ایچون اشبو فعلی وجوده کترین افعاله برجم غفیر علیهنده ایقاع اولان جرائم و شدانک تقدم و یا اشتراك ایتمی و یا تعقیب ایتمی مقتضی اولماسنه و جم غفیر علیهنده کی جرائم منحصرأ وبالذات نه موتی تشکیل ایدمه جکینه و معلومات متوسطه صاحبی بر آدم فرانسه انجمن دانشی قاموسنه مراجعت ایتدیکی حاله نه موتک معناسی بشقه صورتله تاقی ایدمه جکینه ، برده بو تعریفک منعی محکمه نك نظر دقتی جلب باینده حائز تأثیر عظیم اولوب باخصوص اشبو نه موت کله سنک تفسیر معناسی فرانسر اولیان و فرانسه به هیچ کیتامش اولان و بناء علیه لسان فرانسوینک غوامض رقت و ترا کته واقف بولند قلرندن طولانی مؤاخذه لری قابل اولیان برطاقم کسانک حقوقنه تعاق ایتمنه ، دیگر درلو تفسیراتک زورا کی معنا چیقارمق اوله جغه و باخصوص قومپانيه نك فرانسه قانون جزاسیله سائر متلرده اشبو کله نك معناسی تحری ایتمی بر آز عجب اولمنه ، و آئنده تحت ایتش اولان حادثه نك پولیسده محرر نه موت اولمدیغه ، و اسباب مبجوتیه بناء اونون سیغورطه قومپانيه سنک سرد ایتدیکی اشبو اعتراضک ردیه سیغورطه تضمیناتی نقطه نظرندن قومپانيه نك مسئولیتنه و آنجق تضمیناتک مقدار و تفرعانه متعلق ديه جکی وارسه بیان ایتمی ضمننده دوام محاکمه به قرار ویرلمشدر .

۲۳ ربیع الاول ۱۳۲۸ و ۲۲ مارت ۱۳۲۶

انجمن عدلیه مقرانی

انجمن عدلیه دن صادر اولان ۲۳ تشرین ثانی ۱۳۲۵ تاریخلی قرار صورتیدر :

« اراضی معجوزمک اوچ سنه لک حاصلاتی تسویه دیوانه کفایتی حائده حاصلاتی تسویه سنه دائر »

کلیولی اجرا مأموریتدن لواء مذکور بدایت محکمه سی ریاست اولیسی واسطه سیله بالتقدیم انجمن عدلیه به حواله بیوریلان ۲۶ تشرین اول ۱۳۲۵ تاریخلی مذکره مطالعه اولندی .

خلاصه مالی: کلیولینک خواجه کی محله سی اهالیسنندن مصطفی بک مقاولات محررلکندن مصدق بر نطلمه سند رسمی موجبنه زراعت باقعه سندن اون سنه مدته استقراض ایلدیکی مبالغی اوقات معینه سنده تأدیه ایللمسندن ناشی وفاء فراغ ایلدیکی اموال غیر منقوله سی بالطلب موقع مزایده به وضع اولنش اول امرده

زراعت باقہ سی مطلوبی استیفا اولنق شرطیہ متباقیسی کسب قطعیت ایدن متعدد اعلامات موجبہ دیگر دائلرہ اعطاسنہ محکوم اولدینی بمبالغہ قارشی محجوز اولوب عندالمزایدہ بدل معلوم مقابلندہ مشہرتیسی عہدہ سندہ تقرر ایدرک احالہ قطعیتہ سنک اجرانی متعاقب مدیون طرفندن ویریلان استدعاہ کندیسنک مع عائلہ اتفاق و اعاشہ سی اراضی مذکورہ نک وجودینہ وابستہ اولقلہ برابر یاقیندہ باقیہ اولان دینی کاملاً تأدیہ ایدہ جکی کبی دیونات سائرہ سندہ دخی اراضی مذکورہ نک اوچ سنک حاصلات صافیہ سندن تأدیہ آمادہ بولندیغدن امر اجرانک اوچ سنہ مدتلہ تأخیری طلب اولقمندن ناشی یاہیلہ جق معاملہ نک استیدانی حاوی اولدینی کورلدی لدی المزا کرہ مأمورین مذکورہ طرفندن بیان اونان مطالعات وارد و بجا اولوب قانونک مدیونینہ بخش ایلدیکی مساعدا ت جملہ سندن اولق اوزرہ اموال مذکورہ نک اول صورتلہ اوچ سنہ مدتلہ صائیلمیہ رق حاصلاتیلہ دیون واقمہ نک تسویہ سی موافق عدالت اولدیغنه متفقاً قرار ویرلدی .

انجمن عدلیہ دن صادر اولان ۲۹ تشرین ثانی ۳۲۵ تاریخلی قرار صورتیدر :

« ضابطہ صیدیہ جزای تقدیری خزینہ دولہ عائد اولدیغنه دائر »

سلانیک استیناف مدعی عمومیلکندن بالتقدیم انجمن عدلیہ حوالہ بیوریلان ۲۹ تشرین اول سنہ ۳۲۵ تاریخلی تحریرانلہ مربوطی مطالعہ و تدقیق اولندی .
« ملی ضابطہ صیدیہ نظامنامہ سنہ مخالف اولہ رق آغ ایلہ بالقی صیدیہ جرأت ایتسندن دولای طاشوز بدایت جزای محکمہ سنجه بالمحاکمہ بر لیرا جزای نقدی ایلہ محکوم طوتیلان طاشوزلی یانی دیمتری غریخودن محلجہ بالتحصیل حاصلات محکمہ میانہ ایرادقید اولنان مبالغ مذکورک اسراسی دیون عمومیه مدیری بدن اشعار ایدلیدکندن و انجمن عدلیہ نک ۲۶ اغستوس ۳۲۲ تاریخلی قرارندہ دخی بوکبی جزای تقدیرک دیون عمومیه اداره سنہ محول واردات جملہ سندن اولدینی کوسترلکندہ بولندیغدن بحثلہ استیدان معاملہ یی محتوی اولدینی کورلدی .

لدی الذکر محکوم بہ جزای تقدیرک بدالتحصیل اداره مذکورہ ارسالی حقندہ ضابطہ صیدیہ نظامنامہ سندہ صراحت مقنود وشو حالہ مبلغ مذکور احکام عمومیه توفیقاً خزینہ دولہ عائد بولندیغنه متفقاً قرار ویرلدی .

انجمن عدلیہ دن صادر اولان ۲۴ کانون اول ۳۲۵ تاریخلی قرار صورتیدر :

« الی ماہ تعقیب ایدلامسندن ناشی ابطال ایدیلان بر استدعا اوزرینہ اصول دائرہ سندہ تکرار ربع خرج اعطا ایدلیدکجه تعقیب دعوی ازلہ ییغنه دائر »

چشمہ سا کنلرندن استمینا امضاسیلہ ۱ تموز ۳۲۵ تاریخندہ نظارت جلیلہ لرینہ بالتقدیم انجمن عدلیہ حوالہ بیوریلان عر فحال مطالعہ اولندی .

عر فحال مذکورک خلاصہ مالی : چشمہ بدایت محکمہ سی حقوق دائرہ سندن علیہ صادر اولان اعلام وجاهی احکامنہ عدم قناعتلہ استیناف دعوی ایش واولبایدہ جریان ایدن محاکمہ نتیجہ سندہ اعلام مستأنف بہک فسخیلہ دعوی واقمہ نک یکیدن رؤیتہ قرار ویرلسی اوزرینہ مزبورہ یکیدن رؤیت محاکمہ توسل ایتیش ایسہدہ دعواسنی آلتی آی تعقیب ایتامسندن طولای استدعاسی ابطال ویکیدن ربع خرج ویرمدکجه رؤیت دعوی اولہ میہ جفی افہام اولمش ایسہدہ کنیدی لمذرہ دعوی تعقیب ایلہ میدیکندن و فقیر بولندیغدن بحثلہ بالاخرج تعقیب دعویہ مساعده اولنسی استدعاسنی محتوی اولدینی کورلدی .

ایجابی لدی التذکر بدایت محکمہ سندہ اقامہ اولنان بر دعوی الی ماہی متجاوز تعقیب اولنمادیی حالہ دعوی عر فحالی ابطال اولنہ رق مدعی یکیدن عر فحال ویرمدکجه دعواسنک استماع اولنیمہ جفی اصول محاکمہ حقوقیہ قانون موقتک یوز اون سکزنجی مادہ سندہ مصرح وخرج تعرفہ سنک اون ایکنجی مادہ سندہ دخی بر عر فحال الی ماہ ایشک تعقیب اولنماسندن طولای ابطال ایدلیدی حالہ آلمش اولان ربع خرج ایرادقید اولنہ رق و ایش حقندہ یکیدن عر فحال ویریلور ایسہ ربع خرجک باشقہ جہ استیفاسی لازم کلہ جکی صراحہ مسطور بولمنسہ نظراً مزبورہ نک بتکرار ربع خرج ویرمی لازم کلہ جکسنہ بناءً مزبورہ نک تکرار اصولی دائرہ سندہ ربع خرج اعطا ایلدیکی حالہ تعقیب دعویہ صلاحیتی اولہ ییلہ جکسنہ متفقاً قرار ویرلدی .

انجمن عدلیہ دن صادر اولان ۲۵ کانون ثانی ۳۲۵ تاریخلی قرار صورتیدر :

« وقتیلہ تنظیم وختیم اولنان سجلات محاکمہ حقیقت حالہ مباینی ظاہر اولسہ بیلہ ہیئت لاحقہ جہ تصحیحی غیر جائز اولوب طرق قانونیہ مراجعت اولنسی مقضی بولندیغنه دائر »

ساقزده مقیم نیقولا چالا امضاسیلہ جزائر بحرسفید ولایتی استیناف حقوق محکمہ سی ریاستہ ویریلان ۲۶ کانون اول سنہ ۳۲۵ تاریخلی عر فحال اوزرینہ ولایت مذکورہ استیناف محکمہ سی ریاست اولیسنک بعض مطالعاتی حاوی نظارت جلیلہ لرینہ تقدیم اولنوب انجمن عدلیہ تودیع بیوریلان ۶ کانون ثانی سنہ ۳۲۵ تاریخلی تحریرات ملفوفی عر فحال ایلہ برابر مطالعہ و تدقیق اولندی .

عر فحال مذکورک خلاصہ مالی : اربنہ زیفومالا واوغلی یانیقو زیفومالا ایلہ مستدعی نیقولا آچالا یلشندہ متکون دعویہ دائر تنظیم اولنان اعلامک فقرہ کلیہ سندہ کوستربلان اصول محاکمہ حقوقیہ قانونک یوز اوتوزنجی و یوز طقسان سکزنجی مادہ لری عندالتبیس تقدیم وتأخیر ایدمش واعلام مزبور هنوز مرقوم یانیقوہ تبلیغ اولنمیش اولدیغدن ایلرودہ نقض حکمی موجب اولماق اوزرہ سہو مذکورک قبل التبلیغ تصحیح اولنسی استدعاسنی وظهرندہ باش کاتب امضاسیلہ محرر درکنارک خلاصہ مدلولی دخی محاکمہ

ضبطنامه سياله قرار دفترنده مبلغ مدعا به مصدق صلحنامه به مستند اولديغدن قانون مزبورك يوز اوتوز ويوز اوتوز برنجي ماده لرينه توفيقاً كفالت معتبره مصدقه ارايه اولنديني حالده اشبو حكمتك موقتاً اجراسنه ۸ تشرين ثاني سنه ۳۲۱ تاريخنده قرار ويرلديكي محرر ايكن تنظيم اولنان اعلام مسوده سي ايله سجل دفترنده مبلغ مدعا بهك قانون مزبورك يوز اوتوز برنجي ماده سنه توفيقاً مع مصارف محاكمه مدعا علمدن تحصيلنه واصل محاكمهك يوز طقسان سكرنجي ماده سنه توفيقاً كفالت معتبره مصدقه ارايه اولنديني حالده اشبو حكمتك موقتاً اجراسنه ۱۲ تشرين ثاني سنه ۳۲۱ تاريخنده قرار ويرلديكي مسطور اولديني واعلام مذكور وقيله تنظيم اولنوب هيئت حاكمه سابقه طرفندن تختم و امضا قلنان قيدينه موافق اولنديني بياني شامل وتحريرات مزبورهك خلاصه مالي دخي قيودات مبعوثه بيتنده كي مباينتك تصحيح لازم كلوب كليه جكي استيداني حاوي اولنديني كورلدي.

ايجابي لدي التذكر وقيله تنظيم وتختيم اولنان سجلات محاكمه حقيقت حاله مباينتي ظاهر اولسه بيله بونك تصحيح ضمنده طرق قانونيه مراجعت اولنسي لازم كله جكي جهتله انجمن عدليه جه بوابده بيان مطالعه واتخاذ قراره محل وامكان قانوني بولماديغه متفقاً قرار ويرلدي.

شئون عدليه

حسن آغا زاده حاجي مصطفى افندي بي پاره سنه طمعاً قتل واتلاف ونعشني احما ايله ايكوز ليرا قدر مختلف الجنس الحقه سي غصب ايلديكي بالحاكمه ثابت اولان طودوري اوغلي كيريونك اعدامنه دائر كليبولي سنجاني بدايت محكمه سي جزا دائره سندن اعطا اولنان اعلام محكمه تميز جزا دائره سنجبه تصديق اولنقله لدي العرض موجبجه اراده سنه حضرت پادشاهي متعلق بيوريله رق اولبابده تصدير وباند كره ساميه تسير قلنان امر عالي انفاذ حكم جايلى ضمننده ادرنه ولايت عليه سنه ارسال وولايت مذ كوره استيناف مدعي عموميلكنده معلومات اعطا اولنمشدر.

طرابلس غريده حونه غريبان محله سي اهالي سندن حاجي محمد بوسنوقي بي تعمداً قتل ايلديكي بالحاكمه ثابت اولان بقال علي بن حاجي ابراهيمك اعدامنه طرابلس غرب ولايتي استيناف محكمه سي جزا دائره سندن حكم اولنديني كي ولايت مذ كوره نيابت شرعيه سندن دخي اجراي قصاص حقنده تنظيم واعطا اولنان اعلام شرعي جانب جليل فتوا خانه دن تصديق اولنسي اوزرينه عتبه علياي حضرت پادشاهي به لدي العرض موجبجه اراده سنه متعلق بيوريله رق اولبابده تصدير وباند كره ساميه تسير اولنان فرمان عالي حكم جايلىك انفاذي ضمننده طرابلس غرب ولايت عليه سنه ارسال واستيناف مدعي عموميلكنده معلومات اعطا اولنمشدر.

حلب ولايتي داخلنده عيتاب محلاتندن حضر چاوش محله سي اهالي سندن صبانجي موسي بن موساي قتل ايلديكي بالحاكمه ثابت اولان بريك حاجي شريف بن مصطفى حاجينك اعدامنه ولايت مذ كوره استيناف محكمه سي جزا دائره سندن حكم اولنديني كي اجراي قصاصنه دائر عيتاب محكمه شرعيه سندن تنظيم اولنان اعلام دخي جانب جليل فتوا خانه دن تصديق اولنقله لدي العرض موجبجه اراده سنه حضرت پادشاهي شرف متعلق بيوريله رق اولبابده تصدير وباند كره ساميه تسير اولنان امر عالي حكم جايلىك انفاذي ضمننده ولايت مذ كوره ارسال واستيناف مدعي عموميلكنده بيان معلومات اولنمشدر.

ارزنجانك قورشونلي محله سندن خان اوغلي خالصي قتل ايلديكي بالحاكمه ثابت اولان كيرلي آياق اوغلي مصطفىانك اجراي قصاصنه دائر ارزنجان محكمه شرعيه سندن صادر اولوب جانب جليل فتوا خانه دن تصديق اولنان اعلام لدي العرض موجبجه اجراي ايجابنه اراده سنه حضرت خلافتناهي شرف متعلق بيورلمسنه بناء تصدير وباند كره ساميه تسير قلنان امر عالي انفاذ حكم جايلى ضمننده ارضروم ولايت عليه سنه ارسال اولنديني كي ولايت مذ كوره استيناف مدعي عموميلكنده معلومات اعطا اولنمشدر.

مسائل انتباه

ناصره قضايي بدايت محكمه سي اعضا سندن مستنطق وظيفه سي ايفا ايتكمده اولان حبيب افنديك اخذ رشوتله معاملات تحقيقده كي وظيفه قانونيه سي سوء استعمال ايلديكي امور جزاييه دائره سنجبه تدقيق اولنان تحقيقات اوراقتدن نمايان اولسنه وحرکت واقعه سي مسؤليت قانونيه سي مستلزم بولنسنه بناء مومي اليهك محاكمه آلتنه آلتنه عدليه نظارت جليله سنجبه امر مأذونيت اعطا بيورلمشدر.

منفعت غير مشروعه تأميني مقصديله على الدرجات وظائف قانونيه لرني سوء استعمال ايلديكاري اولبابده اجرا قلنوب دائره عائد سنجبه تدقيق اولنان اوراق تحقيقه مألرندن نمايان اولان نجف قضايي نايي وبدايت محكمه سي رئيسي عبدالقادر ومحكمه مذ كوره اعضا سندن سيد جواد ومدعي عمومي معاون وكيلي احمدماهر ومحكمه باش كاتبي غالب افنديلرك تحت محاكمه آلتنه نظارت جليله مشار اليهاجه امر مأذونيت اعطا اولنمشدر.

در سعادت اعلامات شرعيه اجرا دائره سي

عدد	بکون
۳ ۶۶۱	اوپوز يکرمی آلتی سنه هجره سندن مدور اعلامات شرعيه و بطريقخانه لرله خاخانه مقررانی
۱ ۵۷۷	اوپوز يکرمی یدی سنه هجره سي ظرفنده ورودايدن اعلامات شرعيه و
۵ ۲۳۸	
۵۴۲	اوپوز يکرمی یدی سنه هجره سي ظرفنده حکملي اجرا قلنان
۴ ۶۹۶	اوپوز يکرمی سکز سنه هجره سنه دور اولنان
	اوپوز يکرمی یدی سنه هجره سي ظرفنده دواثر مرکزیه
	ایله طشره محاکمی رؤسانه یازیلان تذا کرو محررات

عدد	بارہ	غروش	عدد	بارہ	غروش	عدد
۴۵۱۵			۳۲۷۹			
	اوپوز يکرمی بش سنه سي مارتی ابتدا سندن شباطی			اوپوز يکرمی بش سنه سي مارتی ابتدا سندن شباطی		
	نهایتہ قدر وقوعه ولان تحصیلات			نهایتہ قدر وقوعه ولان رديات		
۳ ۱۲۹ ۴۶۸	بارہ	غروش	۱۳ ۵۱۴	مقبوض موجبہ	۳۰ ۸۴۸ ۸۳۹ ۲	۱۴ ۱۲۸ جک موجبہ

در سعادت محاکم تجارتي

بکون	سنه سندن دور اولان اوراق	سنه سندن دور اولان اوراق	بکون	سنه سندن دور اولان اوراق	سنه سندن دور اولان اوراق	ملاحظات
۸ ۳۴۴	۴ ۸۲۲	۳ ۵۲۲	۸ ۳۴۴	۲ ۷۶۸	۱ ۳۱۳	ایکجه محکمه تجارت
۱ ۵۲۸	۲۴۴	۱ ۲۸۴	۱ ۵۲۸	۴۹۳	۷۶۷	تجارت بحریه محکمه سي
۹ ۸۷۲	۵ ۰۶۶	۴ ۸۰۶	۹ ۸۷۲	۳ ۲۶۱	۲ ۰۸۰	یکون

اسکدار بدایت محکمه سي حقوق دائره سي

بکون	سنه سندن دور اولان اوراق	سنه سندن دور اولان اوراق	بکون	سنه سندن دور اولان اوراق	سنه سندن دور اولان اوراق	ملاحظات
۴ ۲۳۱	۶۰۳	۳ ۶۲۸	۴ ۲۳۱	۲ ۶۴۸	۲ ۶۴۸	ایکجه محکمه تجارت
۴ ۲۳۱	۶۰۳	۳ ۶۲۸	۴ ۲۳۱	۲ ۶۴۸	۲ ۶۴۸	تجارت بحریه محکمه سي
۴ ۲۳۱	۶۰۳	۳ ۶۲۸	۴ ۲۳۱	۲ ۶۴۸	۲ ۶۴۸	یکون

اسکدار بدایت محکمه سي جزا دائره سي

بکون	سنه سندن دور اولان اوراق	سنه سندن دور اولان اوراق	بکون	سنه سندن دور اولان اوراق	سنه سندن دور اولان اوراق	ملاحظات
۲ ۷۱۱	۴۶	۲ ۶۶۵	۲ ۷۱۱	۲ ۷۱۱	۲ ۷۱۱	ایکجه محکمه تجارت
۲ ۷۱۱	۴۶	۲ ۶۶۵	۲ ۷۱۱	۲ ۷۱۱	۲ ۷۱۱	تجارت بحریه محکمه سي
۲ ۷۱۱	۴۶	۲ ۶۶۵	۲ ۷۱۱	۲ ۷۱۱	۲ ۷۱۱	یکون

اسکدار بدایت محکمه سي استنطاق دائره سي

بکون	سنه سندن دور اولان اوراق	سنه سندن دور اولان اوراق	بکون	سنه سندن دور اولان اوراق	سنه سندن دور اولان اوراق	ملاحظات
۹۲۳	۱۲۶	۸۰۷	۹۲۳	۸۳۰	۱۰۳	ایکجه محکمه تجارت
۸۸۱	۱۱۹	۷۶۲	۸۸۱	۷۵۰	۱۳۱	تجارت بحریه محکمه سي
۱ ۸۱۴	۲۴۵	۱ ۵۶۹	۱ ۸۱۴	۱ ۵۸۰	۲۳۴	یکون

ایکجه محکمه تجارت
تجارت بحریه محکمه سي
یکون

سنه سندن دور اولان

سنه سندن دور اولان

اسکدار بدایت محکمه سی مدعی عمومی کی

مظنونری بولنه مامسندن طولانی تحریات اجرا سی چون اوچیوز یکریمی درت سنه سندن
مدور اوراق

اوچیوز یکریمی بش سنه سی ظرفنده ورود ایدن اساس اوراق

سنه مذ کوره ظرفنده ورود ایدن تذاکر و اوراق سائر

اقامتگاهلری تحری اولنق اوزره محکمه دین ویریلان اوراق

سنه مذ کورده استنطاق دائره سندن کلان اوراق

۸۴

۳۶۱۶

۲۸۳۸

۱۳۲

۱۵۸۰

۸۲۵۰

۲۶۶۵ اوچیوز یکریمی بش سنه سنده محکمه به با ادعای طوغریدن و لزوم
محاکمه قرار یله ویریلان

۱۵۶۹ اوچیوز یکریمی بش سنه سنده استنطاق دائره سنه تودیع ایدیلان

۲۷۲۷ صادره و وارده معاملات

۲۱۴ ضابطه به اعاده و حفظ و دوائر متعلقه سنه ارسال قلنان

۱۲۴ اقامتگاهلری بولنه رق چیقاریلان

۶۵۹ منع محاکمه و صلاحیت قرار یله چیقاریلان و معاملات تسویه قلنان

۸۱۵۸

۸۱۵۸

۹۲

اشبو طقسان ایکی اوراق اقامتگاهلری معین اولمیان اشخاص مظنونه به عا

اولوب اوچیوز یکریمی الی سنه سنده دور اولنه رق معامله لری در دست بولنمشدر

اعلامات جزائیه

۴۰۵ اوچیوز یکریمی درت سنه سندن مدور

۲۰۳۹ اوچ یوز یکریمی بش سنه سنده اسکدار بدایت محکمه سی جزا دائره سندن

ورود ایدن

۱۰۶ دوائر سائر دین برای انفاذ کلان

۲۵۵۰

۲۲۵۰ اوچیوز یکریمی بش سنه سنده حکم لری انفاذ ایدیلان و برائت قرارینه

مستند اولوب قیدی اجرا قلنان

۳۰۰ اوچیوز یکریمی الی سنه سنده دور اولنه رق در دست بولنان

اسکدار بدایت محکمه سی اجرا دائره سی

۴۳۳۶ مارت اوچیوز یکریمی بش سنه دور اولنان اعلامات

۱۲۶۲

۵۵۹۸

۱ مارت سنه ۳۲۵ ابتداء سندن سنه مذ کوره شباطی غایه سنه قدر ورود ایدن اعلامات

۳۵۸ سنه مذ کوره ظرفنده حکمی اجرا قلنان اعلامات

۵۲۴۰ اوچیوز یکریمی آلتی سنه سی مارت ابتداء سنه دور اولنان اعلامات



قانون جزا

قانون جزا لایحه سنک خطوط اصلیه سی

مقاله

۲

مجرمینک اصلاح حالی امرنده قانون جزا لایحه سنجه قبول اولنوب مقاله اولامزك موضوعی تشکیل ایدن سلسله وسائط میاننده بعض اوفق جرائم ایچون قانونك حریت شخصیه دن محرومیت جزاسنه بدل اوله رق تعیین ایتدیکی توبیخ عالی جزاسی دخی ذکر اولنه بیلیر . واقعا توبیخ عالی جزاسنك تطبیقی برآی حبس ویا توقیف ویا اوج آی مدله نفی جزاسی حکم اولنان جرائمه حصر ایدلمش اولدیغندن وهله اولاده غایت اهمیتسز کوربنور ایسه ده جزئی تأمل اولندیغنی حالده شو مجازات خفیفه نك توبیخ عالی به تحویلی قضیه سی مجازات انزوایه ومشروطاً تخلیه سیل تدابیری درجه سنده مهم اولدیغنی تظاهر ایدر .

شوراسی شایان نظر درکه جرائم ماهیت واهیتی اعتباریه هیچ بروقت بربرینك عینی اوله میه جنی کبی سائق جرم اولان کیفیت دخی اصلاً یکدیگرینه شبیه اولماز بعض نوع جرائم ماهیت اعتباریه وجدان بشری تهییج ایتدیکی درجه ده منافع اجتماعیه یی دخی مغل اولور ایسه ده بونك عکسی دخی واردر . بعضاً جرم ملرا اخلاقك ا کلاشماز برفساد وفضاحتی اثری اوله رق وقوع اولدیغنی حالده بعضاً غیر ارادی ومحضا تصادفی بر اثر دخی اوله بیلور . جرم ملرا دراك بشرک سوق وجدان ایله دائماً تمیز ایتدیکی ودائماً تمیزه مجبور اوله جنی قدمه متسلسله ایله یکدیگره تقرب ایدرک اك خفیف جرم دن اك فضیح وشنیه قدر یوکسه لیر . بناءً علیه قبح وفضاحتی نسبتنده منافع عمومیة اجتماعیه یی اخلاص ایدن جرم ملره ده خفیف وبلکده خیانت طبیعتدن عاری جرائم حقنده عینی درجه ده معامله تطبیق ایدلمك ممکن اوله ماز . بناءً علیه واضع قانونك جرائم مهمه ده توبیخ عالی جزاسنی تطبیق ایتدی ذاتاً تصور ایدلمك بیله ممکن دکندر واونوع جرائمده اصول انزوا تطبیق الك مؤثر تدابیر اصلاحیه دن معدوددر . فقط مغایرت اخلاقیه دن عاری ونفس انسانینك اهانتیه وقوعی غیر ملحوظ اولان جرائمك خفیفه نسبتنده مجرمك صلاح حاله دعوت وترغیبی دخی وسائط خفیفه به مراجعت لزومی کوستر اشته بونك ایچون قانونك خفیف جرم لره مجازات محکومه به بدل توبیخ عالی جزاسی اقامه سیله مجرمك صلاح حاله عودتی ترغیب وتشویق ایتشددر .

لایحه قانونیه نك ۲۸ نجی ماد، سنك ایکنجی فقره سنه نظراً توبیخ عالی جزاسی محکوم علیه ک بولندیغنی احوال مخصوصه به وجرمك صورت ایقاعنه واخلال اولنان ماده قانونیه نك جهت اخلاقیه سنه وارتنکاب اولنان فعلك نتایج ضروریه سنه کوره مجرمك محکمه طرفندن علناً تکدیر اولنمندن عبارتدر وبونك تطبیقی امرنده اسباب مخففه کورولمش اولمق وفاعل مقدا بر آیدن زیاده حبس وتوقیفه محکوم اولمالمش بولمق مشروطدر .

ماده متعاقبه سنندن منفهم اولدیغنی اوزره توبیخ عالی جزاسی نتیجه اعتباریه مجازات محکومه قانونیه یی قابل اعاده اولیه جق صورتده کاملاً رفع واحما ایدرسده آنجق توبیخ جزاسی حبس جزاسنه بدل اوله رق تعیین اولنمش ایسه ایکی سنه وتوقیف جزاسنه بدل اوله رق تعیین اولنمش ایسه بر سنه ظرفنده محکوم علیه دیگر برجرم ایشلیدیکی تقدیرده جزای نقدی نامیه بر مبالغ معین اعطاسنی تعهد ایتمه که مجبوردر . بو تعهد ایضا اولندیغنی تقدیرده جزای محکوم به عینیه اجرا اولنه جنی کبی تعهد ایدیلوبده شرط قانونی به رعایت ایدلمدیکی تقدیرده یکی ایشلیدیکی جرمك جزاسی تماماً اجرا وتعهده ایدیلان مبالغ محکوم علیه دن تحصیل واستیفای اولنور . شو صورتله واضع قانون توبیخ عالی جزاسی بر تصمیم خیانتکاری اثری اولیه رق حدت وتهور سوبقه نفسه حاکم اوله مقدر متولد بعض جرائم خفیفه نك منع تکررینه ومجرمك صلاح حاله خادم پرواسطه قیلمشدر . ا کلا تلدیغنه کوره بوجزانك تعییننده نقاط آتیه نظر دفته آلمش اولمایدر .

اولا حبس خانلر نه مرتبه انتظامه کیرسه کیرسون هر حالده آنی اشغال ایدنلر جمعیت بشریه نك بر حزب معلول ومریضندن عبارت اولمق حسیه صرف سوق وقضا وتصادفله برجرم خفیف ایقاع ایتش اولان عصمت نفس اربابنك ولوجزئی مدت اولسون آنلره تماسی مرض اخلاقیك سرایتی موجب اولمق احتمالی واردر . ثانیاً مجازات خفیفه نك عیناً اجرا سنندن زیاده حضور محکمه به بر هیئت سامعین مواجهه سننده کال مهابت و وقار ایله وقوعه جق توبیخ عالی فاعل جرمك انتباهنی دعوت ایتمکده ده نافذ ومؤثردر .

ثالثاً توبیخ معروض اولان شخصك ایکی سنه ظرفنده بشته برجرم ایقاع ایتمه مک شرطیه وقوعه جق تعهدات مالیه سی بومدت ایچون هر حالده مغلوب تهور اولمقندن توقی نفسه سی ورزشنی تزئید ایدرک کیت کیده بو جهد توقینك اعتیاده انقلابی آتیا دخی کندیسندن برجرم صدور ایده بیلیمك احتمالی تقلیل ایلر . زیرا محکوم علیه ایکنجی بر جرم وقوعی حالنده هم اوجرمك تماماً جزاسنی کوره جکنی همده تعهد ایتدیکی مبالغی تأدیه به مجبور قاله جغنی بیلیر واکا کوره افعال وحركاتی تعدیل واصلاح ایلر .

توبیخ عالی جزاسی هر نه قدر عصر حاضرک ابداعاتدن عد اولنه مازسنده ده المانیانك ۱۸۷۰ قانونیه بر ماهیت اساسیه ا کتساب ایتش اولدیغندن ایتالیانك ۱۸۸۹ قانوننده دخی قبول ایدلمش واندن صکره روس واسپانیول وپورتگیز قانونلرینه کیرمشدر . جزای مذکورک تبیین فوایدی امرنده جزایشوندن مولدیه نظری وعملی حقوق جزا نام اثرنده « جزانك فعل ایله ومجازاته دوچار اوله جق شخصك حال اخلاقیسیله متناسب

اولیٰ مقتضای اقتضا استدین احتیاجات قطعیه عدالت نقطه نظرندن اخلاق حاضرہ مک حلم و ملائمتہ توافق و تطابق ایتسی لازم کن قواعد جزائیہ میانہ توبیخ علی جزاسنک وجودی پک مصیب و موافق اولور «دیشدر» محکومینک حبس خانہ لہ کرمکسزین صلاح حالی مؤدی تدابیردن اولق اوزرہ فرانسه نک ۲۶ مارت ۱۸۹۱ قانونیہ قبول ایتدیکی بر طرز دیگر دخی بوکا مشابہ کی کورینور ایسده تمامیلہ بونک عینی دکلدر . « براترہ » قانونی نامیلہ معروف اولان بو قانون ایجابجہ بر جرم ایقاعیلہ محکمہ سہ سوق اولوب حبسہ محکوم اولان شخصک اولجہ لا اقل حبس جزائی مستلزم بر فعل ایله محکومیت سابقہ سی موجود اولدیغی حالده بش سنہ مدتلہ مجازات محکومہ نک تعطیل تنفیذی امر ایتکه محکمہ لحاظ صلاحیندرلر . بومری تعقیب ایدن بش سنہ ظرفندہ محکوم علیہ حریت شخصیه یی تحدید ایدن مجازاتی مستلزم بر جرم ایقاع ایتدیکی تقدیرده تعطیل تنفیذی امر ایدلمش اولان مجازات محکومہ کان لم یکن طوتیلور و شخص مرقومک اسمی دفتر محکومیندن طی و ترقین ایدیلور .

کورولورکه لایحه قانونیه نک اساسلری براترہ قانونیه دخی متقارب ایسده هی حالده طرز تطبیق و نتایج حاصله سی اعتباریلہ یکدیگرندن خیلوجہ فرقلیدرلر .

شونقصیلادن و مقالہ اولاده کی مطالعاتدن اکلاشیله جفی اوزرہ ترتیب مجازاتده مجرمینک تعذیب نفسندن زیاده صلاح حالہ دعوت و رجوعی نظر دقتہ آلمش و جزانک نوع و درجه سنہ کوره صلاحی مؤدی اوله جق وسائل و تدابیر مختلفہ احداث اولنه رق استحصال مقصدہ اہتمام اولمشدر .

لایحه مذکورہ نک خطوط اصلیه سنندن بری ده بعض نوع عدالتسزلیکرہ محل قلامق اوزرہ اسباب مخففہ تقدیریہ نک قبولیلہ حکامک تعین جزا مبحثہ صلاحیت تقدیریہ لرینک توسیعیدر . ہر نہ قدر لایحه نک ایکنجی کتابندہ جرائمک جنس و ماہیتہ نظراً ابواب و فصول بر ترتیب منطقی بہ توفیقاً تقریق اولمش و ہر بر جرمک صورت ایقاعنہ و احوال خصوصہ سنہ کورہ بر نسبت معینہ دائرہ سنہ تشدید و یا تخفیف جزائی استلزام ایتدیرہ جک اسباب دقت و بصیرتہ تعین و توضیح ایدلمش ایسده ایقاع جرمہ سائق اولان احوال و اسباب میانہ واضع قانونک فکر و نظارہ المامش اولدیغی بعض کیفیات دخی بولنہ بیلاچکی ملاحظہ قلندیغدن اسباب مخففہ تقدیریہ قبول اولنه رق حکامک تعین مجازاتده اقتدار و صلاحیتلری توسیع اولمشدر . فی الواقع وقایع و حادثات جهانک مفرداً و بتون فقراتیلہ ضبط و حصری امکانشزلی قوانینک انجق قواعد عمومیہ طرزندہ ترتیب احکام ایتسی نتیج اولورسده تطبیقات قانونیہ خصوصندہ محیط حادثاتک دخی نظر دقت و اہمیتہ آلمشی مقتضیات عدالتدن کوریلور .

قانون جزای حاضر مزیدہ مجازات مرتبہ حد اصغر و اعظم ارہ سندہ متدائر و حکام عثمانیہ بو میانہ اسباب

مشددہ و مخففہ یی نظر دقتہ آلمہ صالح ایسده افعال و حادثاتی محیط اولان احوال و اسباب ایچندہ اولیلہ لرینہ تصادف ایدیلور کہ قانوناً معین اولان جزانک حد اقلنی حکم ایتک بیلہ الک وجدان کداز برظلم صریح اولور ہلہ جزای قانونیسی نا قابل تحول اولان یعنی حد اصغر و اعظمی بولنمان جراثمدہ بوعدالتسزلیک دہا و وضوح و شدتلہ متظاہردر . ازجلہ قصداً قتل فعلی ناقابل تحول بر جزائی ، ثابت و معین اوله رق اون بش سنہ کورک جزاسنی مستلزمدر کہ حکام ایچون بوجزادن برکون تنزیلی بیلہ مستحیلدر حالبوکہ قتلہ منجر اولان اسباب و احوالدن بر قسمی فاعل جرمی مادہ معذور کوسترمسہ بیلہ ہر حالده معنویاتی اعتباریلہ شایان ترحم قیلہ . بیلہ جک اوصاف مادیہ یی برعذر معنوی یی حاز اولور . جزا ایسہ ثابت و معین و ناقابل تحول بولندیغی ایچون بوعذر معنوی یی نظردقتہ آلق امکانشزلی قارشوسندہ ہیئت حاکمہ احتیاسات وجدانیہ سنہ وقاعت قلبیہ سنہ مخالف اوله رق جزای معینی حکم ایتکہ مجبوردر . کچنلرہ بالذات تصادف ایتدیکم بر حال بوبابدہ بر مثال واضح تشکیل ایدر : کویلولریمزدن بریسی خانہ سنندہ منازعہ ایدرک زوجہ سنی قتل ایتمش قادیچغزک ترلادہ بولسان پدری کویہ عودتندہ بردانہ جک اولادینک خنچر غدر ایله اہلاک ایدلیدیکی ، سنہ لردنبری امید حیانتک مربوط اولدیغی سودیکی اوقشادینغی اووجود قیمتدارک هنوز تازہ قائلر ایچندہ یووارلاندیغی کورمش . بومنظرہ نک حاصل ایدیکی انین قلب آرسندہ پر تہور و غضب اخذناہرہ قیام ایدرک قادینک زوجنی یعنی دامادینغی اورمش اولدیرمش بیچارہ اختیار آدم جنایت محکمہ سی حضورندہ تہمت قتل ایله متہم اوله رق محاکمہ سی رؤیت اولنقدہ ایدی . نتیجہ نک نہ اولدیغی بیلنم فقط دوشونمیدر کہ بو آدمک شو جرمی ایقاعده نہ ردائت اخلاقیہ سننک نہ دہ سوء طبیعتک بر تاثیر اولیوب برسائق معنوبنک بر جبر طبیعتک تحت تاثیرندہ بولمشدر . حیانتک بتون سعادت یی تشکیل ایدن جکربارہ سننک سباعانہ بر صورتندہ قتل و اہلاک ایدلمش اولدیغی کورن و بومنظرہ خونین ایله بتون شعوری بتون محاکاتی تارمار اولان یورکی یانان سینہ سی پارچالان بر پدرک بومصیبت عظما قارشوسندہ غضب و تہورینی یوتہرق محاکات عقلیہ سنی طوپلایه رق حزم و احتیاط ایله حرکت ایتسی ہانکی قانون طلب ایدہ یلور ؟ و بوسورتلہ قاتل حقیقی یی براضطرار معنوی تحتندہ اولدیرن بر آدمہ ہانکی قانون و ہانکی حاکم قاتل جزاسی تعین ایتلیدر ؟ حالبوکہ قانون جزا بویلہ براحوال مخففہ تعین ایتامش و جزای قتل ایسہ ثابت و غیر متحرک بولمش اولدیغندن حکام ہمہ حال قانونہ توفیق حرکت ایدہ جک ، اون بش سنہ کورک جزاسنی حکم ایتکہ مجبور اوله جقدر . بویلہ بر حکم ایسہ عدالتلہ مناسبتدن بریدر .

بوندن طولای لایحه نک ۵۹ نجی مادہ سنندہ « برجرمدہ اسباب مخففہ قانونیہ موجود اولیوبدہ تخفیف جزائی ایجاب ایتدیرن بعض اسباب تقدیریہ موجود اولدیغی تقدیردہ اعدام و یا مؤبد زندان جزاسی یکرمی درت سنہ مدتلہ زندانہ تحویل و احوال سائرہ جزانک بر سدسی تنزیل اولنور » دینلہرک احوال مخففہ وقوعندہ ایکی درجہ تنزیل جزا قاعدہ سی قبول ایدلمشدر .

انقلاب کبیرہ تقدم ایدن زمان ایچندہ افعال جرمیہ نک مجازاتی قانوناً معین اولیوب حکامک ارزوی

شخصیست، تقدیر کیفیسنه محول ایدی. بوطرز مجازاتک داعی اولدینی سوء استعمالات اون سسکننجی عصرک نهایتلرینه طوغری بتون ارباب فکر و نظارک مهاجمات و تنقیداتی باعث اولدی ونهایت ۱۷۹۱ تارخننده فرانسه ده افعال جرمیه ایچون ثابت و غیر متحرک یعنی حد اصغر وحد اعظم دن عاری مجازات ترتیب اولندی بوصورتله حکامک تعیین جزاده حق تقدیر و تنسیبی رفع اوله رق مجازات قانونیه نک تخفیف و تهویق اقتدارندن محروم براقیلدی آنجق بواصولک دخی عدالتله عدم توافقی پک چابوق اکلاشلامش اولدیغندن شمیدیک فرانسه قانوننک اساس معدلی بولنان ۱۸۱۰ قانونی وجوده کتیرلدی که ایلك دفعه اوله رق بوقانون ایله هر جرم ایچون حد اصغر وحد اعظم بیننده متحول مجازات تعیین ایدلدی. مع هذا بوجودک دخی وسعت کافیهی حائر اولدینی کوریه رک ۱۸۳۲ تاریخی تعدیلاتده اسباب مخففه واسعاً قبول ایدلدی و ۱۸۶۳ تعدیلاتنده ایسه دهها زیاده توسیع و اکمال اولنش و ۶۳ نجی ماده ایله حکامه ایکی درجه تنزیل جزا صلاحیتی ویرلشدر. بناءً علیه احوال و اسباب مخففه نک قبولی بوکون بالجله ملل متمدنه قانونلرینک اک ذی حیات عناصر اساسیه سندن معدوددر.

بومناسبتله فلانک قانون جزاسنک بر صفت فارقه سی حقنده ارباب مطالعه نک نظر دقتی جلب ایتمکی فائده دن غیر خالی بولورم. حکومت مذکورنک ۱۸۸۱ قانونی کنديسنه تقدم ایدن قوانین جزائیهدن پک فرقلی اوله رق بر اصول مجازات قبول ایتشدر که اواصولک ایجابات ضروریه سندن اولق اوزره قانون مذکورده اسباب مخففه تقدیریه دن اصلاً بحث اولماز. فی الحقیقه فلانک قانونی کندي حاکم لرنک درایت و اهلیته وعدالتپرستلک لرنه اول مرتبه اعتماد و امنیت کوستر مشدر که بواعتماد و امنیتی بشقه هیچ برملک کتده تصوریله ایتک قابل دکلدر. قانون مذکور اوفق جرائم دن الهمهم وعظیمه قدر قطعاً حد اصغر تعیین ایتیه رک یالکیز حد اعظم کوستر مکله اکثفا ایتشدر. مثلاً قصداً قتل فعلانده « هر کیم قصداً بر شخصک حیاتی ازاله ایدرسه قاتل اولق اوزره نهایت اون بش سنه حبس ایله مجازات اولنور » دینلش و تعمداً قتلده « هر کیم تعمداً و تصمیماً بر شخصک حیاتی ازاله ایدرسه قاتل معین اولق اوزره مؤبداً و یا خود یکریمی سنه مدله موقه حبس ایله مجازات اولنور » دنیله رک جزانک یالکیز حد اعظمی اراه و حد اصغرک تعیینی حکامه ترک ایدلشدر. موقت حبس جزاسی ایسه قانون مذکور حکمنجه یکریمی درت ساعتدن بدأ ایتمکه اولسنه نظراً حکامک تعیین جزا بختنده ناقابل تنزیل بروسعت صلاحیتی حائر اولدینی کوریلور و مادامک هیئت حاکمه قتل عمد کبی بر جرم عظیمده یکریمی درت ساعتدن یکریمی سنهیه و حتی مؤبده قدر جزا تعیین و ترتیب ایده بیلیمکه حائراً اقتدار و صلاحیتدر ارتق بویه بر قانون ایچنده اسباب مخففه تقدیریه یی موضوع بحث ایتک طبیعتیه یی لزوم اولور.

مجارستان قانونی ایسه بومبختده بتون بتون بشقه براساسه تابع اوله رق احکام مفصله یی جامعدر. قانون مذکورک ۸۹ نجی ماده سنده « تعیین جزاده درجه مجرمیت اوزرینه حائر تأثیر اوله بیهلجک اسباب مشده و مخففه نظر دقته الیه جقدر » دینلدیکی کبی مواد متعاقبه سنده « اسباب مشده کیت و اهمیت اعتباریه فائق و راجح

ایسه تعیین اوله جق جزا حد اعظمه تقرب ایدرو یا حد اعظم اولور. و بالعکس اسباب مخففه فائق و راجح اولور ایسه تعیین اوله جق جزا حد اصغر تقرب ایدر و یا حد اصغر اولور. بوتقدیرده اعدام جزاسی و مؤبد کورک اون بش سنه موقت کورک تحویل ایدر. اگر اسباب مخففه فعل ایچون معین اولان مجازات قانونیه نک حد اصغرینک تعیینی بیهلجک حد اوله جق صورتده فائق و متعدد اولورسه مجازاتک نوع قانونیسنک حد اصغرینه قدر تنزیل اوله بیلور و بوده شدید کورولورسه موقت کورک یرینه قلعه بندلک و قلعه بندلک یرینه حبس و حبس یرینه جزای نقدی تعیین ایدیلور و بونلرک دخی حد اصغرینه تنزیل اوله بیلور. مع هذا اعدام جزاسنی مستلزم اولان افعاله اون بش و مؤبد کورک جزاسنی مستلزم اولان احواله اون سنه کورکدن اشاغی جزا تعیین اوله ماز. و شوقدر که شیخوخت و یا ضعف وجود حسسیله مجرم حقنده بو جزا غایت شدید حد اولدینی تقدیرده کورک جزاسی قلعه بندلکه تحویل اوله بیایر. و بوتقدیرده قلعه بندلک جزاسی موقت کورکک حد اعظمه ابلاغ اولنور. دینلشدر. مجارستان قانوننده موقت کورک جزاسنک حد اصغری ایکی وحد اعظمی اون بش سنه دن و قلعه بندلکک حد اصغری الی ماه و حد اعظمی اون سنه دن عبارت اولسنه کوره واضع قانونک اسباب مخففه یی پک واسع صورتده نظر دقته آلدینی آکلاشلور.

از جمله جرائم عظیمه دن اولان قصداً قتل فعلانده قانون مذکور اون سنه دن اون بش سنهیه قدر کورک جزاسی تعیین ایتش ایکن اسباب مخففه نک عدد و اهمیت اعتباریه تفوقی حالنده اول امرده اون سنهیه تنزیل ایدیه بیهلجکی کبی بو کیفیت شدید کورلیدی تقدیرده نوع جزانک حد اصغرینه یعنی ایکی سنه کورک قدر تنزیل اولتق و بوده شدید کورولورسه کورک جزاسی قلعه بندلکه تحویل ایدلک و حتی قلعه بندلکک حد اصغرینه یعنی آلتی آیه قدر تنزیل ایدیه بیلیمک امکانی موجوددر.

هر قدر لایحه قانونیه ده حکام عثمانیهیه اسباب مخففه تقدیریه دن طولای بو وسعت صلاحیت اعطا اولنماش ایسه ده ذاتاً هر جرمک مجازات معینه سنک بر نسبت دائره سنده تشدید و تخفیفی ایجاب ایتدیره جک اسباب نفس قانونده کمال دقت و اهمیتله ترتیب ایدلش و اسباب مخففه تقدیریه یالکیز واضع قانونک دائره تأملندن خارج اوله رق صورت ایقاع جرمه نظراً بعض مرتبه مجرم لهنده حرکت اولتق لزومی حس اولدینی مواضع قصر ایدلش اولدیغندن هر حالده قوانین سائر نک بوبابده کی احکامنه مرجع طوتیه بیلور.

عدلیه مفتشی

ضیا

اهليت قانونيه

جزا قانونك دردنجي فصاني تشكيل ايدن (۴۰) نجی ماده، ايكي فقره حكيميه شامل اوليور. برنجيبي مدار عفو اولوب مسئوليت جزائيه مستلزم اوليان احوالدين، ايكنجيسي استحقاق و اهليت جزائيه مصور اولان افعالدين باحث بولنور. حد بلوغه واصل اوليان مجرم ايشلديكي جرمة مرتب جزايه مستحق اوله من. بو قاعده عموميه اقتضاسنجه اول مجرمك قوه بيمزه صاحبندن اولمديني تقديرده اصلاح نفس ايجون حقدنه لازم كلان معامله انتباهيه متن قانونده تعيين اولمشدر. اما اول مجرم نابالغ مرهوق بولنديني يعني فعل وعملك نتيجه سي بر جرم اوله جفتي فرق و تميز ايدرك متممداً اول جرمي ايشله مش اولديني صورتده كذلك اصلاح نفس و انتباه ايجون جرم واقعتك نوع و ماهيت قانونيه سنه و مجازات اصله كن ربعدن نهايت ثلثي مقدارينه دكين معين اولان درجات متفاوته سنه كوره حبس جزالري تمديد اولمقله برابر مجازات فرعيه دن اولان پوليس نظارتي التمهده الته بيلور.

اشبو ماده قانونيه ده كوستريلان وصف جرمة نسبتله صفت اهليه لري تعيين ايديلان فاعلردن سني اون اوچ و اندن اشاغی اولان مجرمينك (صبي غير ميتر) واون اوچدن اون بشه قدر اولنلرك (مرهوق) واندن يوقاروسنك (بالغ) اعتباري محكمه تميزجه اوتهدنبري اتحاد اولان قاعده مرعيه ايجابندن بولمشدر. اگرچه (۱۹۷) نجی ماده قانونيه كن جنحه درجه سنده تمديد ايديلان حكمي اون بر ياشندن اشاغی بر چوجق حقدنه اجرا اولنان جرمة منحصر بولنش ايسه ده دستورك دردنجي جلدينك (۳۷۱) نجی صفحه سنده مندرج اولان ۷ صفر سنه ۹۱ تاريخي تذكرة عدليه مندرجاته كوره اون اوچ ياشني تكميل ايتامش اولان اولاد ذكور و انك صبيانندن معدود بولمقله بولنور بالاغفال رضالريه فعل شنيع اجرا اولنسه بيله رضالرينك حكمي اوليوب جبر طبعي عد اولنور. بونك مافوقی يعني اون بش ياشني هنوز اكمل ايتامش اولان مجرمك بلوغاري ثابت اوله مديني تقديرده (مرهوق ميتر) عديله شو (۴۰) نجی ماده به توفيقاً جزا كورملري لازم كلور. شو حالده بولنلرك رضالرينك دخي بر درجه به قدر حكمي اولمق اقتضا ايدر. بناء عليه ماده مباحث عنهايله تذكرة عدليه احكامك تأليف و تلفيق مقدراتي بختنه كلنجه ؛ كوريلوركه تذكرة عدليه ماده قانونيه حكمني تشریح و توسيع اتمكده در. احوال مماثلده ايسه محاكمجه بوكا توفيق معامله ايدلمكده در.

بعض علمای حقوق تذكرة مذ كوره مندرجاتي حكم قانوني تشديد و تغيير اتمكده اولوب حالبوكه بونك قانون حكم وقوتی حائز و مدار استناد عدی جائز اولمديغندن محاكمجه مابه الامتثال اوله ميه جفتي افكارينه ذهاب اولمقده چونكه حكم قانون اون بر ياشنده اوليانلره دائر ايكن تذكرة مبحونه اون اوچ ياشنده اولنلره شامل و منحصر اوله ميور. سن بلوغ ايسه مواد جزائيه ده اون بش اعتبار اولنوب بو ياشنده اوليانلرك رضاسيده

اولسه مقبول اوليه جغندن حكم قانونك اون بش ياشني تكميل ايتامش اولنلر حقدنه جريان ايتسي مناسب اوله جفتي رايته طرفدار كورونمكده و بو مثللو مجرم حقدنه (۲۹۷) نجی ماده قانونيه به بالاستناد معين جزا اولنلرك اون اوچ ياشني اكمل ايتامش اولان ذكور و انك صبيانندن معدود بولنلرك جهته بولنلره ايقاع ايديلان افعال تعديكارانك جبر معنوي يي احتوا ايدليكسي مشعر و مفسر اولان تذكرة عدليه كن عدم اعتبارينه ذهاب ايله اعتراض اتمكده ايسه لرده بز بولنلره قارشى ديرزكه :

خير و شري فارق اوليان صبيانك كافه افعال و حرركاتنده رضا و خلافك حائز قبول و اعتبار اوله مامسي قوانين عموميه ايله موضوع و مؤيد اولان قواعد اساسيه دندر. مال تذكرة دخي بواصول قانونيه كن توضيح مدلول و مفهومته تعلق ايدن تفسيرى مشتمل اوله يور. مادام كه قوانين موجوده كن احكام عموميه سي صبيانك تصرفات قوليه و فعليله رينه غايد معاملتده جريان استثنائي عتوي بولنسي اعتباريله ده لكه دار ناموس انسانيت و پرده بيروانه و حيثيت شكنايه چاچاك فضايت ايدلك استنلان صيلركه دامنلري پاك، وجدانلري تابناك، دريتم شفاف كي خالص و صاف معصومدرلر. بونورسيدكان ادب و عرفان نشأت نماي دبستان ايكن بولنلرك عفت و نزاهت معصومانلرينك دوجار اولديني تعديت قبيحه كن مادی دكلسه بيله معنوي جبردن معدود اولسي رهين الويت بر قاعده عدالت دكيدر ؟

مادام كه تذكرة عدليه با اراده سنه مؤسس اولان دستور قوانينك جمله مجموعه مندرجه سننددر. افعال و تعديت شنيعه ده صبيانك رضالري فرض اوانسه فاعل مختار اولان ارباب رشد و سداد ايله كندولرينك مساوي عد ايدملري كي بر نتيجه معكوسه حاصل اولمازي ؟

حقايق مشروحه دن استنلال ايديلان اجتهادات ايله احوال مماثلده محكمه تميزك مقررات واقعه سي اوتهدنبرو بو مركززه جريان اتمكده اولوب عين جرائم حقدنه محكوميت جزائيه شمدي به قدر بو صورتله دوران نماي تنفيد اوله كلكده در. بناء عليه افكار متخالفه ده اصابت كوريله ميور.

بوندن اكلا شيلوركه ترتيب مجازات بختنده فاعلك بالغ اولوب اولمديغنه عطف نظر اولمق لازم كلور ايسه ده فعل شنيع خصوصلرنده مفعولك حد بلوغی اساس اتحاد اولنلرك فعل واقعتك كندوسنه مضر اوله جفتك فرق و تميزنده بولنوب بولنديني و اغفالي قابل ويا بر كونه مخالفت و مقاومت مقتدر اولوب اولمديني جهت و زمانلر نظر اعتباره التقي ايجاب ايدميور.

اوروپا دولتلري نزدنده حد بلوغ ايله حد رشدك اون بش سنه دن پك زياده اولديني حالده صبيان حقدنه بلاجبر مادی اجرا ايديله جك فعل شنيع جرمنده سن صينك حد بلوغ ويا حد رشده نسبتله تعيين ايدليوب سن مذكور دول متمنه جزا قانونلرنندن بعضيسينده (اون ايكي) و فرانسه ده (اون اوچ) و المانيا و اوستريا ايله بلچيكا و اوچ قانونلرنده (اون درت) سنه دن اشاغی اولمق اوزره تعيين اولمشدر.

بعض مؤلفين حقوق جزائيه بو مثللو افعاله اون درت ياشني تكميل ايتامش بولنوبده بر كونه مقاومت

و مخالفته بولنیان بر چو جفك استدلال ایدیلان رضاسنك مقبول عدی جای ملاحظه بولندینی فکرنده درلر .
بونك ایچون اون اوچ یاشنك اون درده ابلاغی موافق حال و مصلحت کوردرلر .

صدد بختمنزه تعلق و ارتباطنه مناسبت مفیده سی بولنان شو معلومات منضمه نك دخی نظرگاه استفاده به
عرضی مناسب کورلشدی .

احکام فقهیه مزده رشدك ثبوتی بعدالبوغ اوصاف مطلوبه نك تحقیقنه وابسته در . بزم قوانین عثمانیه مزك
هر شعبه اداره سنجه یکریمی یاش سن رشد تعیین اولمشدر . بزجه حد مذکوره اعتبار مقرردر . یوقسه
هنكام شباب ایچون اقلیمك استعداد و قابلیت تمیه سی نقطه نظرندن تعیینی مخالف ایدن سن بلوغ و رشدك
آوان جوانینك درجانه نسبتله حدود طبیعی سی موضوع بختمنز دکلدر .

حکومت اجنبیه دن بعضیلرینك سن رشدی تعیین ایدن قانونلرنده کوریلان حدود آتییه نظر آفرانسه ،
انگلتره ، ایتالیا ، روسیه ، یونان ، رومانی ، بلجیقا ، صاقسونیا ، فنلاندیا ، الساس لورن ، لوکسنبرغ ،
نوروچ ، لهستان ، پورتگیز ، صربستان ، اسوج ، اورانز ، ترانسوال ، بره زلیا ، قنادا ، متحده آمریکا ،
دومینك ، قوسقاریقا ، پهری ، غواتمالا ، مکسیقا ، نیقاراگو ، براگو ، اورغوا ، ونه زوئلا ، حکومتلری
یکریمی بر و المانیا ایمپراطورلنی ، پروسیا قرالنی ، اوستریا مجارستان یکریمی درت ، اسپانیا ، اسویجره ،
ورتمبرغ ، دانیمارقه ، بولیویا ، شیلی ، سالوادور یکریمی بش و فلمنك یکریمی اوچ و ارژانتین یکریمی ایکی
و ژاپون یکریمی و چین اوتوز و ایران اون بر یاشلرینی سن رشد عد ایشلدر .

ایشته تعریف و تفسیری بختنه خامه ران شرح و بیان اولق ایستدیکمز (۴۰) نجی ماده قانونیه دن استفاده
ایده جك مجرملرك سجل نفوس نظامنامه مدلك ایکنجی و بشنجی ماده لری ایجابجه تاریخ ولادتلرینه نظراً
سن صحیحلرینك درجه سی اكلاشلمق و اعلامات حکمیه ده مضبوط اولان واقعه جرمیه نك زمان جریان
و گذرانی تاریخلری بالحساب تعیین قیلنمق اوزره اول امرده متهملرك یدلرنده موجود اولان و پولیس معا
ملاتنده و محاکمه مراجعتده ابرازی لازم کلان نفوس تذکره عثمانیه سنه و یوغیسه متهمك منسوب اولدینی
محلك نفوس اداره سی سجلاتنك قید رسمیه سی مراجعت اولنق لازمه دندر .

تعیین درجه سن امرنده شایان قبول بعضی اعتراضات سرد اولندینی حالد متهمك جثمه سنه و ناصیه حاله
نظراً تنظیم و اعطا قلنان راپورلری و یا ارباب وقوف و اهل خبره تقریرلری و ثائق معتبره دن معدود
اوله مدیفچون متهمك بولندینی قضا و یا مرکز لوا و ولایت مجلس اداره لری و نظامنامه ده هیئت مخصوصه سنك
صورت تشکیلی تعیین ایدیلان تحریر نفوس قومیسونلری معرفیه اصولی دائره سنده تحقیقات و تدقیات
مقتضیه نك اجرا ایتدیرلمسی ضروری و مجبوریدر .

بونظامنامه نك اون برنجی ماده سی احکامی موجبجه سجدله مقید اولان اهالیدن هر فردك باعرضحال
اسباب موجبیه بیانیه تصحیح سن وقید اداسنه حق و اردر . اقامه ایدیه جك شاهدلرك طشرمه جه مجالس

اداره ده وقوعه بولجق تقریر و افاده لری و اجرا قلنه جق تحقیقاتك نتایجی اوزرینه بو ادعا مقبول اوله بیلیر .
اوحالده تصحیح سن وقیدلری جائزدر . درسعادتجه ده بویولده استدعاده بولنانلرك محله سی طرفندن کتوره جکاری
علم و خبرلرك مؤداسی و طشره لی اولدینی حالده کنیه بوصله سی موجبجه اقامه ایده جکاری شاهدلرك شهر
امانی مجلسنده بعدالتدقیق وقوعه بولجق افاده و تقریرلری و اولبابده شورای دولتك نتیجه قراری اوزرینه
مقبول طوتیلور . اکاکوره تصحیح سن وقیدلری جائز اولور .

بو قاعده موضوعه نظامیه اقتضاسنجه متهمك مجلس اوزرینه صورت حال و شاننه عطف نظرله سن
صحیحی تعیین و تقدیر ایدیه مز . چونکه نفوس نظامنامه سنك (۶۱) نجی و (۶۲) نجی ماده لرینه کوره
تخمین اوزرینه تعیین درجه سن جائز اوله مز . انجق ذکر اولسان (۱۱) نجی ماده ایجابجه تعیین سن
قرارلرینك شهادات واقعه نتایج حاصله سنه مبتنی اولسی لازم کلور .

شو حالده تعیین سن مسئله سی حقدنه مجلس اداره جه تحقیقات اجراسی و انار جبر و تضییقه دائر قابله ایله
طیب طرفلرندن و یریلان راپورلر بیننده کوریلانك فرق و تفاوتك فناً حل و تسویه سی لازمه دن ایکن محکمه جه
بو جهتله قرار ویرلمسی و قابله ایله طبیك اثنای محاکمه ده جلبلریله استیضاح کیفیت اولنامسی و مغدوره نك
تاریخ ولادتنه نظراً سنه قریه حسابیه بالغه اولوب اولمدیغك کوسترلماسی و فعلده جبر طبیی و متهمك درجه
سنی جهتلرینك اصول محاکمات جزائییه قانوننك (۲۹۰) نجی ماده سی موجبجه مجرمیت مذاکره سنده
تدقیق و تقدیری لازم کلور ایکن بورالرینك تعیین مجازات مذاکره سنه بر اقلیمی اصول محاکمه جه اسباب
تقصیه دندر .

محاکمه ضبطنامه سنده کوستریلان بر تاریخ وقعه نك تخطرنندن استدلالاً احتمال اوزرینه تعیین درجه سن
جهتیه کیدلمسیده موافق اصول کوریه مز . مادامک متهمك تذکره عثمانیه سی موجود و مسقط رأسی معلوم
دکلدر . شو حالده نفوس قید رسمیه سی دسترس اوله مدینی تقدیرده محله سی و یا قریه سی اختیار مجلسندن
ولادتی بیلور بیطرف ارباب وقوف و معلوماتدن اصولی دائره سنده مرجع قانونی معرفیه تحقیق کیفیت
اوله رق تعیین و تقدیر ایتدیرلماسی نقص حکمی مستلزم اسباب قانونیه دندر .

ایضاحات مشروحه قانونیه نتایجندن مستبان اولورکه وقعه زمانی هنوز اون اوچ یاشنی اکل ایتامش
اولان بر متهمه صی و اون بش یاشنی تکمیل ایتامش بر مجرمه ده مراقب نظریله باقیله رق حقلرنده (۴۰) نجی
ماده نك تعیین ایلدیکی معامله قانونیه اجرا اولنق لازم کلور . و بودرجه سن خصوصلریده نفوس جریده سنده
مضبوط اولان قیودات رسمیه ایله ثابت اولور .

بو قاعده عمومیه نك بر استثناسی و اردر . تعیین و تقدیر سن مسائلنك جبل لبنا نجه مجلس
اداره حواله اولمیوب اولبابده موضوع اولان اصول و نظام دائره سنده استیفاف جزا محکمه سنجه

تدقيقى مناسب اوله جغنه دأثر انجمن عدليه قراريله يازيلان ۱۷ شباط سنه ۳۲۴ تاريخلى تذكرة عليه ايله اجراى تبليغات اولمشدر .

مهره حقوق جزايشدن بهره ور علم و ادب بعض مؤلفين غرب حال صباوت مجرميتى ازاله ايدم جـك ربيـة انسانيه دن عبارت اولدينى و فعل مدعا بهك حدذاتنده اثر جرم بولمدينى ايچون مرهقلىر حقنده لاحق اولان قرارلر رأساً قابل تميز دكلدر ديورلر .

معفويت قرارلرى دخى برائت وعدم مسؤايت كى رأساً تابع تميز اولمدينى رأينده بولنورلر . چونكه اصول محاكمه نك (۳۲۲) نجى ماددى موجبجه استدعايه حاجت اولمقـمـزـين رأساً و رسماً قابل تميز اولان احكام ، جنائت جزايرينه متعلق اعلاماتدن عبارتدر . حال صباوت و مرهقيت كى محكوميتى منتج اولان جرم اساساً افعال جنائيه دن بولمش ايسده حال صباوتك مرهقلىق درجه سى دخى اسباب معفويت شخصيه دن اولمسنه كوره (۴۰) نجى ماده ايچـانـجه استلزام ايله چكى معامله بر جزا اولمىوب فاعل جرمك اصلاح نفس و انتباهه دعوتى ضمنتده اتخاذ اولمش بر تدبير قانونيدر . احوال مماثلده تعين ايديلان جزايى حاوى اعلامك تميزاً تدقيقى استدعا اولمديقه رأساً تدقيقات تميزيه اجراسنه مساع قانونى اولمدينى مطالعه سنده بولمشلردر .

قوانين عثمانيه نك غوامض و دقائقه دوربينانه و حقايق جويانه نظرلر اماله ايدن بعض اصحاب علم حقوق دخى صباوت دكل - يالكر مرهق بولمده بونك عكسنه بيان رأى ايدرلرده ديرلر كه : درجات متفاوتيه منقسم اولان مجازات انتباهيه نك اساسى تشكيل ايدن حدذاتنده جنائت حكمى متضمن اولمق واصلدن انبعث ايدن فرع حقنده كى جزالرك مقياسى اساسه تبعاً طوغرى اولوب اولمدينى اكلاشلىق اوزره مرهقلىر حقنده تلاحق ايدن بومثلاو احكامك رأساً قابل تميز اولديغنه قائل اولمشلردر .

بمضمونه مناسبى بولنان شو جـهـتى ده علاوه سـويـايـه كـه صبى و مرهق بولنان فاعلر كى اكثر احوالده مغدور اولان طرفه دخى بو جهتلر حقنده اماله لحاظه تدقيق اولنور .

مثلا (۲۰۶) نجى ماده علاوه سنك اوچنجى فقره سى حكمنجه بكر غير بالغه يى جبراً قاجيرو ب غشاي بكارتنى ازاله ايدنلرك او فعل ايچون معين اولان جزانك منتهاي درجه سيله جزالديرلملىرى شرائط ثلثة آتیه نك وجودينه متوقف بولندينى محكمه تميزجه تقرر ايدن مسائلدن بولمشدر .

بو شرطك برنجيسى ، قاجيريلان قزك اون اوچ ياشندن اشاغى اولمى ايكنجيسى قاجيريلان محلك قريه و شهر داخلنده بولمان مسـا كـنـدن عبارت اولمىوب ترلا و قير و باغ و طاق كى اوزاق يرله كوتوريلوب كشت و كذار ايتديرلمى

اوچنجيسى ازاله بكر وقوعنك تحقق ايتمش بولمى مشروطدر .

فرضا (۱۰۹) نجى ماده ده كوستريلان مجازاتك تعينى مستلزم اولان احوالدين بریده مغدورمك صغيره

اولمق و مهمك بولنلرك اوزرلربنه حقيقه حكمتى نافذ و جارى اولان مرسىلىرى ويا ولىلىرى قيبلىندن بولنلق تقيداتنه مربوطدر .

حقوق عموميه دعواسنك اقا و تمقيدى توليد ايدن نتايج طبيعيه و ضروريه دندركه مظنون عليهك اهليت قانونيه سى اولمدينى تقديرده بيله ولى ويا وصى كى مقامنه قائم اولنلرك مظنون صفتيله جالبى جائز دكلدر . چونكه مظنون عليهك صغرى حالىده اساس دعوايه تعلق و مناسبى اوليان بو كى و كىلى طبيعيلرك جلب واستجوابنه لزوم قانونى يوقدر .

طلعت

استنطاقك صورت اجراسنه دأثر بعض قواعد اساسيه و معاملات عموميه

سكزنجى نومرولى نسخهدن مابعد

مظنونك يالكر بردفعه استجوابيله ا كـتـفا ايدملى ، چوق دفعه مظنونلر جرمى نفسندن تبعيد ايچون ذهنده ترتيب ايتديكى بعض جهتلرى سويلدكن برقاچ كون صكره ايكنجى و اوچنجى دنه اجرا اولنه جـق استجوابنده اولكى افادلرينه مـباين بعض افاداتده بولنه جـقـلـرى امثاليه مثبت اولمسنه بناء استجوابات تكرار ايتلى و يكديكـرينـه مـباين ويره چكى افادات قيد ايدملى و كوريله جـك مـباينـت اوزرينه ورنجى استجوابنده بويله ايكنجى و اوچنجى استجوابنده شويله ويا پوليس و ژاندارمه دائرلرنده بويله سويلش سك كى ماهيت مـباينـت نادن عبارت ايسه صراحة كنديسنه بالتفهيم اسبابى استيضاح اولملى .

۱۴ - مظنون عايك اثنای استنطاقده اقوال و احوالنده كوريلان تبدلات و حرركات و بوزنده مشاهده اولنان تحولات يك زياده حائز اهميت اولديغندن حين استجوابنده مستنطق استنطاقنامه يه مظنونك بولندينى احواله دائر معلومات درج ايتلدر . مظنون كمال سربستيله جواب و يروب و يرمديكى و كنديسنده مثلاً علام جنت ، تهور ، حال سكر موجود اولوب اولمدينى و متانتى محافظه ايدوب ايتديكى و سپاسنده نه كى علام مشاهده سنده نه كى تبدلات جس اولنديغنى ايراد اولنان سؤاللره همان اعطاي جوابه مقتدر اوليورمى يوقسه بعد التامل بعد التردد مى جواب و يرمكده اولدينى جهاتى بالخاصه مستنطق نظر دقتى جلبله مظنونك كرك سپاسنده و سسندم و كرك احوال سائر سنده خارق العاده علام مشاهده ايتديكى صورتده بونك سببى مظنوندن بعد السؤال آلاجنى جوانى استنطاقنامه يه درج ايتمى لازم كلير .

۱۵ - اثنای استجوابده كندوسنه ترتيب و ايراد ايديلان سؤاله جواب و يرميوده مقدمه يعنى قبل الاستنطاق مظنون عليهك كون و ساعتى تعين ايدرجه سـنـه ترتيب و تصنيع ايتمش اولدينى افادات كاذبه سنى قيد

وضبط ايتديرمك خصوصنده كي مطالب وارزوسنه مستنطق ميدان ويرماملی واستعجال ايدليه رك صرسي كلدكده بونقطه حقنده كي افاداتی. قيد ايديله چكي افهام اولوب سؤاله جواب ويرمسي اخطار اولملي وصره كلنجه افاداتی ضبط ايدر كن مظلون بيانانده كاذب اولديغنی مستنطق بيلديكي حاليه بويونده كي معلوماتی اظهار ايتيوب مظلونك كذبده دوامنه مساعده ايتلي.

۱۶ — مظلون عليهك برنجی سؤاله ويره چكي جواب قيد وضبط اولنمازدن اول ايكنجی سؤال ايراد وبيان اولنماملی.

۱۷ — مظلون عليهك جوابی صريح وواضح اولسي ايجاب ايتسنه نظراً « بيلم، تخطر ايتم، ظن ايدرم بلكه، محتملدر » بولنده اولان اجوبه سنك اقرار ويا انكاره حلی ممكن اولديغندن حقيقت حال كندوسندن استيضاح هر حاله قطعيت افاده ايدن جوابلر آلنه رق استنطاقنامه يه قيد ايدملي.

۱۸ — مظلون عليه برطاقم يلانله صابوبده اول صورته مدافعه حصرو ترتيب ايتدكده مستنطق كندوسيله مباحثه ومجادله لفظيه يه كيريشماملی ومظلونك احوال واطوار حاضره وسابقه سي واستعداد وميل ذاتی وشهرتی حقنده ايجاب ايتدكجه شهوددن ومحل ويا قربه سي هيئات اختياريه سندن استيضاحاتده بولملي.

۱۹ — برجرمك عقيب وقوعنده قلوب ناسه حاصل ايدليكی تأثيرات معنويه دن طولاي اوفلك فاعللرينك ظاهره اخراجی ايجون هر طرفدن غيرت اماره لری كوريله چكي وقوعات دخی يكي اولديغندن كورنلر دخی بولنه جنی جهته اواننده فاعللرك ظاهره اخراجی امرنده كي تشبثات جديده منتج موفقيت اوله جفندن مستنطق جرم مشهود وقوعی خبر آليز آلاز كال استعجال ايله محل وقوعاته بالعزيمه دلائل واماراتی منتظم برصورته جمع وتلفيق ايتمك ومرور وقتله زائل وقوته ضعف طاری اولسنه ميدان ويرمماك صورتيه جداً وظيفه پرور صاحب حيت متحيز برمايور اولديغنی فعلاً اثبات ايتلدير.

۲۰ — برنجی استنطاقك تاخیری اكثراً حقيقتك تظاهر ايتماسنه سبب اوله جفندن برجرم ايله مظلون اولان شخص اله كچوريلور كچيرلر بلا تاخير استجوابنه ابتدارله اوزون برمدت تأمل ويا ديكر اشخاص وياخود نظارت وموقوفين قغوشنده بولنان اشخاص ايله ملاقات ايدر ك كرزكاهلر تصور وترتيبه امكان براغلماملی.

۲۰ — اختلاطدن ممنوعيت جهتی مساع قانونيه مستند بر تدبير مهم اولوب بو حال چوق كره حقيقتك انكشافه سبب اوله بيله جكندن برجرمك متعدد مظلوناری دردست ايدلدكاری صروده ويا مركز حكومه كتوريله چككاری هنكامده يكديكريه ملاقات واختلاطلرينه وويره چككاری ايضاحاتی مذاكره واستشاره ايله اتفاق ايتاملرينه امكان بوله ماملرينی تأمیناً مأمورين عانده سي بوخصوصه پك زياده دقت ايتمكله برابر نتیجه استجوابلرينه دكينده ممكن اولدينی برمرتبه متفرق محللرده بولنديرملی وبريسنه ترتيب ايديلان سؤالردن ديكری آكاه اولماق ايجون يكديكريه وخارجدن ديكر اشخاص ايله وبخصيص

محبوسين وموقوفين سائر ايله اختلاط ويا مخابره ايدر ك اخذ تعليمات وتلقينات ايتلرينه ميدان بوله ماملری وسائلنك استكماله مزيد اعتنا اولمليدر. مظلونلر آیری آیری استجواب اولندقدن صكره افاده لرنده ظهور ايدجك مبايت اوزرينه لدی الايجاب بربريله مواجهه ومبايت واقعه برر برر اخطار صورتيه ده اقرار جرمه مجبور ايدلدير.

۲۲ — جرمی منكر اولان مظلونك عالينده كي شهود استماع و دخل واشتراكنه دائر اولان دلائل وامارات جمع وضبط اولندقدن صكره مظلون عليهك تكرار استجوابيله برنجی استنطاقده مجهول قالان دلائل وامارات واحوال ووقايع حقنده ايضاحات اعطاسيچون يكيدن استنطاق ايدملي.

۲۳ — مستنطق طرفندن مظلونه ايراد اولان سؤاللر ايله ويرديكي جوابلر عیناً بعبارتها ضبط اولنق اقتضا ايدر. مستنطق نه سؤاللری ونده جوابلری تعديل وتبديل ومظلونك مقصدينی ترجمه وكشف وتفسير ايدمن الحاصل استنطاقنامه، استنطاقك بحق بينه سي اولق شرطدر. بناءً عليه مظلونك بياناتی، اقراری، انكاری اظهار ايدليكی شهبه لر ترددی، تناقضی رجوعی بونلرك جمله سي استنطاقنامه ده صراحةً مسطور اولق شرطدر.

۲۴ — دعاوی جزائيه ده مظلونك وقوعولان اقراری منفرداً سند اوله ميه جفندن او اقرار اوزرينه ايجاب ايدن نقاطك درحال تعميقيله صحتك تأيیدی شرطدر. بناءً عليه مظلون عليه جرمی اقرار واعتراف ايدر ايسه نه قدر اوزون اولور ايسه اولسون بلا فاصله افاده واقعه سنك صورت وانضوده ضبط ايدملي لازم كلور. افاده سي ضبط اولندقدن صكره ده امر استنطاقه ختام ويرليوب لازم كالان اسئله نك ترتيبيله جوابنامه ده مشكوك ومبهم قالان جهتلر تكرار آیری آیری سؤاللر ايراداً اقرار جرمه متعلق مظلونك ايضاحاتی حقنده آتياده هيئت حاكه جه قناعت نامه حصولی اسبابی تأمین ايدملي والحاصل مستنطق عادی مختصر بر اقرارله اكتفا ايتيوب جرم واقعت اسباب وتفرعاتی اكلامق اوزره جرمك زمان ومحل وقوعی واتخاذ اولنان فرصت واستعمال ايديلان تدابير ووسائل وواقعا وانان جرمندن متحصل نتايجه وثبوت جرمه مدار اولان كافه احواله متعلق اوله رق حكيمانه وماهرانه سؤاللر ترتيب ايتلي والته جق جوايده قيد وضبط ايدملي، چوق كره مظلونلر اقرار جرمندن صكره انكاره صابديغنی ويا اغفال نتیجه سي اوله رق خلاف حقيقت بيانانده بولنديغنی بيان ايتدكاری واقع اولدينی و اقرار جرمی متضمن افاده سي ده هر درلو احوال وماهياتی جامع اولسا يوب مهم و مختصر بولنديغنی جهته نه بخشنده بحق ترددلر حصوله كيترديكی و حتی بعضاً كندوسي جرمده ذيمدخل اولمديغنی حاله اصل فاعللرك اطماعلری، تشويقلری نتیجه سي واحوال سائر الجا آتلك مغلوبی اوله رق جرم مسند بهك فاعلی اولق اوزره اعترافانده بولنديغنی واقع اولديغنی جهته بو كي احواله بر مظلون جرمی اقرار ايدنجه (اكر اقرارانده كاذب اولماديغنه قناعت كلينسه) مؤخرأ اقرار واقعی بتون انكاره ياخود تغيير وتبديله امكان بولماق وشايد معصوم اولوبده حسب الجهاله اطماع ويا اغفال نتیجه سي اوله رق

کندوسنی بشقه سی یرینه فاعل جرم کوسترمک کبی خیل و خدعه موجود ایسه بونقطه مهمه ودقیقه تظاهر ایتک اوزره اقرارنده بیان اولنان احوال و وقوعاتک اصول استنطاق وجهله بشقه جه تأیید و تعمیق ایله موقع ثبوت ایصالی لازم کایر. بالفرض الله ایدیلان برورقه فسادیه کندی خط دستیه محرر اولدینی مظنون علیه اقرار ایتسه بیله اهل خبره جه استیکتاب و تطبیق خط معامله سندن وزهر ایله بریسک وفاتی وقوعنده مظنون علیهک اقرارندن ماعددا زهرک نوع و جنسی و تأثیراتی اکلاشلمق اوزره موفانک طیب معرفتیه کشف و معاینه سندن وزهری صتون آلدینی دکان صاحبندن ویا بوباده وساطت ایدناردن وروولور ویا بچاقله قتل ایتدیکنی اعتراف ایدن بر مظنونک روولوری ویا بچاغی الله ایدیلرک نازه آتیلوب آلمادینی ویا بچاقده علامت دم موجود اولوب اولمادینی و تفک سیلنوب یاغلامش ایسه اوزرندهکی توزه و سائر علامته نظراً ارباب فنیجه قاج کون اول یاغلامش اولدینی جهاننک و بوکا نمائل احوال سائرتهک اهل خبره و مجروحک جریحه سی نه نوع سلاح مریدسندن متحصص اولدینک و جرحه لر متعدد ایسه عین سلاح ایله می متحصص و کافه سی می منتج موت اولدینک طیب معرفتیه معاینه سندن و شبهه لی بعض اقرارلرده دخی پوصو قوره رق استعمال سلاح ایتدیکنی بیان ایلدینی صورتده پوصو محانی دخی کشفه تعریف ایده چکی وضعیه نظراً اوخلدن آتیلان سلاحه مقتولک آلدینی جریحه یی حصوله کتوره یلمسی حقنده کی مطالعات فیه نک اخندن هیچ بر زمان صرفنظر اولنمایدیر .

۲۵ — بر مظنونک اثنای استجوابنده حیل کلامیه اصلاً استعمال ایدلمامی مظنون جرمک فاعلی اولدینیه دائر هنوز هیچ بر دلیل یوغیکن بعض مستنطقلرک ترتیب ایتدکاری سؤالر وجهله ، بتون کوبلی سنک ایچون شهادت ایدیور نه دیه جکسک انکاره محل یوق کبی موجود اولمیان احوال دن بحثله و خلاف حقیقت اسئله ترتیبیه استنطاقنامه لر قید ودرج ایدلمسی صفت رسمیه ایله غیر قابل تألیف اولدینندن بعدما بوکی احوال دن اجتناب ایدلمایدیر و مستنطق هیچ بر وقت معلومات ذاتیه سی اوزرینه اسئله ترتیب ایتیوب اوراق موجودده مضبوط اولان احوال و حقایق اوزرینه مظنونی استجواب ایتلایدیر .

۲۶ — اذا وجفنا ذاتاً وقانوناً ممنوع وبعض احواله حقیقه مرتکب جرم اولان مظنونلرک اقرار جرم ایتدکارینک وقوعی تسلیم اولنقله برابر بر بیکنهاک ایشله مامش اولدینی بر جرمی اجبار و اذا ایله نفسیه اسناد و تحمیل ایتدیکی ده مستبعد اولمادینی جهته بالعموم ضابطه عدلیه صفتی حائر اولان مأمورین مظنونی انحق استجوابات عمیق ایله وعلیهنده کی دلائلک بالاعداد نظرند تحسین ایتدیلمسی و بناءً علیه شو احواله قارش حقیقتی اعترافدن ماعددا محلی قلمدینی نیقن ایتسی صورتیه اقرار جرمه اجبار ایتلایدیرلر .

۲۷ — فعل مدعا بهد ذیمدخل اولان بض مظنونلر استجواباتی تکرار ایتدکجه مدافعه کاذبه لرنده بر کونا مابایت وقوعبولماق اوزره اولکی استنطاقده مضبوط افاده سنک قرائتی طاب ایدرلر سده بوباده

رضا و یروب و یرمه مک جهتمده مستنطقک بر مجبورتی اولدینندن اکثریا بو مثله تکلیفک ردی و بوکا دائر استجوابنامه ده صراحت اعطاسی لازم کایر .

۲۸ — مظنون علیهک تحت اقرار و اعترافنده بولنان احوال و وقوعات اوزرینه بر دهها استجواب اولنماملی شوقدرکه استیضاح ایدلمامش احوال و تفرعاتی و جرمک اسباب موجبیه سی و فاعل مشترک اولان اشخاص حقنده معلومات جدیده استحصانه سی و غیرت ایدلمی بعض کره دخی بر مظنون علیهک برنجی استنطاقنک مقر و معترف اولدینی احوالی ایتدینی و اوچنجی استنطاقنده انکار و تکذیب ایتدیکی مجرب بولدینندن و بر طاقم مظنونلرک چوق دفعه کورلدیکی وجهله جبر و تضییقه و تعلیم و تلقینه و یا سهو و غفله مبنی برحالی اقرار ایلدکاری اثنای محاکمه ده ادعا ایتدکده اولدقنلرندن ذاتاً التفات و قبوله شایان اولمیان بوکی واهی ادعایه ینه میدان قالماق اوزره اقرار واقفک انفاذه ذکر اولدینی وجهله تفصیلات و تفرعاتیه قیسه وضبطه دوشورلمسینه صوک درجه اعتنا و دقت اولنلایدیر .

۲۹ — مظنون علیه و سائرینی جلب واستنطاق ایلدیکی اساده مستنطق کال وقار و تمکین ایله منفرداً سؤال واستجوابه ایتدار ایتلی ، مهابت حکومتی ازاله ایده چک لطیفه و سائر معاملاتن توفی ایتلایدیر .

۳۰ — استنطاقه شروع اولنه جنی صروده مظنون تمارض و تملل ایله امرار وقت ایتک ایستدیکی حالده طیبیه درحال اراش و معاینه ایله افاده سی واهی اولدینی طیب طرفندن بارپور بیان اولنور وینه اولکی افاده سنده اصرار ایده چک اولورسه اختلاطدن منع ایله خارجدن کاغد ویا معلومات آله میه جق صورتده تحت نظارت و محافظه ده بولنیریلوب دیگر ایجاب ایدنلرک افاداتنک ضبطدن صوکره استجوابنه مبادرت اولنلی شاید مظنون کلیاً جواب ویرمکدن ویا بعض سؤالر جواب اعناسندن استکاف ایلر و بالاستیضاح سبب و حکمتی ایضاح ایدرسه بوسیدلرک دخی استنطاقنامه یه درجی لابدر . و کلیاً جواب اعطاسندن استکافی حالده منکر عدلیه تعمیق تدقیقانه کیریشلمک ایجاب ایدر .

۳۱ — اصحاب ذکاوتدن اولان مستنطقلر قارشوسنه کتورلمش اولان اشخاصک حال و طور و حرکاتندن و سس و اشکال والوانندن اسناد اولنان فعلک فاعلی اولوب اولمادینی تفرس اقتدارینی حائر اولدقاری غیر منکر بر قضیه اولدینندن بوکی احوال مشامده اولندوقده تعمیق تدقیقانه اظهار حقیقه مستنطقلر سی و غیرت ایتلایدیر .

۳۲ — مظنون لسان رسمی به آشنا اولمازسه تعیین اولنه جق ترجمانک هر ایکی لسانک شیوه سنه وقوفی اولدینی تعیین ایتلی و سنی یکر می بری متجاوز اولماسی و سنی ایله تحلیفی اجرا ایلدیکی استنطاقنامه لرنده صراحتاً کوسرتملی و افاده سی زیری ترجمانه ده امضا و یا تمهیر ایتدیرلمی یازی ییلمز، مهری بولمازسه بوجهته علاوه کوسرتملی .

۳۳ — تهدیدات و واهی امیدلر چوق کره مظنون علیهک شاشروب حقیقه مقرون اولمیان بر طاقم

اقرار کرده بولمسی منتج اوله جغندن مستنطق مظنونى استنطاق ایلدیکی صرمدده اقرار جرمة مجبور ایتک ایچون تهدید اتده بولنمیز . مثلاً حقیقتی اقرار ایلدیکی حالده دولابه صوقه رق اختلاطدن منع ایدم چکی پرانغه اور دیره رق حرکات طبیعه سنی تضییق ایندیره جکینی و بوکی تخدیش ذهنی موجب اوله جق شیلر سویلیه من کذلک مستنطق هیچ بر احوالده اولجده ذکر اولدینی وجهله مظنونى اقرار جرمة مجبور ایتک ایچون جزادن وارسته اوله جینی و تخفیف جزاسی جهتنه کیدیله چکی بولنده تأمینات ویره من . و دهسا امیدلره دوشورمک صورتیله اغفال ایدمیز .

۳۴ — مستنطق مظنونى استنطاق ایلدیکی صرمدده کویا کندیسنه اسناد اولنسان فعلی اقرار ایتش کی سؤالر ترتیب ایتمالی در . مثلاً مظنون کندیسنه اسناد اولان فعلی انکار ایتکده ایکن مقتولی بچاق ایلمی سونکی ایلمی اودون ایلمی اوردک کی سؤالر ایرادی جائز دکلدر بویولده وسیله لر ترتیب ایتک هم مظنونى اغفال و همده اسلوب حاکمیته یا شماز بر مسلك اختیار ایتک دیمک اولدیغندن بوندن اجتناب ایدلملیدر .

۳۵ — تضییقات ماده شویله طورسون بعضاً تضییقات معنویه دخی مظنونى خلاف حقیقت ارله رق اقرار جرمة سوق ایدمیلله جکندن مظنونى حقیقتی سویلکه مجبور ایتک ایچون واسطه یکنه آنجق تحقیقات اولسنه کوره تحقیقات ابتدائی و استنطاقیه معقول و قانونی بر صورتده جریان ایتزسه بوندن مقصود و منتظر اولان فوائد و منفعت مرتفع اولش اوله جغندن تجربه لری سبقت ایتش و بو مسلكده ابراز مهارت و اقتدارله کسب تمیز ایلش اولان مستنطقلر معاملات استنطاقیه خصوصنده هر حالده انار فعالیت و جدیت ابرازله حیثیاتی و نه درجه ده وظیفه ور اولدقلىنی فعلاً اثبات ایتک غیرت ایتلیدرلر .

۳۶ — استنطاقدن مقصود اولان جهت جرمة فاعلی ظاهره اخراجدن عبارت بولمسنه نظراً وقعه حقنده عرض معلومات ایدم جک اوج بش یاشنده بر چوجق دخی اولسه افاده سی نظر اهمیتدن دور ایدلیوب استحصال معلومات ضمنیه افاده سی ضبط اولملی و تخصیص مظنونک خانه سی خلقتدن اولوب ادای شهادت و یا کتم معلوماتک نفع و ضررینی تقدیردن عاجز بر سنده بولنان کوچکلرکده روش تحقیقاته نظراً احتیاج موجود اولدقجه بعض نقاط حقنده در حال معلوماتلرینه مراجعت اولملیدر .

باش مدعی عمومی باش معاوی

مظفر